



JORNAL

do

Parlamento Nacional

IV LEGISLATURA

1.ª SESSÃO LEGISLATIVA (2017-2018)

REUNIÃO PLENÁRIA DE 05 DE SETEMBRO DE 2017

Presidente: Ex.^{mo} Sr. Adérito Hugo da Costa

Vice-Presidentes: Ex.^{mos} Srs. Duarte Nunes
Eduardo de Deus Barreto

Secretária: Ex.^{ma} Sr.^a Maria Fernanda Lay

Vice-Secretárias: Ex.^{mas} Sr.^{as} Maria Domingas Alves da Silva «Bilou-Mali»
Ângela M. C. de A. Sarmento

SUMÁRIO

Presidente loke sessão plenária iha tuku 10 liu minuto 26 dadeer.

Iha primeira reunião plenária IV Legislatura Parlamento Nacional nian ne'e loke ho execução hino nacional *Pátria* no tuir kedas ho discurso Sr. Presidente cessante Adérito Hugo da Costa nian. Iha biban ne'e, Plenário nomeia Sr.^a Maria Fernanda Lay (CNRT) nu'udar Secretária da Mesa em exercício.

Hala'o mós leitura, discussão, votação no aprovação ba Projeto de Deliberação n.º 1/IV – Constituição da Comissão de Verificação de Poderes.

Depois hala'o apresentação no leitura ba Relatório Comissão de Verificação de Poderes nian, hussi Sr. Vicente da Silva Guterres (CNRT) nu'udar Presidente Comissão ne'e nian no Sr.^a Josefa Alvares Pereira Soares (FRETILIN) nu'udar relatora. Tuirmai, halo mós aprovação ho unanimidade ba Relatório ne'e.

Iha biban ne'e, Parlamento Nacional mós efetua juramento ba Deputado eleito sira hussi partido lima, mak: Frente Revolucionária do Timor-Leste Independente, Congresso Nacional de Reconstrução de Timor-Leste, Partido da Libertação Popular, Partido

Democrático no Kmanek Haburas Unidade Nacional Timor Oan.

Ikusmai, apresentação candidatura ba eleição Presidente do Parlamento Nacional, ne'ebé Sr. Aniceto Longuinhos Guterres Lopes (FRETILIN) no Sr. Adérito Hugo da Costa (CNRT) nu'udar candidato. Liutiha discussão ne'ebé naruk, ikusmai Sr. Aniceto Longuinhos Guterres Lopes (FRETILIN) mak eleito ba Presidente do Parlamento Nacional ba período 2017-2022.

Depois hala'o mós cerimónia passagem cadeira presidencial hussi Presidente cessante ba Presidente eleito no continua kedas ho discurso Presidente do Parlamento Nacional nian.

Ikusliu, halo execução dala ida tan ba hino nacional *Pátria* hodi taka sessão ne'e.

Deputado sira ne'ebé halo intervenção mak hanessan tuir mai ne'e: Sr. Natalino dos Santos Nascimento (CNRT); Sr. Aniceto Longuinhos Guterres Lopes (FRETILIN); Sr. Fidelis Manuel Leite Magalhães (PLP); Sr. António da Conceição (PD); Sr.^a Armanda Berta dos Santos (KHUNTO); Sr. Joaquim dos Santos (FRETILIN); Sr. Mari Bin Amude Alkatiri (FRETILIN); Sr. Francisco Miranda Branco (FRETILIN); Sr. António Verdial de Sousa (KHUNTO); Sr. Dionísio da Costa Babo Soares

(CNRT); Sr. Estanislau da C. Aleixo Maria da Silva (FRETILIN); Sr. Adriano do Nascimento (PD); Sr.^a Carmelita Caetano Moniz (CNRT); Sr. Antoninho Bianco (FRETILIN); Sr. David Dias Ximenes (FRETILIN); Sr. Osório Florindo da Conceição Costa (FRETILIN); Sr. Luís Roberto da Silva (KHUNTO); Sr. Vicente da Silva Guterres (CNRT); Sr. Abel Pires da Silva (PLP); Sr. Rui Maria de Araújo (FRETILIN); Sr. Patrocínio Fernandes dos Reis (CNRT); Sr. Merício Juvenal dos Reis (PLP); Sr. José Agostinho da Silva (KHUNTO); Sr. Manuel Thomas Amaral de Carvalho (PD); Sr.^a Albina Marçal Freitas (CNRT); Sr. Arão Noé de Jesus Amaral (CNRT); Sr.^a Ilda Maria da Conceição (FRETILIN); Sr. Jacinto Rigoberto Gomes de Deus (CNRT); Sr. Demétrio do Amaral de Carvalho (PLP); Sra. Josefa Álvares Pereira Soares (FRETILIN); Sr. Mariano Sabino Lopes «Assanami» (PD); Sr.^a Maria Angelina Lopes Sarmento (PLP); Sr.^a Gabriela Alves (FRETILIN) no Sr.^a Olinda Guterres (KHUNTO).

Sr. Presidente (Aniceto Longuinhos Guterres Lopes) taka sessão plenária iha tuku 10 liu minuto 50 kalan.

Sr. **Presidente Cessante** (Adérito Hugo da Costa): — Excelências, distintos Deputados, bom dia e bem-vindo ba primeira reunião da IV Legislatura, terça-feira 5 de setembro de 2017.

Horas hatudu tuku 10 liu minuto 26 dadeer.

Bom dia e bem-vindo ba família boot Parlamento Nacional, convidado sira hotu, líderes partidos políticos ne'ebé hetan assento iha Parlamento Nacional tuir resultado eleição Parlamentar 2017, mak ha'u respeita.

Ita hahú abertura reunião iha 10 h liu 31 min, ho nune'e, ha'u convida Ex.^a distinto Deputado sira hotu, assistência tomak ho povo doben Timor-Leste, ita hahú abertura ne'e ho hino nacional.

Execução hino nacional Pátria.

Sr. **Presidente Cessante**: — Obrigado.

Tuirmai, Sr. Presidente cessante hakat ba pódio hodi hato'o nia discurso.

Excelentíssimos distintas Deputadas e distintos Deputados, Líderes das Bancadas da III Legislatura, Líderes dos Partidos Políticos mak ha'u respeita,

Iha momento histórico ida-ne'e, ha'u labele haluha hahú ha'u-nia intervenção ne'e ho liafuan hodi hato'o parabéns ba Timor-Leste nia aman tanba vitória iha delimitação ba ita-nia fronteira marítima ho Austrália!

Parabéns Maun Boot Kay Rala Xanana Gusmão!

Parabéns ba povo Timor-Leste!

Parabéns ba futuro nação Timor-Leste ne'ebé nabilan ba daudaun ona.

Obrigado barak tanba Maun continua luta nafatin!

Obrigado barak tanba la lakon neon bainhira ema balu ko'alia kona-ba derrota!

Contra buat hotu, contra ema hotu, Maun nia esperança lakan maka'as nafatin, no lori ita ba vitória!

Viva Maun Boot Kay Rala Xanana Gusmão! Viva Timor-Leste!

Ha'u convida dala ida tan ita hotu nia aplauso em nome povo Timor-Leste ba Maun Boot Kay Rala Xanana Gusmão.

Bassa liman geral.

Obrigado ba Maun Boot, obrigado ba equipa tomak, e ho apoio tomak, no fim iha resultado ne'ebé ita hotu hatene ona.

Ha'u hakarak mós hato'o obrigado ba partido político sira ho assento parlamentar iha III Legislatura tanba apoio hotu-hotu ne'ebé sira sempre fó bainhira precisa. Ha'u laran-ksolok hodi sai testemunha ba sentido de Estado no união ne'ebé Parlamento Nacional sempre hatudu kona-ba questão Fronteira Marítima, desde resolução Parlamento Nacional iha fulan outubro de 2014.

Ha'u laran-metin katak partido político foun iha Parlamento Nacional ne'e mós haree vitória ida-ne'e hanessian sira-nian hotu no katak sira sempre fó sira-nia apoio tomak ba objetivo nacional ida-ne'e atu sai realidade.

Obrigado ba Bispo Diocese tolu, Governo no povo australiano, veteranos Timor-Leste no veterano australiano sira no povo nação rua ne'e nian, Timor-Leste e Austrália.

Ne'e independência nia concretização! Ne'e vitória boot ba Timor-Leste!

Excelências, distintos Deputados e distintas Deputadas, convidado tomak, família boot Parlamento Nacional, mak ha'u respeita,

Bainhira ita hahú legislatura ida, ne'e sempre momento ho esperança, hodi hahú filafali, hodi começa ciclo ida, ne'ebé nia autores principais maka parlamentar sira, ho sira-nia proporção força respetiva, ne'ebé timoroan sira maka determina iha eleição foin daudaun ne'e. Tuir escolha ne'e, ita sei serbí ita-nia povo nia interesse ho ita-nia capacidade tomak, ho honra no dedicação.

Maibé ha'u ko'alia ba assembleia ne'e nu'udar Presidente cessante, no, tanba ne'e, ha'u hakarak hato'o ba Ita-Boot sira hotu katak ha'u sente privilégio boot hodi serbí ita-nia povo durante tinan ida fulan tolu nu'udar Presidente do Parlamento Nacional, órgão soberania nian ida-ne'ebé iha posição importante tebetebes iha sistema democrático Timor-Leste nian.

Ida-ne'e maka único órgão soberania nian ne'ebé halibur representantes diretos hussi tendência política relevante sira hotu iha Timor-Leste. Órgão ne'e maka hatudu di'ak liu hotu povo Timor-Leste nia vontade soberana, ne'ebé reflete mós iha composição bancada partido político ida-idak nian.

Nune'e, no hola iha consideração cenário político no repartição forças ne'ebé agora daudaun iha, la sussar atu si'ik katak debate político sira-ne'ebé importante liu iha tinan hirak oinmai sei hala'o iha Uma-Fukun ida-ne'e. Iha Parlamento Nacional maka sei hetan consenso hirak-ne'ebé precisa atu garante desenvolvimento estável iha ita-nia nação. Iha-ne'e, iha ita-nia Uma-Fukun, mak sei garante, iha ninia expoente máximo, democracia nia lala'ok lulik.

Parlamento Nacional tem que hatene cumpre didi'ak nia dever constitucional sira maibé tem que mós hatene ultrapassa ninia métodos tradicionais. Parlamento tem que hatene hatán ba momento iha ita-nia vida agora daudaun no responde ba sinal sira ne'ebé ita-nia povo fó hela ba ita. Ne'e maka expectativa povo nian ne'ebé aas ba ita atu fó respostas concretas.

Ita hotu, nu'udar deputado, tem que halo timoroan sira sente bessik ba poder no fiar liu ba beibeik ita-nia açãõ, sente katak ita representa duni sira.

Iha tinan hirak ikus ne'e, ita hotu sai testemunha ba vivacidade e criatividade debate nian iha Timor-Leste no liuliu ita haree ema hato'o sira-nia hanoin ne'ebé la hanessan liuhossi cultura respeito no diálogo nian ne'ebé metin. Ha'u confessa katak ha'u fiar tebetebes katak ita sei hametin cultura ne'e iha futuro.

Ha'u reconhece katak divergência ideias nian no conflito normal iha política democrática, maibé la iha democracia ida ne'ebé bele sobrevive se la iha cultura lealdade institucional no diálogo estratégico nian entre partido sira ne'ebé representado iha Parlamento Nacional.

Senhoras e Senhores Deputados,

Atubele hala'o democracia ho qualidade, instituição sira tem que preparado ba futuro nia desafio oioin no tem que organizado internamente tuir prática di'ak internacional, com certeza ho adaptação ba sistema no costumes Timor-Leste nian.

Ba Parlamento atu sai preparado ba futuro, iha tinan ikus ne'e ami concebe no hahú implementa reforma administrativa kle'an. Ami cria Comissão Eventual ba Reforma Parlamento Nacional nian, ho representação hussi partido político sira hotu, ne'ebé elabora no apresenta Lei ba Organização e Funcionamento Administração Parlamentar nian foun, que depois aprova iha Plenário no hamossu mecanismo foun oioin ba gestão e transparência no revoluciona serviços parlamentares nia organização, hodi prepara sira atu serbí deputado no cidadão sira di'ak liu.

Ami introduz maneira foun oioin atu garante cidadão sira-nia participação. Ami introduz transparência boot liu iha exercício cargos públicos liuhossi aprovação ba registo interesses nian no ami aprova, ba dala uluk iha Parlamento Nacional nia história no ho acordo hussi partido sira hotu, Plano Estratégico ida, ba Parlamento atu sai iha 2022 instituição dinâmica, transparente, nakloke ba ema hotu-hotu nia participação, ne'ebé apoia realização ba cidadão sira-nia aspiração ba nação democrática e próspera ida, ne'ebé baseia iha respeito ba malu no inspira iha valores igualdade no solidariedade nian.

Ami adota mós mecanismo moderno ba controlo contas nian, hanessan gabinete independente ba auditoria interna no divisão ida ba planeamento, monitorização e avaliação ba direção no divisão sira hotu, ne'ebé acompanha permanentemente cumprimento ba plano estratégico liuhossi plano ação anual hussi direção no divisão ida-idak Parlamento Nacional nian.

Ami cria Centro ba Formação Parlamentar. Importante tebes atu garante formação contínua no permanente ba funcionário sira Parlamento nian. Ha'u laran-metin katak ita hotu hakarak, iha tempo badak loos, Parlamento atu iha corpo funcionários ho nível hanessan parlamento sira ne'ebé di'ak liu iha região, ho motivação no ho vontade atu participa iha mudança paradigma ba instituição eficiente no competente liután.

Durante tinan ida ikus ne'e, começa mós primeiros passos atu cria base hodi estabelece mecanismo ida ba resposta automática ba violações direitos humanos. Parlamento Nacional, nu'udar Uma-Fukun ba ema hotu-hotu, tem que iha mecanismo ne'ebé ajuda atu antecipa no atu reage kedas ba queixas kona-ba violação direitos humanos nian. Mecanismo ho base parlamentar ida-ne'e, ne'ebé único iha mundo, fó biban atu analisa no reage kedas ba queixas ne'ebé cidadão sira hato'o ne'ebé relaciona ho violação ba direitos protegidos iha Constituição República Democrática de Timor-Leste nian, iha Declaração Universal Direitos Humanos nian hussi Nações Unidas, iha Convenção Europeia ba Direitos Humanos, no iha texto fundamental seluk-seluk ba proteção Direitos Humanos nian.

Atu haburas relações internacionais no cooperação, Parlamento cria gabinete específico ne'ebé assegura apoio eficaz ba políticas externas Estado nian, liuhossi utiliza rede parlamentar internacional, inclui parlamento seluk-seluk, grupos parlamentares de amizade no mós organização internacional relevante sira hanessian União Inter-Parlamentar, Parlamento Europeu, Assembleia Parlamentar CPLP nian no Assembleia Inter-Parlamentar ASEAN nian. Intenção maka atu Parlamento apoia ita-nia Estado liuhossi ita-nia rede específica contactos nian atu halo Estado nia ação iha rai-li'ur sai efetivo liu, liuliu kona-ba política fundamental sira.

Gabinete ne'e mós hala'o negociação no gestão ba Parlamento nia programas cooperação nian, liuhossi contacto permanente ho ita-nia parceiro sira ba desenvolvimento, no organiza cooperação ho maneira ne'ebé evita sobreposição ajuda nian no liuliu identifica momoos ho exatidão áreas ne'ebé Parlamento Nacional sei precisa apoio, ne'ebé reflete iha Plano Estratégico. Maneira foun atu funciona ne'e mós começa hamossu ona resultado, tanba acordo cooperação ho Assembleia da República Portuguesa no Programa Cooperação União Europeia nian ne'ebé Camões sei implementa, negocea ona tuir modelo foun ne'e ho hakru'uk totalmente ba princípio no necessidade sira-ne'ebé hakerek iha Plano Estratégico 2017-2022.

Senhoras e Senhores Deputados, convidados maka ha'u respeita e povo doben Timor-Leste,

Ha'u tem que temi mós desafio balu ne'ebé relevantes liu durante mandato ne'ebé agora remata. Ami debate no aprova reforma legislativa oioin ne'ebé determinante ba país nia futuro. Ha'u refere ba pacote legislativo lei rai nian no lei ba segurança social.

Pacote legislativo lei rai nian completamente essencial ba nação nia desenvolvimento. Ninia implementação sei hamossu certeza jurídica ne'ebé precisa ba regime propriedade imóveis nian atu garante investimento no desenvolvimento integrado e sustentado nação nian. Ne'e tama entre reforma sira ne'ebé timoroan no investidor hussi rai-li'ur hein ho ansi.

Lei kona-ba segurança social ne'e tama entre iniciativas III Legislatura nian ne'ebé barani liu. Ne'e reflete compromisso político e solidário Estado nian. La iha sociedade ida-ne'ebé bele hetan crescimento justo no partilhado se nia hussik ba kotuk ema balu. Ha'u laran-metin katak ita hotu iha-

ne'e hakarak hetan crescimento hamutuk, luta contra desigualdade ba ema hotu-hotu atu iha oportunidade hanessan.

Iha sessão legislativa ikus ne'e, parlamentar sira hussi III Legislatura mós halo revisão kle'an ba deputado sira-nia pensão, no mós hola iha consideração recomendações hussi seminário ne'ebé organiza atu clarifica posicionamento iha luta contra corrupção, iha limite constitucional nia laran. Corrupção nu'udar moras boboot iha mundo ne'e. Corrupção la'ós de'it milhões ne'ebé sai hussi Estado nia cofre, maibé significa mós menos estradas, menos hospitais, bee moos, no infraestrutura sira seluk ne'ebé bele muda comunidade no ema barak nia vida. Sai claro katak fundamental ba Administração Pública atu iha procedimentos claros no transparentes ne'ebé bele acompanha no fiscaliza. Fundamental ba promove política transparência nian no luta la hotu contra corrupção.

Falta concretiza iniciativa balu - no ha'u hato'o sugestão ba Mesa do Parlamento Nacional tuirmai - nomeadamente cria quadro jurídico ne'ebé concretiza Parlamento Nacional nia autonomia patrimonial, atu evita questão hirak-ne'ebé marca final mandato ne'e nian kona-ba alienação ba Estado nia bens móveis.

Senhora e Senhor Deputado sira hotu maka ha'u respeita,

Mai ita halo Legislatura ne'ebé começa ohin sai ocasião hodi hametin tan ita-nia democracia liuhossi diálogo parlamentar, liuhossi luta ba compromisso político sira-ne'ebé garante avanço social oiain no desenvolvimento ba ita-nia nação.

Ha'u remata ha'u-nia intervenção ida-ne'e, no hatete dala ida tan katak ne'e honra ida mai ha'u, serbí ha'u-nia nação no timoroan sira nu'udar Presidente do Parlamento Nacional. Ha'u halo buat hotu ne'ebé ha'u consegue halo, conta ho apoio tomak Bancada haat, Bancada CNRT, Bancada FRETILIN, Bancada Partido Democrático, Bancada FRENTI-MUDANÇA, no ha'u tun ho consciência katak ha'u fó ha'u-nia esforço tomak ba Legislatura ne'ebé hahú agora atu hetan Parlamento Nacional transparente liu, eficiente liu no bessik liu ba timoroan sira-nia ambições no aspirações.

Obrigado barak ba Excelência sira hotu nia atenção, família boot Parlamento Nacional, Deputado III Legislatura e mós bem-vindo ba Deputado IV Legislatura sira hotu.

Obrigado.

Bassa liman geral no Presidente cessante fila hikas ba Mesa presidência hodi dirige sessão ne'e.

Excelência sira hotu, hanessan ita hotu hatene, III Legislatura hahú ninia atividade desde 31 de julho 2012, ho presença membro do Governo ne'ebé tutela ba Parlamento Nacional. Tan ne'e, iha momento ida último ba nia serviço, hakarak oferece hela simbolicamente prenda ida, hussi Secretária de Estado dos Assuntos Parlamentares, Dr.^a Terezinha Viegas, ba III Legislatura nian. Nune'e, ha'u convida Sr.^a Secretária de Estado atubele hato'o prenda sira-ne'e.

Sr.^a Secretária de Estado dos Assunto Parlamentares, Maria Teresinha Viegas, hakat ba oin hodi troca prenda ba malu ho Presidente cessante no oferece mós prenda balu ba membro Mesa sira seluk.

Técnico sira, distribuição ne'e bele hela ba horas tuirmai, ita continua sessão, Sr. Deputado sira hotu.

Distribuição prenda ba Deputado sira interrompido.

Srs. Deputados, ho nune'e, ha'u convida Srs. Deputados eleitos ba IV Legislatura nian atu hola fatin, e Sr. Deputado sira...

Bassa liman geral bainhira troca fatin entre Deputado III Legislatura no Deputado IV Legislatura nian.

Excelências, distinto Deputado sira hotu, ba processo atu hola fatin ba IV Legislatura nian, ita iha *layout* foun, ne'ebe técnico sira precisa mais ou menos 15 min, ou máximo 20 min, atu monta cadeira sira-ne'e tuir *layout* ne'ebé técnico sira prepara ona no informa ona mós ba bancada sira hotu. Nune'e, Sr. Deputado sira hotu, ita precisa mais ou menos 20 min lori fixa hotu ona fatin ba Legislatura foun atu hahú sira-nia serviço.

Reunião interrompido iha minuto balu nia laran hodi técnico sira halo arranjo técnico ba fatin Deputado sira IV Legislatura nian.

Sr. Presidente Cessante: — Excelências, distinta e distinto Deputado sira hotu, ita haree ba agenda trabalho ne'ebé iha ida-idak nia mesa, agora duni ita tama ba nomeação de um secretário em exercício pelo Presidente. Quando ita halo processo ida-ne'e, ha'u fó atenção mós ba bancada sira atubele assina hela Projeto de Deliberação ne'ebé técnico sira prepara hela. Hussu ba bancada lima, karik bele, assina hela em nome bancada para depois Projeto de Deliberação ne'e bele facilita ita-nia discussão.

Agenda tuirmai maka nomeação de um secretário em exercício pelo Presidente. Maski ne'e fó ba Presidente cessante atu indica, maibé nafatin fó prioridade ba partido ka bancada mais votado ou segundo mais votado atu, karik, bele indica membro ruma ba secretário em exercício ba processo tuirmai.

Excelência distinta e distinto Deputado sira hotu, sequência tuirmai ba nomeação secretária em exercício hanessan ohin ha'u hato'o ona, se la iha bancada ruma mak fó sugestão, ha'u bele indica membro ruma atubele exerce knaar ida-ne'e.

Sr. Deputado Joaquim dos Santos hussi Bancada FRETILIN, halo favor.

Sr. **Joaquim dos Santos** (FRETILIN): — Obrigado, Sr. Presidente em exercício.

Ha'u hanoin, ba secretária ita indica de'it ita-nia ex-Secretária ne'ebé toman ona ho processo, ne'e di'ak liu do que ema foun.

Obrigado.

Sr. **Presidente Cessante**: — Obrigado ba intervenção hussi Bancada FRETILIN.

Iha bancada seluk la iha obsessão ba sugestão ida-ne'e, katak Secretária da Mesa cessante bele continua knaar ida-ne'e.

Sr. Deputado Natalino dos Santos, Bancada CNRT, halo favor.

Sr. **Natalino dos Santos Nascimento** (CNRT): — Obrigado, Sr. Presidente.

Bancada CNRT la iha objeção, obrigado.

Sr. **Presidente Cessante**: — Obrigado, Sr. Deputado.

Bancada seluk, atu hatete de'it katak atual Secretária da Mesa maka Sr.^a Deputada Fernanda Lay.

Bassa liman hussi Deputado sira.

Sr. Deputado sira hotu, ita concorda ona Sr.^a Deputada Fernanda Lay, Secretária da Mesa cessante, atu exerce knaar hanessan Secretária da Mesa em exercício.

Sr.^a Deputada Fernanda Lay bele hola fatin.

Sr. Deputado sira hotu, quando ita hein hela apresentação Projeto de Deliberação ba constituição da Comissão de Verificação de Poderes, ha'u hato'o de'it katak iha Mesa, iha cartão ho cor tolu, iha mudança uitoan ho anterior. Iha anterior nian a favor mak verde, karik iha partido ruma idêntico ho cor ida-ne'e, bem-vindo mai iha Parlamento Nacional, liuliu KHUNTO (Kmanek Haburas Unidade Nacional Timor Oan).

Basa liman mós hussi Deputado sira.

Karik partido balu iha cor idêntico mós, kala rohan-rohan, CNRT (Congresso Nacional de Reconstrução de Timor-Leste) karik, selusseluk, bem-vindo, karik mós PLP (Partido da Libertação Popular) ho PD (Partido Democrático), no ba abstenção e contra.

Excelências, distinto Deputado sira hotu, liuliu ba assistente tomak, família, público ne'ebé presencia iha-ne'e, hakarak hato'o ba Ita-Boot sira hotu, excelência sira hotu, em nome Parlamento

Nacional, desculpa tanba fatin ka espaço la suficiente ba evento sira hanessian ne'e. Parlamento, desde I Legislatura to'o termina III Legislatura nian ba ohin, ladauk iha espaço ida adequado, nune'e bele halo construção ba edifício foun ne'ebé bele acomoda atividades parlamentares no mós evento nacional sira hanessian ne'e, ho espaço ne'ebé apropriado. Tan ne'e, iha biban ida-ne'e, hanessian Presidente do Parlamento cessante hato'o hela ba Bancada lima ne'ebé iha-ne'e, atu iha início primeiro ano Legislatura nian, bele tau ona atenção ba futuro edifício Parlamento Nacional, ne'ebé desde I Legislatura, preparação técnica hala'o ona, iha II Legislatura e até III Legislatura ho contacto sira ne'ebé iha, atubele hahú construção ba futuro edifício.

Ita hotu acompanha rassik evento último tomada de posse Presidente da República nian ita halo iha fatin aberta, ne'ebé tuir karik *protocol, standard* ne'ebé iha, la podia evento sira-ne'e bele halo iha fatin sira ne'ebé aberta demasiado. Nune'e, ne'e trabalho de casa ba IV Legislatura sira atubele hanoin ona futuro edifício Parlamento Nacional. Ba futuro Governo mós hanessian, atu haree ona espaço ida mais adequado ba futuro edifício Parlamento Nacional nian.

Sr. Deputado sira hotu mak ha'u respeita, processo apresentação Projeto de Deliberação mai hussi Plenária, apresenta hotu ona, agora iha processo halo fotocópia. Quando ita hein cópia no halo distribuição, ha'u hussu ba Sr.^a Secretária em exercício atu halo leitura ba Projeto de Deliberação.

Sr.^a Secretária da Mesa em exercício, halo favor.

Sr.^a Secretária da Mesa em Exercício (Maria Fernanda Lay): — Muito obrigada, Sr. Presidente.

«Projeto de Deliberação do Parlamento Nacional n.º 1/IV.

Constituição de uma Comissão Eventual de Verificação de Poderes dos Deputados eleitos.

- I. O Estatuto dos Deputados aprovado pela Lei n.º 5/2004, de 5 de maio, alterada pela Lei n.º 7/2017 de 26 de abril, determina, no artigo 3.º, a criação de uma comissão Parlamentar com a finalidade específica de verificar os poderes dos Deputados eleitos que iniciam o novo mandato.
- II. No mesmo sentido dispõe o artigo 42.º do Regimento do Parlamento Nacional, nos termos do qual os poderes dos Deputados são verificados pelo Parlamento Nacional através de comissão parlamentar expressamente criada para o efeito.
- III. A natureza regimental dessa comissão é, por seu turno, a da comissão eventual, já que se destina a um fim determinado conforme determinam os artigos 26.º e 36.º do Regimento.
- IV. Nestes termos, os Deputados eleitos na IV Legislatura do Parlamento Nacional da República Democrática de Timor-Leste deliberam constituir uma Comissão Eventual de Verificação dos Poderes dos Deputados eleitos constantes da ata de apuramento nacional da Comissão Nacional de Eleições e do Acórdão do Coletivo dos Juizes do Tribunal de Recurso, proferido no processo NUC 0095/17/TRDIL, publicado no *Jornal da Republica*, I série, n.º 28B, de 1

de agosto de 2017, a qual se manterá em funções até que se constitua comissão especializada permanente competente em razão desta matéria.

- V. A Comissão de Verificação de Poderes, doravante designada por Comissão, é constituída pelos seguintes Deputados:
- FRETILIN - 3 Deputados;
 - CNRT - 3 Deputados;
 - PLP - 2 Deputados;
 - PD - 2 Deputados;
 - KHUNTO - 1 Deputado.
- VI. Compete à Comissão eleger a respetiva Mesa e designar um relator.
- VII. É objeto da Comissão o apuramento da lista dos candidatos eleitos, organizada por partidos, segundo a representatividade decrescente dos mesmos, e por ordem alfabética, atribuindo a cada Deputado o número da ordem geral.
- VIII. Os elementos referidos e os demais que se mostrem relevantes constarão de relatório e parecer a submeter à apreciação e votação do Plenário, contendo a declaração de verificação dos poderes dos Deputados eleitos.
- IX. A Comissão deve ainda proceder às pertinentes substituições dos Deputados que exerçam cargos que determinem a suspensão do respetivo mandato, bem como dos demais que hajam requerido, pelos candidatos não eleitos dos respetivos partidos políticos que se sigam na ordem de precedência das listas respetivas.
- X. O relatório concluirá por um parecer formal, a submeter à votação do Plenário.
- Díli, 5 de setembro de 2017,
- Os Deputados proponentes:
- Mari Bin Amude Alkatiri;
 - Francisco Kalbuady Lay;
 - Fidelis M. Leite Magalhães;
 - Mariano «Assanami» Sabino;
 - Armanda Berta dos Santos.».

Sr. Presidente Cessante: — Obrigado ba Sr.^a Secretária.

Sr. Deputado sira hotu, ne'e maka Projeto de Deliberação ne'ebé hato'o hussi Sr. Deputado sira hotu. Karik ita bá liu iha número V nian, ba composição delegação cada bancada, hanessan ita hatene ona, depois de aprovação Projeto de Deliberação ida-ne'e, bancada sira sei indica membro sira tuir quota ne'ebé iha, Bancada FRETILIN iha 3 Deputados, CNRT 3 Deputados, PLP 2 Deputados, PD 2 Deputados, KHUNTO 1 Deputado, total membro na'in-11.

Iha tan observação ruma hussi bancada sira ba Projeto de Deliberação ida-ne'e, halo favor, molok ita halo aprovação ba Projeto de Deliberação ne'e.

Sr. Deputado sira, karik cópia seidauk iha mesa, ha'u hussu ba DIPLIN (Divisão de Apoio ao Plenário), halo favor, halo cópia lailais tanba tem que halo discussão e aprovação ba Projeto de Deliberação ida-ne'e.

Ha'u adianta de'it katak ba bancada sira-nia quota membro sira ba iha Comissão de Verificação mak hanessan ohin ha'u dehan ona.

Enquanto ita hein cópia Projeto nian, karik bancada sira indica ona membro ruma, bele pronuncia para depois Mesa halo lista.

Bancada FRETILIN, halo favor.

Sr. Aniceto Longuinhos Guterres Lopes (FRETILIN): — Obrigado, Sr. Presidente.

Hussi FRETILIN ami propõe Deputada Josefa Soares, Deputado Joaquim dos Santos e Deputado Antoninho Bianco.

Sr. Presidente Cessante: — Obrigado, Sr. Deputado.

Bancada CNRT, halo favor.

Sr. Natalino dos Santos Nascimento (CNRT): — Obrigado, Sr. Presidente.

Hussi Bancada CNRT ami propõe Deputada Carmelita Caetano Moniz, Deputada Maria Terezinha Viegas, Deputado Vicente Guterres.

Obrigado, Sr. Presidente.

Sr. Presidente Cessante: — Obrigado, Sr. Deputado.

Bancada PLP, halo favor.

Sr. Fidelis Manuel Leite Magalhães (PLP): — Obrigado, Sr. Presidente.

Hussi PLP ami propõe Sr.^a Deputada Maria Angelina Sarmento e Deputado Merício Juvenal dos Reis.

Obrigado.

Sr. Presidente Cessante: — Obrigado, Sr. Deputado.

Bancada Partido Democrático, halo favor.

Sr. **Antônio da Conceição** (PD): — Obrigado, Sr. Presidente.

Hussi Bancada Partido Democrático, ami candidata Deputado Adriano Nascimento ho Deputada Maria Gusmão.

Sr. **Presidente Cessante**: — Obrigado, Sr. Deputado.

Ikusliu, Bancada KHUNTO. Halo favor.

Sr.^a **Armanda Berta dos Santos** (KHUNTO): — Di'ak, Partido KHUNTO propõe António Verdial, Vice Primeiro Presidente.

Obrigado.

Sr. **Presidente Cessante**: — Obrigado, Sr.^a Deputada.

Obrigado ba bancada sira ne'ebé pronuncia ona naran atu preenche composição Comissão Verificação nian.

Tuirmai, Sr. Deputado sira hotu, iha observação ruma ba Projeto de Deliberação ne'e, halo favor, selae, concorda hotu ona ita bele halo aprovação.

Iha observação ruma, halo favor. La iha, hotu-hotu concorda ho composição Comissão nian ho na'in-11. La iha objeção, ita prepara ba aprovação Projeto de Deliberação.

Sr. Deputado sira, prepara ba votação, vota a favor, contra, abstenção, halo favor.

Hato'ona ba votação, hetan aprovação ho voto a favor 64, contra 0 no abstenção 0.

Ami haree hela, falta Deputado ida hossi Bancada CNRT.

Ho nune'e, Sr. Deputado sira hotu, ita aprova ona Projeto de Deliberação n.º 1/IV Constituição de Comissão de Verificação de Poderes.

Obrigado barak ba Sr. Deputado sira hotu, ho exercício ne'ebé ita halo, último, ba aprovação Projeto de Deliberação ida-ne'e maka ita halo suspensão ba reunião plenária ida-ne'e, ho nune'e, hodi fó ba Comissão de Verificação de Poderes atu halo sira-nia serviço.

Hanessan ita haree iha agenda, sira-nia tempo ba halo serviço, exercício ida, ba Comissão atu halo verificação de poderes, relaciona ba pedido substituição sira ne'ebé hatama hotu ona hussi bancada lima, balu halo substituição temporária, balu halo renúncia, balu halo pedido suspensão iha serviço, tanba previne iha incompatibilidade ninian.

Secção parlamentar nian iha DIPLIN, ba apoio Plenário nian, prepara hotu ona documento sira-ne'e para depois Comissão atubele hala'ona nia serviço, depois de aprovação Projeto de Deliberação ida-ne'e.

Agora 11 h liu 42 min, Sr. Deputado sira hotu, ita halo suspensão ba reunião ida-ne'e ho mais ou menos 30 min, ne'e ba serviço Comissão nian atu halo verificação, para depois sira hodi apresenta relatório Comissão nian e votação ba relatório Comissão nian molok ita tama ba sessão ida ikusliu mak juramento.

Iha observação ruma, Sr. Deputado sira, ba medidas até juramento ne'ebé ha'u pronuncia ona, halo favor, tanba karik juramento ne'e ita bele executa kedas antes intervalo ba almoço.

Sr. Deputado Natalino dos Santos, halo favor.

Sr. Natalino dos Santos Nascimento (CNRT): — Sr. Presidente, Bancada CNRT la iha objeção. Obrigado.

Sr. Presidente Cessante: — Obrigado, Sr. Deputado.

Sr. Deputado Joaquim dos Santos, halo favor.

Sr. Joaquim dos Santos (FRETILIN): — Sr. Presidente, ha'u hanoin ba posse ne'e só depois de Comissão de Verificação de Poderes apresenta relatório, ne'e mak foin bele posse, se antes de Comissão nia serviço, labele!

Obrigado.

Sr. Presidente Cessante: — Sim, Sr. Deputado, depois de Comissão apresenta relatório hotu, ita aprova relatório ne'e, depois ita tama ba fase final hussi processo ne'e mak juramento. Ho nune'e ita tuir fali agenda sira tuirmai hanessan sequência sira iha agenda ne'ebé iha Sr. Deputado sira-nia mesa.

Sr. Deputado Mari Alkatiri, halo favor.

Sr. Mari Bin Amude Alkatiri (FRETILIN): — Sr. Presidente, ha'u hussu desculpa, maibé antes ita toma posse ita foti uluk decisão ka ita toma posse uluk mak ita bele foti decisão? Agora ita pronto atu foti ona decisão ida, ne'e normal, verificação de poderes bele liu, maibé relatório, buat sira-ne'e, só depois de ita toma posse tiha mak ita bele iha.

Sr. Presidente Cessante: — Obrigado ba observação.

Sr. Deputado sira hotu, votação ba relatório da Comissão de Verificação de Poderes sei halo antes juramento, ne'e mak Regimento ne'ebé guia hela ita. Nune'e, sequência tuirmai depois de votação ba relatório Comissão de Verificação de Poderes nian mak ita tama ba juramento. Tanba juramento halo depois de verificação de poderes Deputado sira-nian, karik iha incompatibilidade ruma, sira-ne'e

labele tuir juramento. Tan ne'e mak serviço ne'ebé Comissão de Verificação halo atu identifica, deteta, karik iha incompatibilidade ruma molok atu tama ba sessão tuirmai mak halo juramento.

Nune'e, tempo ida ohin ha'u dehan katak iha 30 min ne'ebé fó ba Comissão atu hamutuk ho técnico sira apoio parlamentar nian hodi halo verificação ba Deputado sira hotu, nune'e bele apresenta iha tempo 30 min quando ita atu finaliza ho juramento.

Ne'e mak explicação ne'ebé ha'u hakarak hato'o ba intervenção Sr. Deputado Dr. Mari Alkatiri nian.

Iha tan observação ruma, liuliu ba sequência sira tuirmai? Hussu dala ida tan antes halo suspensão ba serviço Comissão de Verificação nian, serviço Comissão nian ho Deputado sira ne'ebé ohin bancada sira indica ona, imediatamente depois suspensão ne'e, bele concentra hamutuk ho técnico sira apoio parlamentar nian iha Sala de Conferências Parlamento nian atubele hahú kedas ona serviço.

Portanto, ita hein até 12h00 para halo aprovação ba relatório, e juramento hotu ita iha bee manas, café, chá, iha li'ur ne'ebé hein hela ita quando ita halo serviço até meio-dia.

Iha observação ruma, Sr. Deputado sira? La iha tan ona, então ita suspende ba 30 min quando ita hein relatório Comissão nian completa atu ita halo discussão e aprovação.

Ho nune'e, Sr. Deputado sira hotu, ita suspende, intervalo 30 min, depois quando sino toca fali, hotu-hotu mai atu continua ita-nia serviço.

Obrigado barak ba atenção, Sr. Deputado sira hotu, ba mós assistência tomak.

Horas hatudu tuku 11 liu minuto 45 dadeer no retoma fali sessão plenária ne'e iha tuku 1 liu minuto 14 loraik no sessão ne'e preside nafatin hussi Presidente cessante.

Sr. Presidente Cessante: — Distintos Deputados, assistente tomak, boa tarde.

Depois de ita halo pausa hodi fó tempo ba serviço Comissão de Verificação nian, resulta ona trabalho Comissão de Verificação nian, foin minuto 5 liubá, e cópia serviço Comissão nian iha hotu ona Sr. Deputado sira-nia mesa.

Ha'u convida Sr. Presidente da Comissão, Sr. Deputado Vicente da Silva Guterres, e Sr.^a Deputada Relatora, Deputada Josefa Álvares Pereira Soares, atu mai hato'o relatório Comissão nian.

Sr. Presidente da Comissão de Verificação de Poderes (Vicente da Silva Guterres): — Obrigado ba Sr. Presidente.

Ami Comissão Eventual hussu desculpa ba Sr.^a e Sr. Deputado sira hotu no mós público, mas serviço Parlamento mak nune'e, tem que discute, corrige, no tem que halo fali texto. Texto foun mai tem que discute filafali, tan ne'e mak ami hussu desculpa barak.

Ha'u hussu ba Sr.^a Relatora atu lê ita-nia relatório. Faz favor.

Sr.^a **Relatora da Comissão de Verificação de Poderes** (Josefa Álvares Pereira Soares): —
Obrigada, Sr. Presidente.

Ha'u passa ba lê relatório parecer Comissão de Verificação de Poderes.

«Comissão Eventual de Verificação de Poderes dos Deputados Eleitos.

Relatório e Parecer.

- I. Aos cinco dias do mês de setembro de 2017, pelas 12h00, reuniu na Sala de Conferências do Parlamento Nacional, a Comissão Eventual de Verificação de Poderes dos Deputados eleitos, daqui em diante designada por “Comissão”, para proceder à verificação dos poderes dos Deputados eleitos no dia 22 de julho de 2017 para o Parlamento Nacional, período 2017-2022-IV Legislatura.
- II. A Comissão é constituída pelos seguintes Deputados:
Josefa Álvares Pereira Soares (FRETILIN)
Antoninho Bianco (FRETILIN)
Joaquim dos Santos (FRETILIN)
Carmelita Caetano Moniz...» (FRETILIN) ...

Deputado sira corrige katak Deputada Carmelita Caetano Moniz la'ós hussi FRETILIN maibé CNRT.

Desculpa, toman tiha ona ho FRETILIN, ne'ebé hanoin dehan FRETILIN hotu de'it.

Hamnassa hussi Deputado sira.

«Carmelita Caetano Moniz (CNRT)

Vicente da Silva Guterres (CNRT)

Maria Teresinha Viegas (CNRT)

Adriano do Nascimento (PD)

Maria Teresa da Silva Gusmão (PD)

Maria Angelina Lopes Sarmiento (PLP)

Merício Juvenal dos Reis (PLP)

António Verdial de Sousa (KHUNTO)

- III. Iniciada a reunião, a Comissão deliberou eleger, por unanimidade dos Deputados presentes, o Sr. Deputado Vicente da Silva Guterres como Presidente da Comissão e a Sr.^a Deputada Josefa Álvares Pereira Soares como Relatora.
- IV. Compulsado o Acórdão do Tribunal de Recurso que proclamou o resultado das eleições legislativas, proferido no processo NUC: 0095/17/TRDIL — processo de eleição parlamentar do ano de 2017, publicado no *Jornal da República*, Série I, n.º 28B, de 1 de agosto de 2017, e os demais elementos enviados pela Comissão Nacional de Eleições, nomeadamente as listas de candidaturas dos partidos políticos com assento parlamentar, constatou-se a regularidade formal da atribuição de todos os mandatos.
- V. Foi assim possível apurar a seguinte lista dos candidatos eleitos organizada pelas designações dos partidos políticos que os apresentaram a sufrágio, segundo a representatividade decrescente dos mesmos, aparecendo os Deputados na mesma ordem em que foram inscritos nas listas eleitorais.

FRETILIN – Frente Revolucionária do Timor-Leste Independente

1. Mari Bin Amude Alkatiri
2. Francisco Miranda Branco
3. Josefa Álvares Pereira Soares
4. Aniceto Longuinhos Guterres Lopes
5. Joaquim dos Santos
6. Ilda Maria da Conceição
7. Rui Maria de Araújo
8. Estanislau da C. Aleixo Maria da Silva
9. Cidália Mesquita Ximenes
10. David Dias Ximenes
11. José Agostinho Sequeira «Somotxo»
12. Florentina da Conceição Pereira Martins Smith
13. Antoninho Bianco
14. Osório Florindo da Conceição Costa
15. Maria Angélica Rangel da Cruz dos Reis
16. António dos Santos
17. Dário Madeira
18. Lídia Norberta dos Santos Martins
19. Gabriela Alves
20. Silvino Adolfo Moraes
21. Angélica da Costa
22. Domingos Sávio Cabral Ribeiro
23. Fausto Freitas da Silva

1. Kay Rala Xanana Gusmão
2. Dionísio da Costa Babo Soares
3. Maria Teresinha da Silva Viegas
4. Adérito Hugo da Costa
5. Francisco Kalbuady Lay
6. Virgínia Ana Belo
7. Jacinto Rigoberto Gomes de Deus
8. Natalino dos Santos Nascimento
9. Carmelita Caetano Moniz
10. Ricardo Batista
11. Francisco da Costa Guterres
12. Brígida Antónia Correia
13. Vicente da Silva Guterres
14. Duarte Nunes
15. Maria Fernanda Lay
16. Júlio Tomás Pinto
17. Eduardo de Deus Barreto
18. Maria Rosa da Câmara «Bi Soi»
19. Patrocínio Fernandes dos Reis
20. Virgílio Pereira
21. Albina Marçal Freitas
22. Leandro Lobato

PLP – Partido da Libertação Popular

1. Taur Matan Ruak
2. Fidelis Manuel Leite Magalhães
3. Rosalina Ximenes
4. Abrão José Freitas
5. Demétrio do Amaral de Carvalho
6. Maria Angelina Lopes Sarmiento
7. Abel Pires da Silva
8. Merício Juvenal dos Reis

PD – Partido Democrático

1. Mariano «Assanami» Sabino
2. António da Conceição
3. Elvina Sousa Carvalho
4. Ernesto Fernandes «Dudu»
5. Adriano do Nascimento
6. Maria Teresa da Silva Gusmão
7. Manuel Thomas Amaral de Carvalho.

KHUNTO – Kmanek Haburas Unidade Nacional Timor Oan

1. Armanda Berta dos Santos
2. Olinda Guterres
3. António Verdial de Sousa
4. José Agostinho da Silva
5. Luís Roberto da Silva

VI. A Comissão é de parecer, por unanimidade, que devem ser julgados como verificados os poderes de todos os Deputados constantes da referida lista.

VII. Foi apresentada uma declaração de renúncia, previamente anunciada no Plenário.

VIII. Ao abrigo das disposições legais e regimentais aplicáveis, nomeadamente do disposto no artigo 7.º e no artigo 9.º do Estatuto dos Deputados, a Comissão de Verificação de Poderes procedeu à substituição pertinente do Deputado que renunciou ao mandato, pelo candidato não eleito que lhe segue na ordem de precedência na lista do respetivo partido, nos seguintes termos.

1. Partido PLP

O Sr. Taur Matan Ruak renunciou ao respetivo mandato, sendo substituído pela Sr.ª Signi Chandrawati Verdial.

IX. A comissão deliberou, por unanimidade, receber a renúncia e admitir a substituição, de acordo com o requerimento apresentado.

X. Analisados os dados disponíveis, a comissão é de parecer, por unanimidade, que devem ser igualmente julgados verificados os poderes do Deputados substituto e, conseqüentemente, legitimada a referida substituição.

A comissão é de parecer, por unanimidade, que devem ser julgados como verificados os poderes de todos os Deputados constantes da lista referida no ponto V, bem como que devem ser igualmente julgados e verificados os poderes do Deputado substituto e, conseqüente, legitimada a referida substituição.

Parlamento Nacional, 5 de setembro de 2017

O Presidente da Comissão

Vicente da Silva Guterres

A Deputada Relatora

Josefa Alvares Pereira Soares».

Obrigada.

Sr. Presidente Cessante: — Obrigado ba Sr. Deputado Vicente Guterres, Presidente da Comissão, e Sr.ª Deputada Josefa Álvares Pereira Soares, Deputada Relatora, ba apresentação relatório.

Obrigado barak, bele fila ba fatin.

Sr. Deputado sira hotu, hanessan halo ona relatório ba Comissão nia serviço, verifica hotu lista Deputado sira eleito tuir resultado ne'ebé anuncia, oficialmente, hussi Tribunal de Recurso, verifica hotu, no mós correspondências ne'ebé halo relativa ba substituição temporária ho mós renúncia hussi mandato, Comissão ho unanimidade aprova e la deteta qualquer incompatibilidade iha sira-nia serviço, e recomenda katak preenche requisitos atu ita bele passa ba aprovação para depois bele hakat ba ponto agenda tuirmai mak halo juramento.

Iha observação ruma hussi Plenária ba serviço Comissão nian, halo favor, molok ita atu prepara atu halo aprovação?

La iha observação ruma, excelências, distinto Deputado sira hotu, ho nune'e ita prepara ba vota ba relatório Comissão de Verificação de Poderes.

Prepara ba votação, Sr. Deputado sira hotu, vota a favor, contra no abstenção. Halo favor.

Hato'o ona ba votação, hetan aprovação ho voto a favor 65, contra 0 no abstenção 0.

Ho nune'e Parlamento aprova relatório Comissão nian ho unanimidade.

Hanessan ita haree iha agenda guião nian, depois de votação do relatório da Comissão de Verificação de Poderes, ita tama ba sessão tuirmai: juramento dos Deputados.

Atu fó hanoim de'it katak depois de juramento hotu, Sr. Deputado sira ha'u convida atu hakat liu kedas ba iha palco ida prepara hela iha portão principal, entrada Parlamento nian, atu hassai foto em grupo, e técnico sira prepara hotu ona fatin.

Sr. Deputado sira hotu, tuir Regimento do Parlamento Nacional, artigo 43.º, Juramento dos Deputados, ita hotu, ha'u convida atu hamriik depois ha'u halo leitura ba texto juramento ninian depois Sr. Deputado sira bele acompanha juramento.

Sr. Deputado sira hotu, ha'u sei halo leitura, depois pausa ida para Sr. Deputado sira tuir, depois ha'u começa fali tuirmai.

Ita hahú juramento.

Lian Deputado hotu-hotu nian: — «Juro por Deus, pelo Povo e por minha honra, cumprir com lealdade as funções em que sou investido, cumprir e fazer cumprir a Constituição e a Lei e dedicar toda a minha energia e capacidade à defesa e consolidação da independência, unidade e integridade nacionais.»

Sr. Presidente Cessante: — Obrigado, Sr. Deputado sira hotu, parabéns.

Basa liman hussi Deputado sira.

Senhores, distinta e distinto Deputado sira hotu, ita hakat ona agenda início nian to'o ba juramento, agora ita ba ponto agenda tuirmai mak apresentação de candidaturas para o cargo de Presidente do Parlamento Nacional.

Agora horas hatudu 1 h liu 35 min, Sr. Deputado sira hotu, até minuto ida-ne'e Mesa seidauk simu proposta ka lista candidato ba Presidente do Parlamento Nacional. Ho nune'e, se la iha objeção ita halo pausa, intervalo ba almoço, depois ita continua fali iha 3h00, e ne'e ita continua ho agenda ba apresentação de candidaturas para o cargo do Presidente do Parlamento Nacional.

La iha objeção, Sr. Deputado sira hotu, ha'u convida Sr. Deputado sira atu sai hussi fatin ida-ne'e, bá kedas iha palco ida iha entrada principal, técnico sira sei acompanha para depois hassai foto hamutuk, depois bele fila ba almoço, 3h00 ita hahú fali ita-nia agenda.

Prepara hela mós iha Parlamento *cocktail* simples, tanba fatin ladún adequado atubele prepara ida di'ak liután, então ho medidas *cocktail* de'it.

Sr. Deputado sira hotu, depois de hassai fotografia bele hakat liu ba almoço simples ne'ebé ami prepara hela.

Obrigado barak, boa tarde e bom almoço.

Intervalo ba almoço iha tuku 1 liu minuto 36 no retoma fali sessão plenária ne'e iha tuku 4 liu minuto 17 loraik ne'ebé preside nafatin hussi Presidente cessante.

Excelências, distinto Deputado sira hotu, assistente tomak, boa tarde.

Depois de intervalo ba almoço no mós fó tempo ba bancada sira atu halo apresentação ba candidatura ba cargo Presidente do Parlamento Nacional, agora ita hahú fali sessão ne'ebé adia. Agora, tuku 4 liu 18 min, técnico sira sei halo preparação ba documento sira, correspondência entre bancadas ho Parlamento relativa ba substituição temporária, no mós bancada ho Sr. Deputado sira sei prepara atu apresenta lista candidato sira, então técnico sira foin resolve hotu documento sira-ne'e iha minuto tolu liubá. Tan ne'e mak dala ida tan, ba serviço técnico ne'ebé lori ita to'o horas ida-ne'e, ba paciência excelência sira-nian hotu atubele acompanha situação ida-ne'e, ne'e maka foin minuto lima liubá preparação técnica administrativa sira relativa ba pedidos correspondência sira ba substituição temporária sira confirma hotu ona, inclui mós ba lista ne'ebé apresenta hussi Deputado sira, bancada sira, ba candidato Presidente do Parlamento Nacional.

Tuir Regimento hateten apresentação do candidato para o cargo Presidente do Parlamento Nacional antecipadamente 24 h, antes de eleição, mas na realidade to'o ohin meio-dia ita bá intervalo seidauk apresenta lista, iha horas almoço nian to'o lokraik ne'e lista foin tama hotu. De acordo com o Regimento, 24 horas apresentação, depois preparação ba eleição. To'o lokraik ne'e iha minuto 5 liubá

apresenta ona lista rua, candidato rua ba agenda atu compete iha cargo Presidente do Parlamento Nacional ba IV Legislatura nian.

Técnico sira prepara hela documentos!

Sr. Deputado sira hotu, bancadas parlamentares, hanessan ohin ha'u hatete ona, apresentação lista sira foin hotu iha minuto hirak liubá, cabe ba Plenária atu pronuncia, karik bele tama imediatamente ba processo eleição ou espera até 24 horas tuir Regimento para depois bele agenda iha aban.

Rona hussi Plenária, deliberação hussi bancada sira sobre assunto ida-ne'e.

Bancada sira, halo favor.

Bancada FRETILIN, Deputado Francisco Branco. Halo favor.

Sr. Francisco Miranda Branco (FRETILIN): — Sr. Presidente, boa tarde e boa tarde ba ilustre Deputado sira hotu.

Sr. Presidente, ami-nia hanoin katak processo ne'e la'ó naruk ona, povo mós iha expetativa boot, fulan ida nia laran, ami hanoin katak di'ak liu ita avança ona ba halo votação ba presidência da Mesa do Parlamento Nacional.

Obrigado, Sr. Presidente.

Sr. Presidente Cessante: — Obrigado, Sr. Deputado.

Bancada CNRT, Sr. Deputado Natalino dos Santos. Halo favor.

Sr. Natalino dos Santos Nascimento (CNRT): — Sim, boa tarde ba Sr. Presidente, boa tarde ba distinto Deputado sira hotu, rona-na'in, povo doben Timor-Leste tomak.

Sr. Presidente, ami hanessan bancada oposição, apresenta mós ami-nia candidatura ba atu halo competição iha eleição democrática ba liderança órgão soberano ninian, tanba tuir Regimento, 24 h mak ita bele halo eleição. Tanba ida-ne'e, ami hussu para adia ba aban, ho nune'e bancada partido sira bele iha comunicação atubele consolida, e aban ita bele ba hala'ó eleição hodi hili ita-nia Mesa do Parlamento Nacional.

Ida-ne'e de'it mak hakarak hato'ó.

Obrigado, Sr. Presidente.

Sr. Presidente Cessante: — Obrigada ba bancada CNRT.

Bancada PLP, halo favor.

Sr. Fidelis Manuel Leite Magalhães (PLP): — Obrigado, Sr. Presidente no Sr. Deputado sira.

Iha-ne'e, tuir Regimento dehan buat ida, então ita-nia condição atual buat seluk ida, como ami foun, ami hanoin, será que bele, então, ami sei concorda ho alteração se wainhira iha alteração ba Regimento. Tanba Regimento mak iha-ne'e, e fó regras ba procedimento iha-ne'e. Ne'ebe, experiência Ita-Boot sira iha liu, favor ida hatudu to'ok dalan ida ne'ebé di'ak liu.

Muito obrigado.

Sr. Presidente Cessante: — Obrigado ba bancada PLP, Sr. Deputado Fidelis Magalhães.
Bancada Partido Democrático, halo favor.

Sr. António da Conceição (PD): — Boa tarde, Sr. Presidente no distintos Deputados.

Sim, de facto, regra regulariza ita para 24 h na apresentação de candidatos, mas ita mós tem que ser haree, ohin ne'e propõe iha agenda atu halo ato solene ida ohin ninian, e público mós iha hela expetativa ida-ne'e ba ida ohin ninian.

Karik ami-nia opinião sei bá ho FRETILIN nian, se atubele realiza votação ohin, ami mós submete ba decisão.

Sr. Presidente Cessante: — Obrigado ba Partido Democrático.
Bancada KHUNTO, halo favor.

Sr. António Verdial de Sousa (KHUNTO): — Boa tarde, Sr. Presidente, boa tarde ilustre Deputado tomak.

Hussi partido KHUNTO, partido ida-ne'ebé foun, hola biban iha Uma-Fukun Parlamento, atu fó-hatene de'it ba Presidente do Parlamento, karik bele buka dalan ida-ne'ebé viável liu atu nune'e ita tama ba iha votação.

Obrigado.

Sr. Presidente Cessante: — Obrigado ba intervenções ne'ebé mai hussi bancada parlamentar sira hotu.

Sr. Deputado Dionísio Babo, halo favor.

Sr. Dionísio da Costa Babo Soares (CNRT): — Obrigado, Sr. Presidente.

Ha'u hanoin ne'e foin primeira vez mak ita halo votação iha... Ne'e la'ós primeira votação, mas primeira votação depois de ita halo tomada de posse, ha'u sugere atu ita tuir regras ne'ebé rege situação iha ita-nia Parlamento ne'e. E tanba ne'e, se regulamento ne'e em vigor, ita respeita.

Obrigado.

Sr. **Presidente Cessante**: — Obrigado, Sr. Deputado.

Sr. Deputado Joaquim dos Santos, halo favor.

Sr. **Joaquim dos Santos** (FRETILIN): — Obrigado ba oportunidade, Sr. Presidente em exercício.

Sr. Presidente, regras 24 h antes, maibé Plenária soberano, bele decide mecanismo atu bá eleição. Ne'ebe, ha'u hussu ba Mesa, hussik mai iha Plenária mak decide aban ka agora.

Obrigado.

Sr. **Presidente Cessante**: — Obrigado, Sr. Deputado.

Tanba decisão iha Plenária, tan ne'e mak ha'u guia hela processo ne'e até tomada de decisão.

Sr. Deputado Dr. Mari Alkatiri, halo favor.

Sr. **Mari Bin Amude Alkatiri** (FRETILIN): — Secunda posição Deputado Joaquim dos Santos, Plenário se soberano, então hussik Plenário mak decide.

Sr. **Presidente**: — Obrigado, Sr. Deputado.

Sr. Deputado Estanislau, halo favor.

Sr. **Estanislau da C. Aleixo Maria da Silva** (FRETILIN): — Sr. Presidente, iha II Legislatura no III Legislatura ha'u acompanha ne'e hotu. Ko'alia Regimento, Regimento, invoca Regimento, Regimento ne'e ita hala'o ulun tun, ain sa'e tiha dala barak tiha ona. Ne'e duni Plenário soberano, Plenário decide, bá vota e vota duni, porque expetativa comunidade nian, ita-nia população tomak hein hela ida-ne'e. Ita agora hakarak mai atu halo jogo oioin para adia tan ida-ne'e, saida mak ida-ne'e?! Eleição kleur tiha ona, hotu-hotu até ko'alia inconstitucional tan, agora mai to'o iha-ne'e hatete fali katak hein fali ba aban tan, então di'ak liu avança ona ba votação e o Plenário é soberano.

Portanto, ha'u Deputado iha-ne'e mós kleur ona, depois mak bá iha Governo, ha'u hanoin ita lalika mai fali ho Regimento ne'e, no mai fali hodi discute oioin. Iha-ne'e maioria concorda ba votação, ita avança ona ba votação hodi valoriza mandato ne'ebé população sira fó mai ita.

Muito obrigado.

Sr. **Presidente**: — Obrigado, Sr. Deputado.

Sr. Deputado Adriano do Nascimento.

Sr. **Adriano do Nascimento** (PD): — Obrigado, Presidente.

Boa tarde ba Presidente no ba maluk Deputado sira hotu.

Loos duni, serviço iha Parlamento tem que baseia ba Regimento ne'ebé iha.

Regimento hateten katak iha tempo 24 h para apresenta lista e hodi halo eleição, mas Regimento mós hateten katak serviço Parlamento nian ne'e hahú tuku 9 to'o tuku 6, se ha'u la sala, bele corrige ha'u. Agora ita tuku 4 liu, horas hira nia laran mak ita hussik hela hanessan ne'e, ne'e ha'u hanoin, se bele ita discute didi'ak para ita buka solução.

Questão importante ba ita mak ne'e: público hein hela, hein hela para Parlamento ida-ne'e iha nia liderança hodi bele gere no lori ukun Estado nian ne'e ba iha povo nia certeza.

Agora, razão seluk maka lista, ohin Presidente anuncia tiha ona katak iha lista rua ne'ebé hotu ona, se ida-ne'e vale ona no aprovado ona, porque é que ita tem que muda?! A não ser ita hein fali lista sira seluk ne'ebé candidato sira seluk atu mossu.

Ohin se iha ona rua, mak ne'e, ha'u hanoin la iha buat ida, ita tama ona ba votação atu nune'e bele fó certeza ba público katak órgão ida-ne'e funciona ona tuir povo ka maioria nia hakarak.

Muito obrigado.

Sr. Presidente Cessante: — Obrigado, Sr. Deputado.

Sr.^a Deputada Carmelita Caetano Moniz, halo favor.

Sr.^a Carmelita Caetano Moniz (CNRT): — Obrigada, Sr. Presidente.

Boa tarde ba Ita-Boot, ba Sr.^a e Sr. Deputado sira hotu, parabéns ba ita hotu e parabéns ba povo doben iha Timor-Leste laran.

E atu halo eleição ba timoroan ida-ne'ebé atu preside órgão soberania ida-ne'e, ida-ne'ebé sai nu'udar segundo órgão de soberania, ema ida-ne'ebé atu preside mak segundo homem iha Rain ida-ne'e, ne'e ita-hotu-hotu tem que tetu, tuur hamutuk no hanoin didi'ak, consolida partido político sira hotu hodi ita bá iha decisão ida ne'ebé fó di'ak tebes ba nação e ba iha funcionamento Parlamento Nacional ida-ne'e.

E saida mak guia ita-nia processo tomak iha Parlamento Nacional, liuhossi Deputado sira, mak ita-nia Regimento do Parlamento Nacional. Regimento do Parlamento Nacional, artigo 16.º, hateten ho clareza katak lista candidatura hatama ho 24 h antecedentes, ida-ne'e mak hateten loloos.

Ohin e agora daudauk mak Bancada sira hatama lista candidatura, ha'u sente la iha problema, nem ida, se ita adia uitoan ita-nia processo de votação ida-ne'e ba aban mak ita hotu-hotu mai ho hanoin ida para ita tuir processo de eleição ida-ne'e ho di'ak ba iha Uma-Fukun Parlamento Nacional e ba povo nia di'ak tomak, Sr. Presidente.

Obrigada, Sr. Presidente.

Sr. **Presidente Cessante**: — Obrigado, Sr.^a Deputada.

Sr. Deputado Antoninho Bianco, halo favor.

Sr. **Antoninho Bianco** (FRETILIN): — Obrigado.

Respeita ba Presidente cessante ho mós Mesa e colega Deputado sira hotu.

Ohin Presidente haruka dehan bancada pronuncia, se haree ba bancada pronuncia, bancada tolu a favor para votação agora, bancada rua dehan sei tetu, ne'e ida. Agora, segundo, ita haree katak ita hatene malu ona, sé maka candidato iha-ne'e ema la'ós foun, ita Deputado sira-ne'e ema conhece ona, ita lobi karik mós kleur tiha ona, sé mak atu dirige Mesa ne'e mós ba interesse povo e interesse nação ne'e nian, ita la duvida malu. Sé mak sa'e mós atu orienta Parlamento ne'e, ohin ne'e atu oinsá mak serviço hamutuk ho órgão sira seluk atu lori processo bá, dada malu kleur mós, resultado atu lori Parlamento ne'e bá. Tanba ne'e, Presidente, se Ita-Boot rona bancada, bancada na'in-lima pronuncia ona, se hakarak rona ba Plenária, então ami hotu ko'alia ne'e, mak ne'e, Plenário soberano atu decide ba interesse povo no interesse Rain ida-ne'e.

Obrigado.

Sr. **Presidente Cessante**: — Obrigado, Sr. Deputado sira hotu.

Ha'u rona ona intervenção hussi bancada sira hotu, ne'e mak ideias ohin quando ha'u fó- hatene iha início introdução katak processo administrativo ba correspondência hotu-hotu completa iha minuto hirak liubá e agora ha'u hussu deliberação hussi Plenário, ne'e mak processo ne'e la'o hela e ha'u la impede direito Deputado sira-nian atu halo intervenção.

Ne'ebe, ha'u guia hela processo ne'e to'o agora iha *koridor* ida ba Plenária ninian.

Sr. Deputado Dr. Mari Alkatiri, halo favor.

Sr. **Mari Bin Amude Alkatiri** (FRETILIN): — Ha'u hanoin Presidente hassai ona conclusão, ha'u mós secunda, fó fila ba Plenário para decide.

Sr. **Presidente Cessante**: — Portanto, Sr. Deputado sira hotu, de acordo ho intervenção sira ne'ebé mai hussi bancadas parlamentares, maioria bancada concorda atu avança imediatamente ba eleição.

Sr. Deputado sira hotu, ne'e mak deliberação Plenária ne'e nian.

Ponto de ordem hussi Deputado Natalino dos Santo. Halo favor.

Sr. **Natalino dos Santos Nascimento** (CNRT): — Obrigado, Sr. Presidente.

Tanba Plenário mak soberano, tan ne'e ami hanessan proponentes ba oposição cumpre decisão iha Plenária, tanba ida-ne'e ami hussu *break* 10 min, depois de mai, ita tama kedas ba processo votação.

Sr. Presidente, ne'e direito bancada nian! Obrigado.

Sr. **Presidente**: — Obrigado, Sr. Deputado.

Ponto de ordem: Sr. Deputado David Diaz Ximenes. Halo favor.

Sr. **David Diaz Ximenes** (FRETILIN): — Obrigado, Presidente.

Ohin dadeer-saan antes de 12h00 ita atu bá han ita dehan ona katak depois disso ita atu halo eleições ba iha ita-nia Presidente do Parlamento, ita fô tempo to'o kedas to'o iha 4h30 tan. Agora ita hussu tan, orsida ita hussu tan, hussu tan, dada malu to'o iha ne'ebé?! Ne'e duni ha'u-nia hanoin, orsida atu hili mós ita sira iha-ne'e mak atu hili malu, ita atu la hili mós ita sira iha-ne'e mak sei la hili malu. Atu serviço hamutuk mós ita sira-ne'e mak atu serviço hamutuk, sá lucro ida mak ita atu hassai iha-ne'e, ne'ebé ita dada hanessan dada borracha ne'ebé naruk-naruk tiha fali.

Obrigado, Sr. Presidente.

Basa liman hussi assistente sira iha fatin ba público nian.

Sr. **Presidente**: — Obrigado, Sr. Deputado sira hotu.

Ba assistente tomak, regras iha-ne'e hateten katak assistente sira labele bassa liman nem hakilar halo lian sai, selae bele lakon direito atu acompanha ka assiste Plenária ne'e, ne'e regras.

Sr. Deputado sira hotu, Sr. Deputado hussi bancada sira ne'ebé hussu, de acordo ho Regimento, atu halo agenda eleição nian iha aban, maibé deliberação Plenária nian maioria hateten katak ita tama imediatamente ba iha eleição. Se ha'u foti resumo hussi intervenção sira-ne'e, situação mak ida-ne'e.

Sr. Deputado Dionísio Babo Soares, halo favor.

Sr. **Dionísio da Costa Babo Soares** (CNRT): — Obrigado, Sr. Presidente.

Distinto Deputado sira mak ha'u respeita.

Ha'u hakarak atu halo loloos de'it, Presidente, ha'u Deputado foun, invoca to'ok artigo ida-ne'ebé hateten katak Regimento hateten hanessan ne'e e decisão Plenária oin seluk e ita tem que tuir decisão Plenária.

Favor invoca hela para depois bele claro.

Obrigado.

Sr. **Presidente**: — Obrigado, Sr. Deputado.

Ponto de ordem: Sr. Deputado Osório Florindo. Halo favor.

Sr. Osório Florindo da Conceição Costa (FRETILIN): — Obrigado, Presidente.

Boa tarde, Presidente em exercício.

Colega Deputado sira, ha'u hanoin ita lalika dulas malu, Regimento iha ka la iha, maibé Plenário ne'e mak soberano atu decide. Experiência ladún barak, maibé durante Parlamento ne'e existe, ha'u seidauk haree ita apresenta lista candidatura ne'e hein to'o 24 h lai mak vota, ne'e seidauk iha! Maibé, Regimento ne'e existe hela hanessian ne'e. Ne'ebe, ita honesto uitoan bá, ita-nia processo durante ida-ne'e ba IV Legislatura ona, ita seidauk iha experiência hatama lista candidatura depois de 24 h mak ita vota, ne'e seidauk iha! Ne'ebe, la iha buat ida mak *abnormal* ruma iha-ne'e, Regimento hanessian ne'e duni, maibé sempre hussu mós ba Plenário, ne'e ne'ebé soberano atu halo decisão. Tanba ne'e mak ha'u hanoin tem que hussu ona ba iha Plenário, la'ós bancada, Plenário tem que vota ba opção rua, ida 24 h, ida vota imediatamente, ba proposta ne'ebé apresenta ona.

Obrigado, Presidente.

Sr. Presidente: — Obrigado ba Sr. Deputado Osório Florindo.

Ponto de ordem: Sr. Deputado José Agostinho, Bancada KHUNTO. Halo favor.

Sr. Luís Roberto da Silva (KHUNTO): — Di'ak, hussi KHUNTO nian ami geração foun be, foin mak adapta «envariamento» ida-ne'e, ne'ebe ha'u-nia respeito ba iha Presidente da Mesa, e depois ba distinto Deputado sira hotu.

Ita baseia ba iha artigo 16.º ne'e hakerek claro, Regimento interno Parlamento Nacional, depois de 24 h bele apresenta candidato. Maibé, ita haree filafali ba iha agenda ne'ebé prepara, começa ohin dadeer até agora, ita haree ba horas mós foin...e ita kala descansa depois de almoço, dehan katak 3h00 começa, maibé ita dada tempo ne'e naruk liu ba filafali iha 3h30. Ne'ebe, ha'u fiar katak ida 3h30 ne'e hodi halo «nego» iha li'ur ne'ebá para bele apresenta candidato. Ne'ebe, Regimento interno ita cumpre nafatin, maibé agora daudauk ita halai filafali ba iha Plenário, Plenário mak bele foti decisão para bele vota.

Obrigado.

Sr. Presidente: — Obrigado, Sr. Deputado.

Ponto de ordem: Sr. Deputado Vicente Guterres. Halo favor.

Sr. Vicente da Silva Guterres (CNRT): — Obrigado, Sr. Presidente.

Boa tarde ba colega Deputado hotu.

Ha'u hanoin katak pelo menos iha 2012 primeira reunião do Parlamento foi no dia 30 de julho de 2012, e a eleição do Presidente foi no dia 31 de julho de 2012. Ha'u mós iha dúvida barak, tanba ha'u lakohi katak quando ita hakarak buat ida, ita vota atu contra lei ka contra Regimento. Tanba, loloos ne'e, para ser justo, ita-nia primeira reunião ida-ne'e devia hala'o até 15 dias depois de publicação oficial, portanto, o máximo até 16 de agosto de 2017 ida-ne'e. Ha'u la hatene justificação saida mak ita fó para adia to'o agora! Ne'ebe, em termos de Regimento ba eleição do Presidente do Parlamento e depois ba restantes membros da Mesa, realmente claro tebetebes iha-ne'e katak 24 h depois da apresentação das listas de candidatura.

Ha'u-nia receio, Sr. Deputado sira, Sr. Deputado Mari, principalmente, é ita la cumpre tiha uluk be, agora ita la cumpre tan ida-ne'e, ne'ebe ba oin ne'e a maioria do Plenário pode votar no sentido de atu contra fali a letra do Regimento ou da Lei ou da Constituição.

Ida-ne'e mak, ha'u-nia grande preocupação. Ha'u preocupado tebetebes ona tanba ita adia to'o dia 5, agora ita halo tan ida-ne'e, ida-ne'e mak ha'u manifesta ha'u-nia posição.

Muito obrigado.

Sr. Presidente Cessante: — Obrigado, Sr. Deputado.

Sr. Deputado Dr. Mari Alkatiri.

Sr. Mari Bin Amude Alkatiri (FRETILIN): — Obrigado.

La'ós defesa de honra porque ko'alia ha'u-nia naran.

Agora ita ko'alia buat ne'e parece que memória ne'e la iha ona. Tinan tolu nia laran ne'e ita hodi halo guião especial, ita halo Comissão Eventual, ida-ne'e Plenária mak decide. Se ita tuir Regimento, buat sira-ne'e la acontece, tanba ida-ne'e mak ita dehan Plenário é soberano.

Agora, interesse seluk de repente tama tiha iha klaran, ita haluha, ita-nia memória ne'e falha ona, halo favor fó mai Plenária atu decide.

Sr. Presidente Cessante: — Obrigado, Sr. Deputado.

Sr. Deputado Antoninho Bianco, halo favor.

Sr. Antoninho Bianco (FRETILIN): — Obrigado, Sr. Presidente.

Ha'u secunda, maibé ha'u hakarak hatene katak guião ida-ne'e ohin ita aprova tiha ona, tanba guião ne'e ita aprova mak ita hahú tiha ona mai, guião ne'e atu halo serviço iha dia 5 de setembro. Ohin, karik dia 4 ou dia 6? Se ohin dia 5, guião está aprovado. Então, ita agora la'o tuir guião ne'ebé iha tanba Plenário soberano, e ohin guião ne'e mak regula ita atu halo processo tomak. Tanba ne'e, ha'u

hanoin lalika bá votação tan guião mak orienta ita atu halo votação até ao fim, depois tuir guião ne'e, ne'e mak loos! Se guião ne'e la aprova, significa ita labele hala'o serviço desde ohin.

Obrigado, Sr. Presidente.

Sr. Presidente Cessante: — Obrigado, Sr. Deputado sira hotu.

Discussão naruk tebetebes, ha'u hakarak hatete katak depois, iha curta intervenção sira tuirmai, ha'u limita ona para depois ita bá decisão.

Sr. Deputado Fidelis Magalhães, halo favor.

Sr. Fidelis Manuel Leite Magalhães (PLP): — Obrigado, Sr. Presidente.

Hussi PLP nia posição, ami-nia hanoin mak hanessan ne'e: prática ida-ne'ebé la loos, ita repete fila-fila la halo nia sai loos.

Ami-nia preocupação: se iha Regimento, halo tuir Regimento! Ne'ebe, ita hotu iha-ne'e iha Regimento, e guião la boot liu Regimento, a não ser ita hotu iha-ne'e iha mecanismo atu halo to'ok concordância ida atu altera ida-ne'e. Maibé, ha'u hanoin katak repetição hussi buat ne'ebé la loos, la halo sassán sai loos.

Obrigado.

Sr. Presidente Cessante: — Obrigado, Sr. Deputado.

Sr. Deputado David Ximenes ba segunda vez. Halo favor.

Sr. David Dias Ximenes (FRETILIN): — Obrigado, Sr. Presidente.

Karik ohin dadeer-saan ita aprova guião ida-ne'e, karik ita, ohin, lê mak aprova ka ita tuur-tuur mak aprova de'it? Porque iha segunda parte ne'e dehan hanessan ne'e, haree didi'ak bá, «Votação para eleição do Presidente do Parlamento Nacional», e depois, «Proclamação do resultado e anúncio do nome do Presidente eleito», ne'e mak ne'e.

Ohin ita hotu-hotu aprova, de repente de'it ita bá han, kala bossu demais liu, to'o iha-ne'e haluha tiha fali guião ida-ne'e hotu.

Hamnassa hussi Deputado sira.

Problema mak ida-ne'e, haree didi'ak to'ok guião ida-ne'e, favor boot ida. Haree didi'ak tiha porque selae ha'u haree ita ohin ne'e hahán mak demais liu fali.

Obrigado.

Sr. Presidente Cessante: — Obrigado, Sr. Deputado.

Sr. Deputado sira hotu, Regimento mak guia ita durante ne'e e mós guião ne'ebé representa iha ne'e baseia ba Regimento mak ita elabora guião ne'e.

Cenário ohin nian ba processo tomak to'o ohin meio-dia ita encerra, ha'u anuncia ona katak seidauk iha apresentação qualquer lista, ne'e ohin meio-dia ha'u anuncia kedas ona quando ita intervalo. Situação hanessian ida-ne'e, tan ne'e mak ha'u tem que hussu e informa ba Deputado sira iha Plenária katak processo administrativo, desde pausa ba almoço, la'o ho documento lubuk ida: Ida primeiro mak documentos bá verificação hussi Secretariado ba correspondência ne'ebé mai de acordo ho pedido substituição sira, renúncia no buat sira-ne'e hotu, depois de juramento. Segundo mak apresentação lista candidato nian ne'ebé tama ona, sira sei verifica, depois ne'e hotu iha horas ida liubá, tan ne'e mak processo ne'e la'o.

Ne'ebe, ha'u atu informa de'it katak la iha situação de *vakum* depois de almoço tanba Secretariado la'o hela ba correspondência sira-ne'e.

Pedido de intervenção, Sr. Deputado Abel Pires da Silva. Halo favor.

Sr. Abel Pires da Silva (PLP): — Obrigado, Sr. Presidente.

Ha'u-nia loraik kmanek ba Ita-Boot no mós ba distinto Deputado no Deputada sira hotu.

Parabéns ba ita hotu.

Ha'u-nia hanoin, ita ukun-an ona tinan 15, kiak sei barak, estrada aat sei barak, bee de'it acesso la iha, ne'e tanba saida? Tanba ita habitua an ho choque regras, choque leis, ita la respeita saida mak ita passa ona. Ne'ebe, ha'u, pessoalmente, lakohi Plenária ka Parlamento foun ida-ne'e loke fali espaço ida katak ita bele halo lei, mas depois ita bele la tuir. Tuir ha'u-nia hanoin ida-ne'e la di'ak, ne'ebe di'ak liu la custa buat ida ita halo tuir saida mak Regimento hakerek.

Obrigado barak.

Sr. Presidente Cessante: — Obrigado, Sr. Deputado.

Pedido de intervenção hussi Sr. Deputado Rui Maria de Araújo.

Sr. Rui Maria de Araújo (FRETILIN): — Obrigado ba Sr. Presidente no ba Sr. Deputado sira hotu.

Sr. Presidente, ha'u hakarak aponta ba questão controversia rua ou melhor ida.

Se ita haree iha guião, agenda ho guião ne'e iha-ne'ebá declaradamente hatete katak ohin segunda parte hussi sessão ida-ne'e ita atu halo votação. Agora, imagina, se ita implementa ponto 1 do artigo 16.º do Regimento ne'ebé hatete: «... devem ser subscritas por um mínimo de 10 e o máximo de 20 Deputados, sendo apresentadas ao Presidente em exercício com 24 horas de antecedência...». Ida-ne'e

significa no mínimo tem que apresenta horissehik, mas horissehik, Sr. Presidente seidak Presidente em exercício, só ohin. Deputado sira seidak simu posse, portanto, aqui uma contradição entre buat ne'ebé iha guião ho buat ne'ebé iha Regimento e bainhira iha contradição Parlamento hanessan órgão soberano ida tem que resolve ida-ne'e, e o sítio próprio para resolver isso é na Plenária.

Portanto, Sr. Presidente e distintos Deputados, ha'u-nia hanoin ita la choque buat ida, maibé ita buka resolve contradição ida-ne'ebé mossu iha ita-nia regras internas rassik.

Segunda questão, Sr. Presidente, hakarak refere uitoan ba ohin, ho respeito tomak, ba Sr. distinto Deputado Vicente Guterres ne'ebé ohin temi kona-ba 15 dias. Se ita bá ponto 1 do artigo 41.º, iha-ne'ebá hatete: «A primeira reunião plenária do Parlamento após as eleições é agendada...», não é efetuada, é agendada. Foi agendada 15 dias depois de o resultado ser programado, mas não foi efetuada, não estamos a violar o nosso Regimento.

Muito obrigado, Sr. Presidente, ida-ne'e mak ha'u-nia intervenção.

Sr. Presidente Cessante: — Obrigado, Sr. Deputado.

Sr.^a Deputada Carmelita Moniz ba segunda vez.

Sr.^a **Carmelita Caetano Moniz** (CNRT): — Obrigada, Sr. Presidente.

Atu fó hanoin ba ita hotu-hotu kona-ba guião ida-ne'ebé já foi aprovado por ita hotu-hotu rassik, ne'ebé hatete katak eleição do Presidente do Parlamento, iha ponto 1 ne'ebá hatete: «As candidaturas para o cargo do Presidente do Parlamento devem ser subscritas por um mínimo de 10 e o máximo de 20 Deputados, sendo apresentadas ao Presidente em exercício com 24 horas de antecedência...» em relação «...à realização do acto eleitoral».

Guião ida-ne'e baseia ba Regimento interno do Parlamento Nacional, artigo 16.º, ida-ne'e mak ohin ita hotu-hotu aprova. Hussu para ita hotu-hotu respeita ba guião ne'ebé baseia ba Regimento do Parlamento Nacional.

Obrigada, hakarak fó hanoin hikas fali ba Deputado sira hotu-hotu.

Sr. Presidente Cessante — Obrigado, Sr.^a Deputada.

Sr. Deputado Adriano do Nascimento ba segunda vez. Halo favor.

Sr. Adriano do Nascimento (PD): — Obrigado, Sr. Presidente.

Guião no Regimento hatete 24 h, ne'e la significa ita halai hussik to'o 24 h mak ita vota. 24 h ne'e hatete, enquanto ita-nia horas serviço Parlamento nian ne'e liu 6h00 ou to'o 10h00 ona ne'e mak ita hein to'o loron seluk, maibé ita sei iha hela 5h00, sei iha horas ida tan, qual é o problema ba ita atu halo votação? Ha'u hussu Presidente atu explica, candidato pacote rua ne'ebé mai ne'e problema

saida, tanba ne'e mak ita atu hein. Será que candidato seluk atu mossu tan? Mas, mossu tan mós mak ne'e, se rua ne'e de'it ona, mak ne'e ita sei iha horas! Horas iha Regimento ne'e hatete Parlamento serviço 09h00 to'o 6h00. Ita viola ona tempo serviço Parlamento nian? Não! Tanba ne'e mak se enquanto problema boot la iha, pacote de candidato ba iha-ne'ebá ona, nu'ussá mak iha horas ida nia laran ita la vota? Se votação mak horas ida, ne'e la bele, ita bele estende Plenária tanba ita-nia experiência ita halo Plenária to'o 23 h e 24 h, porque agora la bele? Tem que hein 24 h aban?

Ha'u hakarak hussu ba Deputado sira, ita tem que fó certeza ba público katak órgão ida-ne'e tem que funciona, tanba ne'e mak se candidato rua ne'e iha ona, por que é que la vota? Tanbassá tem que dada to'o 24 h mak ita atu vota? Iha-ne'e la hatete 24 h ne'e significa katak to'o 24 horas ka 00h00 mak ita vota, não! Bele 5 minutos mak ita vota ou bele falta 5 minutos ba 24 h mak ita vota.

Ne'ebe, ha'u hanoin, Presidente, se bele, se ita fó tempo ba Plenária, então Plenária nia funcionamento mak ne'e: votação! Ne'e para ita vota ou la vota. Ne'ebe, ha'u hanoin hanessan ne'e, Presidente, se candidato loos ona nu'ussá mak ita lakohi ba vota?!

Muito obrigado.

Sr. Presidente Cessante: — Obrigado, Sr. Deputado.

Sr. Deputado sira hotu, ha'u tem que fó espaço ba discussão ba assunto ida que liga ho Regimento. Se ha'u loke de'it ba decisão ne'e mós labele, ha'u la iha responsabilidade, ha'u tem que loke espaço ne'e ba discussão.

Ba assistência sira tomak, ne'e mak serviço Parlamento nian, precisa paciência maka'as atubele acompanha e la'ós buat fácil atu toma decisão sira-ne'e hotu.

Pedido intervenção sei iha nafatin.

Sr. Deputado Patrocínio, halo favor.

Sr. Patrocínio Fernandes dos Reis (CNRT): — Obrigado, Sr. Presidente.

Boa tarde ba distinto Deputado sira hotu.

Ha'u hanoin Regimento maka regra ne'ebé boot liu atu guia atividade tomak Parlamento nian, guião ne'e atu guia de'it ita ba ohin loron, tanba ne'e duni guião mós mai hussi Regimento, artigo 16.º ne'e, ita lalika ansi liu tanba aban mak hili mós sei hili entre na'in-65 ne'e mak bá Presidente Parlamento, ba ohin mós hanessan. Ne'ebe, di'ak liu ita tuir Regimento, fó tempo para depois ami sira foun ne'e atubele entende didi'ak para depois bele fó ami-nia voto ida.

Obrigado.

Sr. Presidente Cessante: — Obrigado, Sr. Deputado.

Sr. Deputado sira hotu, ha'u verifica iha Regimento mós hanessian, e Regimento mós la hatete katak decisão Plenário nian bele altera Regimento. Iha prática, sim, ita halo hanessian ne'e, maibé discussão la'o iha contexto ida-ne'e, ha'u hakarak, tanba ne'e, hahú IV Legislatura nian, ha'u hanoin katak ha'u precisa fó espaço ba discussão kedas para depois Mesa foun estabelece ona e hahú kedas ona haree questão sira-ne'e atu ajusta para depois guia Parlamento ne'e nia decisão, ninia atividade quotidiana ka loroloron nian, bele la'o de acordo ho Regimento ne'ebé guia Instituição ida-ne'e ba oin.

Iha nafatin pedido de intervenção, maski ita hotu-hotu hatene ona katak iha posição rua de'it: ida, hakarak eleição imediata, ida seluk mak iha opinião ne'ebé hussu atu adia ba aban de acordo ho Regimento 24 h ba apresentação. Nune'e, ha'u limita tebetebes ona ba resta intervenção sira e ita tem que bá ona decisão final.

Sr. Deputado Natalino dos Santos ba segunda vez. Halo favor.

Sr. Natalino dos Santos Nascimento (CNRT): — Obrigado, Sr. Presidente.

Primeiro, ami mak hato'o pedido atu halo adiamento de acordo com Regimento Parlamento Nacional, ne'e direito ida.

Segundo, Plenária bele decide quando iha lacunas iha Regimento, tanba ida-ne'e mak dehan 24 h. Se ohin dadeer apresenta tiha ona... ami foin apresenta, tanba ida-ne'e ami hussu. Ami hussu lora ida de'it, ami la hussu fulan ida, ami hussu lora ida de'it e la to'o lora ida tan, aban dadeer ita bele halo eleição. Ami la hussu 30 e tal dias, Sr. Presidente. Tanba ida-ne'e, partido oposição, nu'udar oposição, hakarak hussu e ami kaer ba Regimento nu'udar direito fundamental ami-nian atu hussu, tanba ida-ne'e mak la iha razão... Karik Plenária decide quando iha lacunas. Iha Regimento la ko'alia claro katak Plenária bele decide, ne'e claro!

Se ita hakarak filafali ba lei ka regras, após de 15 dias, resultado anuncia hussi Tribunal Supremo da Justiça, ita arranca kedas. Mas tanba ida-ne'e ami hussu, ami foin apresenta, tanba ida-ne'e ami hussu para aban halo eleições!

Sr. Presidente, ne'e direito ami nian e Regimento mak hatete. Karik la iha Regimento mós ohin ami la halo pedido, Sr. Presidente.

Obrigado.

Sr. Presidente Cessante — Obrigado, Sr. Deputado.

Pedido ba intervenção hussi Sr. Deputado Merício. Halo favor.

Sr. Merício Juvenal dos Reis (PLP): — Obrigado, Sr. Presidente.

Ami partido foun, mai ho hanoin atu hadi'a prática balu ne'ebé la'o, karik, ladún di'ak, la tuir Regimento durante ne'e. Ami lakohi discute prática ne'ebé la di'ak. Ami-nia hanoin mak ida-ne'e: se

prática ne'e la di'ak, tem que hadi'a hahú primeiro dia, agora ba oin, ba tinan lima mai. Tanba nune'e, ami-nia hanoin, se Regimento dehan A ita tem que halo tuir, se Regimento dehan B ita tem que dehan B, ne'e para Regimento ka lei ne'e mak sai ita-nia fundamento ba ita-nia prática hotu-hotu. Tanba ne'e, ba PLP quando Regimento dehan A ami dehan A.

Obrigado.

Sr. Presidente Cessante: — Obrigado, Sr. Deputado.

Intervenção barak loos, pedido de intervenção, Sr. Deputado sira hotu. Se concorda ita bele *break* uitoan, 10 min, Sr. Deputado sira. Tanba selae la...

Mossu Protesto hussi Deputado balu.

Ne'e para depois bancada sira bele ko'alia ba malu, selae, direto Deputado sira-nian ba intervenção, se ha'u la limita, ba 65.

Se bele *break* 10 min, ita sei to'o 6h00, horas normal serviço nian to'o 6h00, horas sei suficiente hela.

Ponto de ordem barak loos. Sr. Deputado Vicente da Silva Guterres, halo favor.

Sr. Vicente da Silva Guterres (CNRT): — Obrigado, Sr. Presidente.

Atu esclarece dúvida balu ou posição balu. Sr. Deputado Mari ko'alia sobre uluk constituição de comissões, ida-ne'e prevê iha ita-nia Regimento e comissões eventuais mós prevê, e no fundo houve consenso alargado de todas as bancadas.

Sr. Deputado Rui Maria de Araújo, com todo o respeito, realmente a letra do n.º 1 do artigo 41.º pode levar a equívocos, mas nia sentido loloos mak agendado ne'e marcada. Porque senão dentro de 15 dias só para marcar a dizer que primeira reunião da IV Legislatura é no dia X, precisa 15 dias para o Presidente decidir, não faz sentido. Porque depois desses 15 dias, ele vai arrastar até quando? Não deve. Por isso, nos 15 dias após a publicação dos resultados eleitorais no *Jornal da República*, Presidente tem que marca a primeira reunião iha 15 dias ne'e. É só para aclarar ida-ne'e.

Ha'u hussu barak, se é possível o que ha'u hussu, se é preciso consolidar as posições, consolidem! Isso é coisa política. Mas, em termos regimentais, ha'u hussu barak, ita viola tiha ona, desculpa porque ha'u dehan hanessan ne'e. O artigo 41.º, n.º1, ita devia realiza primeira reunião ne'e até 16 de agosto, ita la cumpre tiha ona Regimento ida-ne'e, agora, ha'u hanoin katak ita labele repete.

Ne'ebe, ha'u hussu barak, ida-idak, todas as bancadas, tuir Regimento, ida-idak bele consolida, mas isso é coisa política, eu não quero entrar muito aí, mas ha'u hussu barak para ita, pelo menos, cumpre Regimento.

Muito obrigado.

Sr. Presidente Cessante: — Obrigado, Sr. Deputado sira hotu, quando discussão ne'e la' o nafatin ba assunto ida-ne'e, ha'u tem que fó tempo ba Secretária da Mesa atu halo leitura e mós anúncio ba substituição sira ne'ebé iha. Sr. Deputado sira bele haree, iha cadeira balu mamuk tanba tem que halo substituição temporária. Tan ne'e mak, Sr. Deputado sira, ha'u hussu tempo ba Sr.^a Secretária da Mesa atu halo leitura e ao mesmo tempo, depois de leitura, ha'u convida kedas Sr. Deputado substituto sira atu mai hola fatin iha Plenário.

Sr.^a Secretária da Mesa, halo favor.

Sr.^a Secretária da Mesa em Exercício (Maria Fernanda Lay): — Muito obrigada, Sr. Presidente.

Excelências, Sr.^{as} e Srs. Deputados ho audiência tomak, muito boa tarde.

Atu substitui Sr. Deputado Kay Rala Xanana Gusmão, Sr. Deputado Arão Noé de Jesus Amaral. Tuirmai, atu substitui Sr. Deputado Francisco Kalbuady Lay, Sr. Deputado Domingos Carvalho de Araújo. Atu substitui Sr. Deputado Francisco da Costa Guterres, Sr. Deputado Jacinto Viegas Vicente, e atu substitui Sr. Deputado Júlio Tomás Pinto, Sr.^a Deputada Veneranda Eurico M. L. Martins.

Obrigada.

Sr. Presidente Cessante: — Obrigado.

Ho nune'e, Sr. Deputado sira hotu, ha'u convida, Sr. Deputado Arão hussi bancada CNRT atu hola fatin.

Bassa liman hussi Deputado sira.

Sr. Deputado Domingos Carvalho atu hola fatin, Sr. Deputado Jacinto Viegas atu hola fatin no mós Sr.^a Deputada Veneranda Lemos.

Bassa liman hussi Deputado sira.

Obrigado ba Sr. Deputados sira, bem-vindo, ita continua ita-nia discussão.

Iha pedido intervenção ikus hussi Deputado na'in-rua.

Sr. Deputado Luís Roberto.

Sr. Luís Roberto da Silva (KHUNTO): — Obrigado, Sr. Presidente, ba segunda vez nian.

Hussi ami, geração foun, nia hakarak ita hotu-hotu tem que cumpre hodi baseia ba Regimento duni, maibé ita mós tem que respeita Plenária ne'ebé agora daudaun ita hala'o. Ita labele lori Regimento para hamate Plenário, Plenário ne'e mós importante, e guião ne'e mós hassai baseia ba artigo 16.º ne'e. Ne'ebe, quando, por exemplo, Regimento hakerek hanessan ne'e, maibé guião mós hakerek baseia ba ida-ne'e. Ne'ebe, se bele karik agenda ita hatuur tiha ona, ita lalika dada tempo demais, ita messak timoroan de'it, lista candidato na'in-rua ne'ebé agora iha tiha ona Mesa ne'e, hanu'ussá para ita começa ona ho eleição.

Obrigado.

Sr. Presidente Cessante: — Obrigado, Sr. Deputado.

Tuirmai, Sr. Deputado José Agostinho hussi KHUNTO nafatin. Halo favor.

Sr. José Agostinho da Silva (KHUNTO): — Obrigado ba tempo.

Ba Mesa mak ha'u respeita, distintos Deputados, boa tarde ba ita hotu.

Depois de observação hussi Deputado sira hotu-hotu, iha ideia rua mak contrária: ida ita hakarak avança ho eleição ba Presidente Parlamento, agora, ida fali adianta ba aban. Plenária ida-ne'e soberana, então, ha'u sugere para oinsá ita soluciona diferença posição ou ideia ida-ne'e ho votação para ita bele acelera processo, selae processo ne'e la'o iha fatin. E depois iha fatin seluk, ita mós haree katak horas ne'e daudaun iha Mesa iha candidato na'in-rua mak iha-ne'ebá. Portanto, oinsá ita bele acelera processo ne'e, ita bele hala'o ona ita-nia votação ne'e para loron aban ita bele haree fali agenda seluk.

Obrigado ba tempo.

Sr. Presidente Cessante: — Obrigado, Sr. Deputado.

Sr. Deputado Manuel Thomas, halo favor.

Sr. Manuel Thomas Amaral de Carvalho (PD): — Muito obrigado, Sr. Presidente.

Boa tarde ba distintos Deputados e distintas Deputadas, ha'u hanessan Deputado foun, maibé Plenária hanessan ne'e la'ós foun ba ha'u. Afinal, Parlamento hanessan postura política Governo nian durante ne'e gere la'o ladún di'ak, tanba ita dada tempo, ita prejudica povo. Povo precisa buat ne'ebé certeza, porque durante fulan ida, povo hein formação Governo, maibé buat hotu-hotu la'o la tuir lei.

Loos duni, ita ohin hahú abertura ho agenda, ita mós aprova ona guião ida, e que ita mós seidauk to'o tuku 5 loro-kraik, ha'u hanoin tempo suficiente atu ita aprova, atu nune'e ita passa ba agenda seluk.

Ha'u hanoin, se Sr. Presidente atu gere tempo ho didi'ak, la bele fó beibeik ba discussão no ba intervenção. Ha'u hanoin, Sr. Presidente gere tempo ne'e, se la bele ita bá votação.

Obrigado.

Sr. Presidente Cessante: — Obrigado ba intervenção sira hotu, Sr. Deputado sira. Situação hanessan ne'e, pedido ba intervenção nafatin de'it, agora 5 h liu 8 min, ita falta de'it 52 min atu to'o horas descansa nian.

Sr.^a Deputada Albina Marçal, halo favor.

Sr.^a Albina Marçal Freitas (CNRT): — Obrigada, Sr. Presidente.

Muito boa tarde ba Ita-Boot, boa tarde mós ilustre Deputado sira.

Sr. Presidente, ha'u hanoin katak ita baseia ba Regimento, tanba Regimento ida-ne'e dehan vincutivo, ne'ebe vincula ita, rege ita atu hala'o ita-nia knaar iha Parlamento ne'e. Guião ne'e hanessan guião ida, guião ne'ebé guia de'it ita, mas ita tuir Regimento ne'ebé iha. Regimento ita halo atu rege ita, la'ós ita atu sama fali Regimento ne'e, tanba ne'e mak baseia ba Regimento, ami nafatin dehan katak ita tem que baseia ba Regimento. Regimento atu rege ita, la'ós ita atu sama fali Regimento.

Obrigada.

Sr. Presidente Cessante: — Obrigado, Sr.^a Deputada.

Sr. Deputado sira, ha'u só bele gere de acordo com Regimento ne'ebé hatete katak la iha deliberação ida de'it ba Plenário atu substitui regras Regimento nian.

Ha'u confirma hotu, e tanba ne'e mak ha'u hakarak de'it rona kona-ba ida-ne'e até ha'u hussu tan katak bele *break* atu bancada sira bele ko'alia, Deputado sira bele ko'alia, ida-ne'e mak dalan ne'ebé ha'u bele gere. E hakarak hatete katak regras ba decisão sira ne'ebé la'o iha-ne'e, la'ós buat ne'ebé contra lei, buat hotu-hotu la'o tuir nia regras, tanba ne'e iha assistência pública nian hotu. Hakarak hatete momoos katak Parlamento la halo decisão sira ho contra de'it lei até ohin loron. Saida mak iha, ne'e halo gestão ba decisão política sira ne'ebé iha tanba fatin ida-ne'e fatin político sira-nian, instituição democrática sira atu halo tomada decisão.

Regimento la fó ba ha'u atu autoriza katak tem que halo votação para toma decisão e para altera Regimento.

Sr. Deputado Joaquim dos Santos, halo favor.

Sr. Joaquim dos Santos (FRETILIN): — Sr. Presidente, obrigado ba segunda vez.

Ha'u hanoin matéria ne'e tama ona ba lacuna regimental, causa hussi lacunas ne'e mai hussi agendamento Presidente nian.

Presidente quando hanoin katak antecedente 24 h, podia agenda ne'e ba aban, la'ós ohin. Se agenda ba ohin, significa katak horissehik ema tem que apresenta ona candidatura. E ida-ne'e nulo, la tuir processo, só depois de toma posse mak foin bele apresenta candidatura. Tanba ne'e, ha'u considera lacunas. Tuir artigo 200.º Regimento Parlamento nian, lacunas ne'e se Presidente lakohi interpreta, então hussik mai decisão iha Plenária, e Plenária mak decide kona-ba lacunas ne'e. Ne'e la'ós ita contra Regimento!

Ohin, Deputado Rui apresenta tiha ona contradição de valores, ideias ne'e, e nia causa ne'e hussi agenda ho guião ne'e. Se ita conta antecedentes 24 h, agenda ohin nian labele halo eleição ba Presidente, tanba ohin mak ita foin toma posse, ida-ne'e! Ne'e lacunas, então, competência Presidente nos termos do artigo 200.º do Regimento, se Presidente lakohi interpreta lacunas, hussik mai Plenária mak decide! Ida-ne'e mak loos liu.

Obrigado.

Sr. Presidente Cessante: — Obrigado, Sr. Deputado.

Sr. Deputado Arão Noé, halo favor.

Sr. Arão Noé de Jesus Amaral (CNRT): — Obrigado, Sr. Presidente.

Boa tarde, Sr. Presidente, distinto Deputado sira hotu no assistente sira.

Sim, iha-ne'e ita la bele dehan lacunas, tanba Deputado IV Legislatura foin halo tomada de posse ohin. Tanba ne'e mak conta hussi ne'e foin iha-ne'ebá tanba candidatura ne'e tem que assina hussi proponente sira hussi Deputado sira ne'ebé eleitos, labele Deputado sira horissehik mak assina para hodi halo candidatura. Tanba ne'e mak la iha cabimento se ita dehan ne'e lacunas, regra ida que tem que... Se ba oin ita conta hussi ohin, aban, ne'e mak dentro 24 h ne'e, ne'e buat ne'ebé normal nune'e.

Ne'ebe, ha'u hanoin, la'ós sala buat ida, IV Legislatura ne'e ita foin começa ohin, processo ba ninia knaar sira-ne'e foin hahú ohin. Tanba ne'e mak ba eleição ne'e, candidatura ne'e foin processa ohin, tanba, loos duni, ita foin ohin mak tomada de posse e foin iha mandato para bele assina candidatura. Ha'u hanoin ida-ne'e mak ha'u hakarak dehan e ha'u hanoin la iha lacunas ida-ne'e, desculpa!

Obrigado.

Sr. Presidente Cessante: — Sr.^a Deputada Ilda Maria da Conceição, halo favor.

Sr.^a Ilda Maria da Conceição (FRETILIN): — Obrigado, Sr. Presidente.

Muito boa tarde, Sr. Presidente, ba distinto Deputado sira hotu.

Ha'u atu secunda de'it saida mak Deputado balu hato'o tiha ona. Contradição ne'e iha guião ho agenda, loloos se iha guião ne'ebé iha segunda parte ne'e dehan katak apresentação de candidaturas tem que recorre ba 24 h. Labele, hanessan mós Deputado sira seluk ko'alia ona, ita labele iha fali agenda ne'e atu ita halo fali eleição ohin. Então, quer dizer que já houve uma contradição aqui. Ita hussu para tem que to'o 24 h, mas ita hussu para halo eleição ohin, ne'e la loos ona. Tan ida-ne'e mak ami kaer ba agenda ne'ebé iha, agora tem que iha decisão claro ida, adia ou ita halo decisão agora, ita halo votação agora, uma das duas!

Obrigado, Sr. Presidente.

Sr. Presidente Cessante: — Obrigado, Sr.^a Deputada.

Sr. Deputado Rigoberto Gomes, halo favor.

Sr. Jacinto Rigoberto Gomes de Deus (CNRT): — Obrigado, Sr. Presidente.

Boa tarde ba Sr. Presidente, ba distinto Deputado sira hotu.

Hanessan Deputado foun iha Parlamento Nacional, e ita hotu-hotu hatene katak ohin ne'e primeira sessão ba IV Legislatura nian, ami secunda tebetebes intervenção sira ohin ne'e, di'ak liu ita tuir regras ne'ebé Parlamento ne'e rassik aprova, tanba Parlamento ida-ne'e mak nu'udar órgão ne'ebé halo lei e no mós assegura implementação lei. Tanba ida-ne'e mak ami haree ba Regimento temi katak dehan 24 h, ami sugere para ita fó tempo ba 24 h, tanba 24 h ita haree no compara 40 e tal dias depois de ita halo eleição tiha. Ha'u hanoin 24 h ne'e tempo ida ne'ebé la halo povo sai preocupado liu.

Ha'u hanoin ha'u-nia intervenção mak ne'e, obrigado.

Sr. Presidente Cessante: — Obrigado, Sr. Deputado.

Tuirmai, ba segunda vez, Sr. Deputado Rui Maria de Araújo. Halo favor.

Sr. Rui Maria de Araújo (FRETILIN): — Obrigado, Sr. Presidente.

Sr. Presidente, ha'u halo pergunta ida ba Ita-Boot. Ita-Boot mak assina convite mai ami hanessan Deputado eleito e Ita-Boot mak assina iha rubrica agenda. Agenda ne'e, dia 5, segunda parte iha-ne'ebá explícito loos «Votação para eleição do Presidente do Parlamento Nacional.». Entretanto, iha mós guião ne'ebé Sr. Presidente anexa, *copy and paste* mós buat ne'ebé mai hussi Regimento. Ida-ne'e lacuna ida ka lae? Se ida-ne'e lacuna ida, Sr. Presidente, artigo 200.º Regimento nian tem que aplica.

Obrigado.

Sr. Presidente Cessante: — Obrigado ba Sr. Deputado nia intervenção.

Agenda ida-ne'e baseia ba agenda sira ne'ebé iha 2012 introduz ona e la'ós buat foun. Guião ne'e atu guia de'it ita atubele executa ohin hotu ou segunda parte ne'e bele ba aban de acordo ho Regimento dentro de 24 h. Ne'e primeira parte, se ita bele executa hotu kedas ohin to'o horas ne'e hotu ona, segunda parte ita bele bá aban, mas nafatin ne'e tuir Regimento ne'ebé hatete katak 24 h. Iha pacote ida-ne'e mak ita halo guião, Sr. Deputado. Tanba ne'e mak tau primeira parte e segunda parte. Se bele hotu kedas iha loron ohin, bele. Mas, lae, nia bá iha dia seguinte.

Sr. Deputado Mari Alkatiri, halo favor.

Sr. **Mari Bin Amude Alkatiri** (FRETILIN): — Sr. Presidente cessante, ha'u hussu desculpa, maibé loron ohin ne'e parece que ita halimar ba malu, horas ne'e elástica ba beibeik, elástica ba beibeik. Agora daudaun, elástica ba beibeik para atu to'o tuku 6 lailais, tanbassá? Tanbassá?! Seriedade ne'e iha-ne'ebé?! Honestidade iha-ne'ebé?! Ne'ebé ita hotu ko'alia. Durante tinan tolu FRETILIN la foti problemas atu hatudu cultura foun ba política iha Timor-Leste. Foti problema quando tem que foti, mas processo, por questões de procedimento, tanba Regimento precisa revisão, ita hotu aceita katak bele halo guião e avança. Ohin de'it mak labele ona! Ita hotu aprova tiha agenda, ita hotu aprova tiha guião ita dada, dada, dada, depois dehan horas bessik ona. Seriedade iha-ne'ebé?

Ha'u hatene, ha'u haree ona, agora ha'u hateke ba oin tinan lima ne'e, cultura que FRETILIN hakarak hatama iha Parlamento ida-ne'e, cultura política FRETILIN hatudu ona vontade atu contribui, sei la iha! Sei la iha! Tanba saida? Ita fila fali, hakarak atu acontece fali 2007. Ita atu buka fali AMP (Aliança da Maioria Parlamentar) II. Ne'e mak ha'u haree daudauk agora ne'e. Ha'u laran triste, Sr. Presidente! Ha'u laran triste tebetebes, tanba bainhira ita ko'alia buat ida, ita halo buat seluk.

Obrigado.

Sr. **Presidente Cessante**: — Obrigado, Sr. Deputado.

Tuirmai, sei iha nafatin intervenção, Sr. Deputado sira hotu.

Ha'u precisa tebetebes decisão ida antes ha'u entrega ba intervenções ne'ebé regista iha ha'u-nia mesa.

Sr. Deputado Adriano do Nascimento, halo favor.

Sr. **Adriano do Nascimento** (PD): — Sr. Presidente, ha'u halo ponto de ordem atu fó hanoin ba Ita.

Desde ohin, ha'u observa ita joga livre.

Hamnassa hussi Deputado António Verdial de Sousa (KHUNTO) no Deputado balu.

Ha'u haree iha ecrã ne'e, ita la tuir Regimento, artigo 58.º «Duração do uso da palavra». *Staff* sira la hakerek ema ida ko'alia minuto hira. Ha'u ohin observa. Ha'u ohin observa, agora mak hakerek. Ne'ebe, ohin Deputado Mari ko'alia, la hakerek ida, ami sira ko'alia ne'e kala la hakerek hotu. Então, mak ne'e, ita la tuir ona regra ne'e. Se hanessan ne'e ema ida ko'alia to'o 20 min, 25 min, ema ida ko'alia liu tiha 5 min, ne'e ita atu halo nu'ussá? Ne'ebe, se bele, hussu favor, técnico sira haree Deputado ida ko'alia. Iha regras, ko'alia dala hira. Ne'e mós iha regra hotu. Deputado ida ko'alia dala tolu ressin ona.

Ha'u ohin halo ponto de ordem de'it tanba ha'u labele ko'alia liu dala tolu. Ne'ebe, se bele, usa buat ne'e, buti bessi ne'e para ema ruma atu ko'alia, to'o de'it nia tempo.

Muito obrigado.

Sr. Presidente Cessante: — Obrigado.

Sr. Deputado sira hotu, ecrã iha oin, iha sorin-sorin, iha hotu minutos ne'ebé ajuda Sr. Deputado sira-nia intervenção ba minutos ne'ebé iha.

Pedido intervenção, Sr. Deputado Demétrio do Amaral.

Sr. Demétrio do Amaral de Carvalho (PLP): — Boa tarde ba Presidente, ba distinto Deputado sira hotu.

Nu'udar Deputado foun hussi partido foun iha Parlamento ida-ne'e, posição hussi Partido da Libertação Popular firme atu defende saida mak hakerek nu'udar lei mak matadalan loloos. Princípio seluk hatete katak guião ne'ebé ita produz, loos duni baseia ba Regimento, tanba ida-ne'e Regimento hatete momoos hela. Se ita hakarak honestamente mós atu haree saida mak descreve iha Regimento ne'e, hatete «24 horas de antecedência...do ato eleitoral». Portanto, PLP nia posição ita halo tuir Regimento.

Obrigado, Sr. Presidente.

Sr. Presidente Cessante: — Obrigado, Sr. Deputado.

Sr.^a Deputada Josefa Pereira, halo favor.

Sra. Josefa Álvares Pereira Soares (FRETILIN): — Obrigada, Sr. Presidente.

Boa tarde ba ita hotu.

Sr. Presidente, ha'u hanoin katak ita-nia interpretação ba 24 h de antecedência ne'e iha-nia problema ida. E ha'u secunda tebetebes saida mak ha'u-nia camarada Ilda ohin ko'alia. Ha'u admite se ida-ne'e iha candidato ruma ne'ebé nia seidauk completa nia documentos. Karik nia CV (*Curriculum Vitae*) seidauk iha, ida-ne'e ha'u bele admite katak to'o 24 h, maibé candidato sira iha hotu ona,

apresenta hotu ona iha Mesa do Parlamento, tanba saida mak tem que hein to'o 24 h? Então, se hein to'o 24 h, ha'u hakarak hussu ba Mesa, ba aban lokraik ka ba aban dadeer mak ita atu halo eleição? Se aban dadeer seidauk to'o 24 h, e atu dada tan fali ba loraik mak foin 24 h, Sr. Presidente. Então, agenda ba aban dadeer saida? Será que ita tem que dada fali tan to'o loraik? Sr. Presidente, ha'u hussu Ita-Boot nia *pertimbangan*, Ita-Boot nia hanoin.

Obrigada, Sr. Presidente.

Sr. Presidente Cessante: — Obrigado.

Hakarak hato'o de'it katak to'o ohin ita inicia fali sessão loro-kraik nian iha lista rua de'it. Se ita hahú eleição agora, eleição ba lista rua, se adia de acordo ho Regimento ba aban mós mak ba lista rua, la'ós atu loke tan ba apresentação lista seluk.

Lian hussi Bancada FRETILIN: — Então, vota ona!

Sr. Presidente Cessante: — La'ós atu loke dalan ba lista seluk atu apresenta, la iha ona. Tanba só apresenta ne'e ona, e requisitos ne'ebé verifica iha Administração la iha candidato ne'ebé apresenta menos sira-nia requisito sira, hanessan daudaun CV ne'ebé ohin Sr.^a Deputada hatete.

Ponto de ordem: Sr.^a Deputada Josefa.

Sra. Josefa Álvares Pereira Soares (FRETILIN): — Obrigada, Sr. Presidente.

Sr. Presidente, se candidato sira iha tiha ona requisitos, la iha tan ona candidato sira seluk ne'e, tanba saida mak ita tem que hein ba aban? Atu cumpre Regimento para hein ba aban e aban ita tem que lakon tempo tan atu mai iha-ne'e, depois ita ko'alia barak dehan povo iha kraik precisa ona ita atu serviço ba iha kraik.

Obrigada, Sr. Presidente.

Sr. Presidente Cessante: — Obrigado, Sr. Deputado sira hotu.

Ha'u fó fila ba bancada sira ne'ebé apresenta hodi hussu para adia atu pronuncia buat ruma e depois ita halo decisão.

Bancada CNRT, depois Bancada PLP. Halo favor.

Sr. Natalino dos Santos Nascimento (CNRT): — Obrigado, Sr. Presidente.

Ami-nia pedido ne'e baseia ba Regimento, tanba foin ohin, la sala, uma hora e tal mak ita foin halo juramento ba Deputado eleito, tanba ida-ne'e mak, ohin, ami hussu e ami foin apresenta candidato ne'e iha 4h00, antes de ita começa. Tanba ne'e mak, baseia ba artigo 24.º, ami hussu adiamento ba

aban atu cumpre de'it requisito ne'ebé hakerek iha Regimento. Ida-ne'e maka ami hussu. Tanba nu'udar partido oposiçãõ, ami hussu atu muda ba aban, la muda ba semana ida ka semana rua ka fulan ida, lae. Ba aban. Aban se 9h00 karik, ita bele vota. Tanba ida-ne'e ami la fora do Regimento, ida-ne'e mak ami hussu ba Sr. Presidente da Mesa.

E ohin quando ami apresenta, quando foti questãõ iha-ne'e, ami hussu *break* para oinsá ami atubele discute. Agora ita hotu kaer ba Regimento, balu ko'alia dehan saida ne'e, entãõ, ami nia direito ne'e iha-ne'ebé? Ami hussu, ami hussu tanba iha fundamento, muda de'it ba aban, la muda ba semana ida ka semana rua ka semana tolu.

Obrigado, Sr. Presidente.

Sr. Presidente Cessante: — Obrigado ba oposiçãõ bancada CNRT nian.

Bancada PLP, halo favor.

Sr. Fidelis Manuel Leite Magalhães (PLP): — Obrigado, Sr. Presidente.

Depois de analisa no rona mós opiniãõ hussi Deputado sira seluk no bancada sira seluk, chegãmos no ponto em que em termos ita-nia definiçãõ loloos maka tuir Regimento e Regimento ne'e dehan loloos katak 24 h, tem que apresenta 24 h de antecedência em relaçãõ à realizaçãõ do ato eleitoral. Saida maka ida-ne'e dehan? Ida-ne'e dehan katak lista candidatura apresenta tiha ba Mesa e as mesmas listas depois ita sei decide e sei vota ba lista ne'e depois de 24 h. Tanba hodi ida-ne'e, PLP nia hanoin maka ne'e: Ami lakohi hahú início hussi ami-nia mandato iha Parlamento ida-ne'e, iha Uma Magna ida-ne'e ho kedan viola Regimento Parlamento nian. Ne'ebe, ami haree iha-ne'e, interpretaçãõ depois de ami rona, la iha diferença entre bancada sira iha-ne'e, ha'u hanoin hotu-hotu concorda maski interpretaçãõ oioin, maibé PLP nia convicçãõ clara katak loloos liu, tuir Regimento, maka halo votaçãõ hodi hili Mesa foun iha aban, 24 h de antecedência.

Obrigado.

Sr. Presidente Cessante: — Obrigado ba Sr. Deputado.

Sr.^a Deputada Maria Angélica, halo favor.

Desculpa, regista iha-ne'e ba intervençãõ, mas ha'u fó kedas ba bancada seluk, ba posiçãõ último depois de discussãõ naruk tebetebes. Posiçãõ bancada proponente nian hussi CNRT no mós PLP hanessan nafatin. Ha'u hussu nafatin hussi bancada seluk atu pronuncia buat ruma molok ita bá tomada decisãõ tanba discussãõ kleur tebetebes tiha ona.

Bancada FRETILIN, Sr. Deputado Francisco Branco. Halo favor.

Sr. **Francisco Miranda Branco** (FRETILIN): — Sr. Presidente, ha'u hussu atu ita hussu recurso ba Plenária atu ita estende serviço Parlamento Nacional nian tanba la horas tan hotu ona, di'ak liu ita estende tan tempo para ita bele hakotu tiha ita-nia atividade ida-ne'e.

Sr. **Presidente Cessante**: — Sim, Sr. Deputado sira hotu, proposta hussi Sr. Deputado Francisco Branco atu haree horas normal nian ne'ebé 6h00, ne'e falta de'it 28 min, ita precisa halo deliberação ida ba extensão ne'e, aumenta tempo horas serviço nian to'o 6h00 horas ba horas hira tan?

Sr. **Mari Bin Amude Alkatiri** (FRETILIN): — Ha'u propõe to'o meia-noite.

Sr. **Presidente Cessante**: — Sr. Deputado Dr. Mari Alkatiri nia proposta até 00h00. Bancada seluk, Bancada CNRT, halo favor.

Sr. **Natalino dos Santos Nascimento** (CNRT): — Sr. Presidente, ita ko'alia questão atu bá eleição, se ita muda to'o 00h00, mós atu halo saida? Tanba ida-ne'e maka hussu, nos termos de Regimento, eleição ne'e depois de 24 h. Ami hussu dentro do Regimento. Se, agora, ita atu estende tan horas to'o iha-ne'ebá, foin maka 5h30. Ami-nia pedido simples, hussi oposição, tanba apresenta candidato, hussu para aban ita atu halo eleição, ida-ne'e de'it! Ami hussu, aban mak ita halo eleições. Agora, se ita atu estende tan ne'e, ita atu agenda saida? Tem que claro ka! To'o 1h00 ne'e ita atu halo saida? Discute saida? Questão ne'e maka ita hussu, ami apresenta candidatura, ami hussu, nos termos do Regimento, aban mak ita halo eleições, *titik*. Ida-ne'e de'it, hakarak kaer nafatin ba Regimento.

Obrigado, Sr. Presidente.

Sr. **Presidente Cessante**: — Obrigado, Sr. Deputado sira hotu.

Sr. Deputado Dr. Mari Alkatiri: ponto de ordem. Halo favor.

Sr. **Mari Bin Amude Alkatiri** (FRETILIN): — Ohin, dehan aban bele vota 9h00, ida mós mak bele vota 1h00 da manhã. Então, estende to'o tuku 1 dadeer mak ita vota.

Sr. **Presidente Cessante**: — Obrigado, Sr. Deputado.

Ponto de ordem: Sr. Deputado Osório Florindo. Halo favor.

Sr. **Osório Florindo da Conceição Costa** (FRETILIN): — Sr. Presidente, proponente sira Ita-Boot fô tempo ona hodi justifica ona, ba dala rua nian ne'e justifica saida nian? Tuir loloos opção ne'e, ohin ha'u dehan: opção ne'e iha rua de'it ona, ida-ne'e maka Plenária atu decide. Se Plenária vota dehan

aban maka continua, aban maka ita continua. Se Plenária decide dehan ohin ita halo votação, ohin halo votação. Mas, ita lakohi discute assunto ida-ne'e ida, ita dada fali buat seluk. Ne'e mak, Presidente, bancada rua nia posição claro ona, bancada tolu, ohin declara ona atu vota ohin, mas la'ós bancada maka atu vota hodi representa Deputado sira, Deputado ida-idak exerce nia voto, e hussu Plenária vota para halo decisão, katak continua to'o aban maka halo votação ka ohin halo votação ba candidato sira ne'ebé iha ona. Decisão maka ne'e ona, ita bá *putar-putar* fali ne'e mak la hotu e decisão la sai ne'e.

Sr. Presidente Cessante: — Obrigado, Sr. Deputado sira hotu.

Discussão naruk tebetebes e kleur tebetebes, ha'u tem que paciência atu atura situação hirak-ne'e iha última hora mandato nian.

Sr. Deputado sira hotu, maioria bancada la concorda ho proposta atu hussik to'o 24 h, aban, atubele halo eleição tuir Regimento. Ne'e decisão Plenária nian. Ha'u-nia intervenção no sugestão atu *break* mós la autoriza, 10 min mós lae nafatin, e la iha solução seluk, ita tem que prepara ba votação. La iha solução, ha'u dehan ona katak atu *break* para karik bancada sira bele ko'alia mós lakohi hotu, ne'e medida ne'ebé halo ba gestão iha Plenária nian que ha'u koko, ha'u tenta, atu ajuda. *Break* 10 min mós la autoriza, *break* 30 min mós la autoriza, hakarak maratona de'it to'o hotu. Ha'u até atu hemu bee mós la di'ak. Ha'u hussu pausa dala ida tan ba 10 min. Presidente cessante la iha vice atu ajuda, mamuk, ha'u hussu pausa 10 min, concorda e la iha objeção, ita bá.

Sr. Deputado Mariano Sabino, halo favor.

Sr. Mariano Sabino Lopes «Assanami» (PD): —Presidente, ha'u hanoin bele fó 10 min para *break*, la iha buat ida.

Obrigado.

Sr. Presidente Cessante: — Regimento hatete mós ba Presidente Parlamento atubele decide, pausa 10 min. Agora, 5h38 to'o 5h48, 10 min.

Sr. Deputado Joaquim dos Santos, halo favor

Sr. Joaquim dos Santos (FRETILIN): — Sr. Presidente, ha'u secunda Deputado Branco nia proposta ohin ne'e, ita estende lai discussão tanba ita iha hela vinte e tal minutos de'it atu expira tempo ida debate ohin nian. Ne'ebe, di'ak liu ita estende tiha lai to'o tuku hira? Ohin proposta Deputado Alkatiri nian to'o meia-noite, agora, opinião seluk to'o tuku hira? Ita estende tiha maka bele *break*, ne'e depois.

Obrigado.

Sr. **Presidente Cessante**: — Sr. Deputado Dr. Mari Alkatiri.

Sr. **Mari Bin Amude Alkatiri** (FRETILIN): — Desculpa, ha'u ko'alia dala barak tanba 10 min e depois Presidente bele garante katak ita fila, ita iha quórum? Ha'u hussu Presidente, halo favor ida.

Sr. **Presidente Cessante**: — Ha'u-nia knaar la to'o ida-ne'e, Sr. Deputado. Ne'e bancada e Deputado sira-nian. Ha'u nia knaar la to'o ida-ne'e ida.

Assistente iha fatin público nian hakilar ho lian «uuuuuh».

Senhores, assistente sira, dala ida tan, ha'u hussu atu ajuda, processo ne'e la fácil, calma, paciência uitoan, nune'e atu decide vida nação nian no órgão ida nian.

Discussão sei naruk, continua. Iha Parlamento, discussão e debate sira hanessan ne'e, tempo ne'e bele to'o 10h00, bele 11h00, balu to'o 01h00 e 02h00, ne'e la'ós novidade. Ba assunto sira hanessan ami enfrenta situação ida-ne'e, la'ós novidade, até sábado e domingo mós hanessan ne'e. Tan ne'e, pausa 10 min, contacto malu bá, bancada sira, hatete atu estende to'o tuku hira? To'o 10h00, 11h00, 12h00? Usa 10 min ne'e lori contacto malu, e ha'u la fó tan tempo intervenção diversa sira. Favor ida, usa 10 min ne'e contacto malu, tanba la iha...

Sr. Deputado sira, pausa 10 min atu halo contacto malu, ita hahú fali iha 5h51.

La iha ponto de ordem ona, ita pausa.

Sr. Deputado sira hotu, pausa 10 min, e ita fila mai iha-ne'e.

Deputado sira halo pausa iha tuku 5 liu minuto 41 no retoma fali sessão plenária iha tuku 6 liu minuto 16 loraik.

Sr. **Presidente Cessante**: — Excelências, distinto Deputado sira hotu, assistente tomak, ita hahú fali ita-nia sessão. Agora 6 h liu 16 min, liu ona horas normal. Ohin ita concorda ona atu continua sessão ne'e to'o kalan. Karik iha oportunidade ba intervalo ne'e iha ona posição ruma ba discussão ida ohin, halo favor, Sr. Deputado sira hotu, liuliu bancada parlamentar sira atubele pronuncia iha tempo ida ita halo ona extensão ba horas, 6h00 liu ona.

Hanessan Presidente cessante, ha'u kaer tebes de'it ba Regimento e hein dependendo ba bancada sira-nia posição ba assunto ida-ne'e hodi buka nia solução.

Ha'u sei la halo decisão ida messak-messak iha situação ida-ne'e, ha'u kaer tebes de'it, cuidado tebes, ba regra Regimental sira, lori guia atubele hakat liu situação ida-ne'e. La iha tendência ruma iha processo ida-ne'e, puramente atu guia de'it processo discussão to'o final.

Sr. Deputado Francisco Branco, halo favor.

Sr. Francisco Miranda Branco (FRETILIN): — Sr. Presidente, ami hussu recurso ba Plenária atu estende ita-nia tempo de serviço ne'e para depois ita bele adianta ita-nia processo ne'e la'o ba oin.

Ne'ebe, primeira etapa ne'e ita, Sr. Presidente, hussu recurso ba Plenária, ita aprova tiha extensão de tempo para ita la'o ba oin.

Obrigado.

Sr. Presidente: — Obrigado, Sr. Deputado.

Bancada sira ha'u hussu atu pronuncia tempo ida para depois bele concorda até tuku hira, ba medidas ida-ne'e.

Bancada FRETILIN, Sr. Deputado Dr. Mari Alkatiri, halo favor.

Sr. Mari Bin Amude Alkatiri (FRETILIN): — Ha'u ohin dehan ona, to'o tuku 1 dadeer para ita bele vota kedas. Ne'e mak ha'u-nia proposta.

Segundo, antes ita atu halo extensão ne'e ha'u hakarak hatene de'it: sé mak segundo candidato ne'e? Ha'u rona dehan Ita-Boot, se Ita-Boot, Presidente, mak segundo candidato labele tuur ona iha-ne'ebá, halo favor ida.

Sr. Presidente: — Obrigado ba observação, Sr. Deputado.

Ha'u hanessan Presidente cessante, ne'ebé tuir lei hateten ha'u preside de'it ida-ne'e, iha processo ida-ne'e mossu apresentação candidato ida que ha'u iha laran.

Sr. Mari Bin Amude Alkatiri (FRETILIN): — Então, halo favor ida, tem que coerente, entrega ba Deputado seluk para dirige Parlamento ida-ne'e.

Sr. Presidente Cessante: — Sr. Deputado David Dias Ximenes, halo favor.

Sr. David Dias Ximenes (FRETILIN): — Ha'u retira, Sr. Presidente.

Sr. Presidente: — Obrigado, Sr. Deputado.

Sr. Deputado Adriano do Nascimento, halo favor.

Sr. **Adriano do Nascimento** (PD):— Obrigado, Sr. Presidente.

Hussi Bancada Partido Democrático nian ami apoia saida mak ohin Bancada FRETILIN hateten. Primeiro, ita aprova lai extensão de tempo, ohin FRETILIN hateten to'o 12h00, ne'ebe hussik ba Plenária decide, depois mak ita halo tuir processo de votação. E ami mós hussu, se bele, Mesa lê candidato hirak-ne'ebé tama ne'e sessé para ita hatene, tanba ohin ne'e ita estende ona tempo, para ita começa processo ona hodi nune'e ita bele hatene loloos.

Muito obrigado.

Sr. **Presidente Cessante**: — Bancada CNRT, halo favor.

Sr. **Natalino dos Santos Nascimento** (CNRT): — Obrigado, Sr. Presidente.

Ami hakarak cumpre de'it Regimento, ne'e obrigatoriamente, e ami iha direito atu goza artigo Regimento nian ne'ebé hateten ne'e, hanessian mós proponente ba candidato. Tanba ida-ne'e, se hakarak atu estende, atu debate assunto saida? Nia fundamento mak ne'e: atu halo eleição ba Mesa do Parlamento Nacional, tanba iha Regimento hateten katak depois 24 h, ne'e ami-nia direito, ami tem que goza 24 h, e ami hussu para ita atu cumpre Regimento.

Ha'u aprecia ho Deputado foun sira katak sira hakarak hussi primeiro início, primeira reunião Plenária IV Legislatura, ita atu kaer ba Regimento, tanba ida-ne'e mak ha'u consciente hanessian Deputado veterano ba período tolu ona, consciente! Maibé, la'ós tanba ida-ne'e, tanba de'it atu cumpre Regimento. Ne'e la'ós ami hussu, ami hakarak cumpre de'it Regimento, tanba ida-ne'e mak ami hussu, fó tempo ba ami atu goza artigo ne'ebé Regimento hateten.

Obrigado, Sr. Presidente.

Sr. **Presidente Cessante**: — Obrigado, Sr. Deputado sira hotu.

Sobre pedido Sr. Deputado Mari Alkatiri nian, ha'u confirma, la iha dalan ba medidas ida-ne'e, tanba ha'u reeleito e hanessian Presidente cessante, gere até Presidente foun eleito. Ida-ne'e mak confirmação ne'ebé halo e la iha tan dalan seluk.

Sr. Deputado Mar Alkatiri, halo favor.

Sr. **Mari Bin Amude Alkatiri** (FRETILIN): — Sr. Presidente, desculpa.

Sr. Presidente hatene saida mak conflito de interesse, sé mak fó opinião ida-ne'e, sala!

Ita joga ho honestidade uitoan, conflito de interesse é conflito de interesse. Se técnico sé de'it mak fó opinião dehan la iha dalan, sala!

Sr. **Presidente Cessante**: — Sr. Deputado sira, ita decide lai tempo atu estende ne'e, para depois ita bele continua halo discussão.

Sr. Deputado José Agostinho, halo favor.

Sr. **Luís Roberto da Silva** (KHUNTO): — Desculpa, Sr. Presidente, karik ha'u-nia naran ne'e kala bolu sala hela de'it, maibé ha'u-nia naran mak Luís Roberto da Silva.

Ha'u hakarak sugere de'it ba S. Ex.^a Sr. Presidente da Mesa do Parlamento e no mós ba distinto Deputado sira hotu, buat hotu-hotu ita halai ba Regimento interno, claro tebetebes. Maibé, de vez em quando, ita viola mós agenda ne'ebé ita hatuur tiha ona ne'ebé baseia ba Regimento ne'ebé iha. Tanba ne'e, ohin ita fó tiha ona 10 min para halo *briefing* ida entre bancadas, ne'ebe agora ne'e tama mai ita atu determina ona candidato ne'e na'in hira mak bá iha-ne'ebá ona, e depois ita atu hatuur ona sá horas mak ita bele vota.

Ne'ebe, agora daudauk ne'e ha'u secunda ba iha camarada hussi FRETILIN sira-nian, para primeiro ita aprova uluk lai horas ne'e, e depois, segundo, Sr. Presidente da Mesa bele fó-sai ona naran candidato ne'e para ami mós bele hatene. Tanba ami nu'udar partido foun, geração foun, hanoin foun, ami precisa buat ne'e atu clarifica, ha'u lakohi falun hela de'it.

Mak ida-ne'e, obrigado.

Sr. **Presidente Cessante**: — Obrigado, Sr. Deputado.

Hussi técnico sira ne'ebé apresenta naran ne'e sala. Mas, ha'u hussu ona para sira atu fó, tanba foun. Sr. Deputado sira hotu, dalaruma iha kotuk técnico sira ne'ebé regista ne'e mak fó naran la loos. Ha'u hussu desculpa, Sr. Deputado.

Sr. Deputado sira hotu, molok ita tama ba pedido sira ne'ebé ohin hussu atu halo... Informação sobre lista ne'ebé apresenta, iha lista rua. Ha'u hussu atu ita decide lai tempo ne'e, tempo ida atu estende ne'e, depois ita tama ba ne'ebá, agora 6h00 ona.

Ha'u bele fó tempo ba Sr. Deputado sira hodi intervenção, mas ha'u hussu atu ko'alia lai ba tempo ne'e. Estende tempo ne'e loos ona para depois ita bele halo discussão.

Hussi Bancada FRETILIN apresenta ona horas ida, ne'ebé ohin hotu-hotu ko'alia ona, bancada seluk ha'u hussu tan atu iha horas ida fixa ba extensão ne'e para depois ita bele halo discussão continua.

Bancada PLP, halo favor.

Sr. **Fidelis Manuel Leite Magalhães** (PLP): — Obrigado, Sr. Presidente.

Se ita continua nafatin ho discussão ida-ne'e, se ita dada tan tempo, então ita continua tan, banaliza tan, halo baibain tiha Regimento ne'e. Maibé, se ita continua dada hanessan ne'e, agora ita tuku 6

ressin tan, agora, depois, ita sei ko'alia tan kona-ba extensão. Extensão ne'e iha nia requisitos. Atu extensão precisa saida? Votos hira? Unanimidade ka oinsá? Ne'e ha'u hanoin depois técnico sira bele ajuda esclarece. Mas, Sr. Presidente, favor ida ita lalika prolonga tan, ita halimar ho Regimento.

Obrigado.

Sr. Presidente Cessante: — Situação ida-ne'e la ajuda atu toma decisão, la ajuda totalmente.

Lian hussi Bancada FRETILIN: — Vota!

Sr. Presidente Cessante: — Ha'u hussu atu hatete, fixa horas ida, Sr. Deputado sira, depois ita ba decisão, vota concorda ou lae. Horas extensão ne'e to'o 10h00, 11h00, to'o 12h00, pronuncia netik ida-ne'e bá para depois ha'u bele continua, selae ita tama fali ba assunto seluk ita la resolve nafatin.

Sr. Deputado Francisco Branco, halo favor.

Sr. Francisco Miranda Branco (FRETILIN): — Sr. Presidente, ami propõe to'o 01h00 da madrugada para ita hakotu tiha processo votação ne'e. Ita bele debate, ita bele argumenta, maibé Sr. Presidente, ita hotu iha-ne'e atu cumpre regras, maibé regra sira ne'ebé ita ko'alia, ita questiona daudauk ne'e, iha Legislatura ba kotuk ita prática tiha ona. Se prática ne'e viola Estado nia interesse ruma iha-ne'e, ha'u coloca questão ida-ne'e: bainhira ita decide iha tempo kotuk bá ba questão ida hanessian, ita viola Estado nia interesse ruma iha-ne'e ka lae? Tanba prática mós bele admite katak regra balu ne'ebé iha ba interesse ne'ebé boot liu, ita bele pratica. Hanessian exemplo ida-ne'e daudauk iha tempo ba kotuk, Sr. Presidente. Ne'ebe, ha'u hanoin ita bele hakat ba oin, ita determina lai tempo extensão to'o 01h00 da madrugada, ita hala'o votação hodi determina tiha sé mak Presidente Parlamento iha Legislatura 2017-2022.

Sr. Presidente Cessante: — Sr. Deputado sira hotu, estende até 01h00.

Intervenção sira tuirmai ha'u hussu atu hatete de'it katak concorda ou la concorda, la bele halai ba fatin seluk.

Sr.^a Deputada Carmelita Moniz: ponto de ordem. Halo favor.

Sr.^a Carmelita Caetano Moniz (CNRT): — Boa noite, Sr. Presidente, tanba kalan tiha ona.

Ha'u atu hussu de'it estende bá atu halo saida? Atu agenda ba saida? Dentro de tempo ida agora to'o 01h00 ne'e ita halo saida? Ita atu halo proposta ruma foun, la iha. Ita hussu, pelo menos iha Plenária ida-ne'e, começa 2007 até a data, Parlamento ida-ne'e seidauk aprova, delibera, buat ida que contraria Regimento do Parlamento Nacional. Ida artigo 16.º ne'e um artigo obrigatório. Ita bele la

tuir artigo 16.º quando partido sira ne'ebé iha bancada iha Parlamento Nacional ne'e, hotu-hotu concorda ba lista ida. Ita hotu-hotu iha concordância katak ita bá vota iha loron ida-ne'e ona. Agora lae, iha bancada rua ne'ebé la concorda, hussu 24 h depois, de acordo com o Regimento, ne'e direito bancada nian! E direito mós ba ema ida ne'ebé candidata atu halo campanha, ita ko'alia loloos de'it! Ne'e direito ema nian ida ne'ebé lei fó dalan bá, e Regimento fó dalan bá. Ita bele hein 41 dias, ita bele estende tan 15 dias para tomada de posse do Parlamento Nacional, agora atu hussu de'it 24 h, la bele?! Lógica iha-ne'ebé?! Tanba saida ita la bele fó 24 h? Se hanessan, ita hotu-hotu concorda ba 01h00, então ha'u hussu ita fila ba uma, ita ba toba tiha, depois 12h30 mak ita mai fali, bá vota de'it.

Muito obrigada.

Sr. Presidente Cessante: — Obrigado.

Sr. Deputado sira hotu, haree ba ecrã iha oin, minutos iha ecrã nia oin, favor ida.

Sr.^a Deputada Maria Angelina Sarmento, halo favor.

Sr.^a Maria Angelina Lopes Sarmento (PLP): — Obrigada, Sr. Presidente.

Boa tarde ba Ita-Boot no mós ba colega Deputado sira.

Ha'u secunda declaração Deputada Carmelita nian katak se proponente propõe atu estende agenda to'o 01h00 kalan, di'ak liu propõe mós agenda ba assunto saida mak ita precisa ko'alia, atu nune'e ita hotu bele hatene lógica hussi extensão ne'e relevante ka lae.

Segundo, PLP nafatin hakarak consistente ho regulamento ne'ebé iha ona, Regimento ne'ebé iha ona, katak ita tem que tuir Regimento ne'e, 24 h de antecedência.

Obrigada.

Sr. Presidente Cessante: — Tuirmai Sr. Deputado António da Conceição. Halo favor.

Sr. António da Conceição (PD): — Obrigado, Sr. Presidente.

Ohin dadeer-saan quando ita inicia, ha'u rona Sr. Presidente nia discurso, palavra chave balu ne'ebé Ita-Boot pronuncia: efetividade e eficiência. E mós ha'u hanoin katak ita sira-ne'e hotu bele kaer ba princípio di'ak ida ne'ebé mós mak atu sempre dehan ba ita: «Não debes deixar para amanhã o que debes fazer hoje». Ita iha programa do dia ne'ebé ohin dadeer-saan ita sira-ne'e hotu mak hatán malu atu ita cumpre agenda de trabalho do dia.

Agora ho extensão, duração do tempo ne'ebé ita lori só para questões de procedimento que necessita, mas iha-ne'e ita mós tau em questão ita-nia produtividade e efetividade do tempo. Tanba ida-ne'e mak iha loos razão saida mak ita tem que ser adia buat ne'ebé ohin ita devia atu halo?

Obrigado.

Sr. **Presidente Cessante**: — Obrigado, Sr. Deputado.

Sr. Deputado António Verdial, halo favor.

Sr. **António Verdial de Sousa** (KHUNTO): — Di'ak, obrigado, Sr. Presidente.

Ha'u haree ohin ita ko'alia barak kona-ba Regimento, ita analisa tun-sa'e, analisa ba foho, ba tassi, maibé ha'u hatete de'it, ita rassik viola tiha ona Regimento lubuk ida. Ha'u foti exemplo ki'ik ida, wainhira Tribunal Recurso hassai tiha anúncio, ne'e 15 dias depois de eleição, maibé liu tiha ona, ne'ebe, dala ruma ita ko'alia barak, maibé ita-nia ação ne'e la hamossu produto ida. Ne'ebe, ha'u atu hatete de'it katak Partido KHUNTO suporta declaração Partido FRETILIN nian ne'ebé ita atu adia to'o 1h00. Nia objetivo fundamento mak ne'e: ita hili Presidente Parlamento, tanba povo hein, hein kleur ona, semana rua ressin ona, ita-nia Presidente Parlamento foun mak sé. Ne'ebe, ita honesto de'it bá atu nune'e ita simu realidade, atu nune'e ita bele avança ho voto.

Obrigado.

Sr. **Presidente Cessante**: — Obrigado, Sr. Deputado.

Sr. Deputado Manuel Tomás, halo favor.

Sr. **Manuel Tomás Amaral de Carvalho** (PD): — Obrigado, Sr. Presidente.

Loos duni, kalan tiha ona, boa noite ba Deputado no Deputada sira hotu.

Ha'u hanoin, lógica tebetebes quando estende tan tempo tanba Regimento regulariza iha artigo 45.º, n.º 2 ho n.º 4, ne'e mós hanessan ohin Deputado Natalino dehan katak ne'e mós direito atu goza.

Ha'u hanoin ita haree filafali ba eleição, ita-nia inan-aman sira, eleitor sira iha rural, iha base, iha suku, aldeia, ita mobiliza mai vota, mai atu exerce de'it sira-nia direito, então ita sira ne'ebé ohin mai iha Parlamento Nacional, ami sira foun, ne'e atu mai cumpre mandato ne'ebé povo fó liuhossi eleição geral, ne'e mandato constitucional.

Ha'u hanoin Regimento ne'e loos duni, maibé sei di'ak liu ita halo lailais buat ne'ebé povo hein hela, porque estabelecimento ba Mesa do Parlamento tem que lailais. Porque Parlamento mak hahoris Governo, se ita dada to'o aban, significa ita hakarak *molor*, ita hakarak fó espaço, espaço beibeik, afinal Parlamento Nacional durante mandato prejudica povo nia moris. Deputado lubuk ida goza privilégio, hetan sassán gratuita, hakarak prolonga beibeik. Hanessan Deputado foun, ha'u triste tebetebes, ha'u hakarak mak ne'e, buat hotu ita halo lailais liu hanessan Habibie dehan: «*Lebih cepat lebih baik bagi rakyat*», não é? «Lais liu di'ak liu ba povo», mesmo que ita viola Regimento.

Ha'u hanoin agora ho aban la'ós diferença, porque tempo ne'e bessik hela, maibé se di'ak liu ita bele resolve sassán ruma agora para nune'e aban ita fó fali espaço ba buat seluk.

Obrigado, Sr. Presidente.

Sr. Presidente Cessante: — Obrigado, Sr. Deputado.

Tempo proposta 01h00 madrugada, Sr. Deputado sira hotu.

Sr. Deputado Arão Noé, halo favor.

Sr. Arão Noé de Jesus Amaral (CNRT): — Obrigado, Sr. Presidente.

Prolonga, estende ba to'o 01h00, quer dizer ita agora iha crise boot ida, ne'e mak agora ita tem que acelera lailais para hotu kedas agora para aban resolve fali buat seluk. Mesmo que ita-nia Regimento ne'e hatete claro iha-ne'ebá katak depois de loron ida, mas hakarak halo lailais, ne'e ita tem que iha... Tanba saida? Nu'ussá la hussik ba aban. Diferença aban ho ohin ne'e iha saida? Ho kalan boot meia-noite ne'e, diferença ne'e iha saida? Hanoin ida-ne'e mak ita tem que haree ho lógica, se ita bele adia tempo semana ida-rua-tolu, bele, nu'ussá mak loron ida para ita cumpre Regimento nia exigência, labele. Ne'e la'ós dehan hussu de'it, maibé cumpre saida mak Regimento hatete. Ida-ne'e mak hussi Bancada CNRT exige oinsá atu ita cumpre, atu nune'e buat hotu bele la'o ho didi'ak, ho tempo, ho sassán hotu-hotu la'o di'ak. Ha'u hanoin ida ne'ebé manán, nia eleito karik, tuur dirige Parlamento ne'e e decisão sei coletivo depende ba Deputado na'in-65 iha-ne'e. Ha'u hanoin ita bele cria situação di'ak ida para ita hodi bele ultrapassa tiha situação ida-ne'e para ita lalika hela ho divergência tan de'it atu halo votação ne'e. Nu'ussá mak ita la hela ba aban dadeer tuku 9? Ita bá descansa didi'ak, aban mai vota ho consciência ho didi'ak, pronto, buat hotu resolve ho di'ak.

Ha'u hanoin ha'u-nia sugestão mak ida-ne'e, cabe ba líder partido sira hotu decide bá oinsá para ita bele resolve, enfrenta, situação ne'e ho calma, ho didi'ak, atu nune'e ita bele ultrapassa situação ne'e.

Obrigado.

Sr. Presidente Cessante: — Obrigado, Sr. Deputado.

Sr.^a Deputada Gabriela Alves, halo favor.

Sr.^a Gabriela Alves (FRETILIN): — Desculpa!

Sr. Presidente, ita mai iha Parlamento ida-ne'e representa povo ne'ebé ki'ik no kiak. Sira iha base ne'ebá sira la descansa loron ida atu han de'it etu bikan ida, ne'ebe, se ita mai hein katak aban, depois de 24 h mak ita mai vota ba Presidente, então aban tuku 4 mak ita foin vota. Agenda saida mak ita preenche hussi 9h00 to'o 4h00 ida-ne'e? Se hussi 9h00 to'o 4h00 mak ita mai halimar nafatin, tuur nafatin hanessan ohin, mak ita manán ossan boot, ida-ne'e ita comete corrupção. Tan ne'e, ha'u-nia hanoin, se bele, ita vota ona.

Obrigada.

Sr. **Presidente Cessante**: — Obrigado, Sr.^a Deputada.

Sr.^a Deputada Olinda Guterres, halo favor.

Sr.^a **Olinda Guterres** (KHUNTO): — Boa noite ba Mesa, colegas Deputados e mós ba média sira hotu.

Ha'u hanoin hanessan dominó ida karik ita dudu bá, dudu mai, dudu bá, dudu mai, nunca mais hotu. Ami nu'udar Deputado foun, partido foun, ami tuur iha-ne'e desde ohin dadeer-saan kedas to'ogora ami sente la kole. Ne'e duni ami hakarak tuur iha-ne'e to'ogora aban lokraik mak hotu mós ami pronto, naran katak votação ne'e la'ogora.

Hamnassa no bassa liman hussi Deputado sira no público assistente.

Ami propõe ba 2h00 madrugada, ami pronto, atu to'ogora 24 h mós ami pronto, tanba cadeira ida-ne'e ami foin mak tuur.

Hamnassa hussi Deputado sira.

Keta hamnassa lai...

Hamnassa hussi Sr. Deputado sira.

Iha-ne'e ha'u hakarak, hussi Partido KHUNTO nia hakarak, tuur to'ogora hotu, to'ogora votação ne'e remata. Tanba, sá difícil iha fatin ida-ne'e ne'ebé ita labele vota agora? Se bele karik ita avança ona, lalika dada tempo bá-mai, bá-mai, dudu malu, dudu bá iha-ne'ebá, dudu mai iha ne'e, ita dudu malu bá-mai hela de'it? Depois, Ita-Boot ohin atu bá almoço, Ita-Boot dehan katak 3h00, mas Ita-Boot rassik 4h30 mak Ita-Boot foin to'ogora mai, ne'e contra Regimento ka lae? Ami la hatene Regimento, ami seidauk estuda, maibé Regimento ida-ne'e oinsá, Regimento ne'e ita mak halo, la'ogora Regimento mak halo ita, lae. Buat ne'e difícil saida mak ita labele vota agora?

Obrigada.

Sr. **Presidente Cessante**: — Sr.^a Deputada, se fácil hanessan ne'e buat ne'e hotu ona, tanba ha'u gere de'it tuir regras ne'ebé iha mak lori ita to'ogora iha ida-ne'e. Se fácil hanessan ne'e, ne'e hotu tiha ona.

Sr. Deputado Osório Florindo: ponto de ordem. Halo favor.

Sr. Osório Florindo da Conceição Costa (FRETILIN): — Ponto de ordem 1 min. Ita ohin ko'alia kona-ba horas, proposta ne'e to'o 01h00, be agora fó hotu ba ema hotu-hotu ko'alia e discute 1 h ne'e ita discute saida nian? Se ita hotu, Ita-Boot sira ne'ebé tuir no cumpre loos Regimento ne'e, Regimento ne'e assunto ida ema ida ko'alia dala rua de'it. Be dala haat, dala lima ne'e, imi consciente ka lae imi ko'alia kona-ba Regimento ne'e? Ne'ebe, Presidente, votação estende to'o tuku 1, se la passa, ita continua aban, resolve problema! Mas, Presidente hakarak soe uitoan-uitoan, soe uitoan-uitoan, ne'e, Presidente, la honesto ida.

Obrigado.

Sr. Presidente: — Sr. Deputado sira hotu, para ida nune'e labele acontece, ajuda ha'u. Ha'u hussu ajuda ha'u.

Ohin proposta 01h00, bele ka lae 01h00? Mas, ha'u hanoin katak saúde ho buat sira-ne'e hotu, máximo to'o 10h00, ha'u hatene ida-ne'e. To'o 10h00 ita discute la hotu, ita descansa e aban 9h00 continua. Ne'e ha'u nia hanoin, máximo 10h00. Dr. Mari Alkatiri dehan 01h00, mas ha'u compreende, la'ós hanessian ne'e, karik bele 10h00, ita descansa uitoan. Ita fila bá, 10h00 ne'e sei la halo tan buat seluk ida, Dr., ita kala descansa tebes, dadeer fali mak ita fila.

Ha'u hussu ida-ne'e de'it, Sr. Deputado sira, ita ohin começa dadeer to'o kalan ne'e, la iha tempo extra para ko'alia buat sira seluk, halo tebes serviço to'o agora, e to'o 10h00 ladauk iha nafatin decisão, ita continua aban.

Ha'u hussu de'it ida-ne'e, ne'e mak ohin ha'u dehan katak ajuda ha'u bá. Ha'u *kebetulan* tama iha lista ida, mas ha'u sei la usa ida-ne'e lori aproveita buat ruma. No fim votos ne'e mai hussi kraik, ba ha'u de'it mós iha voto ida. Ha'u la iha aproveitamento ruma ba processo ida-ne'e.

Ha'u-nia lista la liu, ha'u Deputado nafatin, ha'u serviço ba Rain ida-ne'e, ba povo ida-ne'e. Deputado Aniceto Guterres liu, serviço ba Rain ida-ne'e, ba povo ida-ne'e, sei la hussik Rain ne'e. Serbí ita-nia povo, serbí ita-nia nação. Ha'u sei la aproveita situação ida-ne'e ba interesse ha'u-nian.

Sr. Deputado Antoninho Bianco: ponto de ordem.

Sr. Antoninho Bianco (FRETILIN): — Boa noite ba povo tomak, boa noite ba Ita-Boot, Presidente cessante.

Buat ne'e fácil, Ita mak dificulta Ita-Boot nia an, buat rua de'it. Plenário ne'e soberano, se liafuan ema rua-tolu nian la hanessian tem que votação! Facilmente para resolver, Ita mak dificulta Ita-nia an. Ha'u ajuda Ita-Boot, Presidente cessante, ba votação para resolve questão ne'e, estende ba 01h00 ne'e, ne'e ita bele dehan nune'e, maibé buat ne'e se la'o karik, horas ida la to'o, hotu ona, eleição hotu ona.

Povo, ami, hakarak hotu agora ne'e, mas Mesa, Ita-Boot nia interesse, tanba iha interesse iha laran duni! Ita-Boot sai mós iha ema ne'ebé atu eleito. Tuir loos, ha'u-nia colega, Ita-Boot Presidente, leitura tiha hotu, Ita-Boot tun. Órgão ida-ne'e, sé mak tinan boot liu bá gere iha-ne'ebá, ne'e para la bele dificulta Ita-Boot. Ne'e regras hanessian ne'e, conflito de interesse ne'e iha-ne'ebé de'it, ne'e regras gerais ne'ebé acontece iha fatin-fatin.

Tanba ne'e ha'u hussu ha'u-nia Presidente cessante, di'ak liu decide através decisão Plenária. Lalika hussu ema ida por ida, la iha ema ida que contente ba decisão ida, hotu-hotu tem que hakru'uk ba decisão ne'ebé la fó nia atu contente, la iha! Jesus rassik, Maromak nia oan, mós la fó contente ba ema hotu, tanba ne'e Ita-Boot bele equilibra tun-sa'e, tun-sa'e, la sei hetan *boy*.

Obrigado.

Sr. Presidente Cessante: — Ita seidauk decide horas ne'e. Ohin ha'u dehan ona 10h00 máximo ba extensão ne'e.

Ne'e 10h00, Sr. Deputado sira hotu, concorda, selae ha'u sei la fó ba intervenção sira-ne'e quando seidauk temi liafuan ka fixa horas ne'e. Se 10h00 então ita continua discussão.

Sr. Deputado Mari Alkatiri, halo favor.

Sr. Mari Bin Amude Alkatiri (FRETILIN): — Ita-Boot hussu dehan concorda ka la concorda. Ha'u la concorda, e lalika preocupa, ha'u mak katuas liu iha Parlamento ne'e, ha'u mak propõe duni 01h00.

Sr. Presidente Cessante: — Sr. Deputado Fidelis Magalhães. La iha.

Sr.^a Deputada Carmelita Moniz: ponto de ordem. Halo favor.

Sr.^a Carmelita Caetano Moniz (CNRT): — Obrigada, Sr. Presidente.

Como ohin foti fali questão conflito de interesse, buat ida que interessante tebetebes e Presidente cessante atu preside de'it Plenária ida-ne'e tuir Regimento ne'ebé iha. Se ita haree filafali ba conflito de interesse, então ita tem que lori conflito de interesse ida-ne'e ba fali Comissão de Ética atu haree kona-ba incompatibilidade, maibé Comissão de Ética neste momento seidauk constitui.

Ne'ebe, ha'u sugere atu haree ba incompatibilidade ida-ne'e, Sr. Presidente cessante. Ita-Boot halo reunião ho líderes bancadas hodi haree, pelo menos, kona-ba Ita-Boot nia incompatibilidade, tanba tuir ha'u-nia haree, Ita-Boot atu preside de'it hodi lori Deputado sira tama ba processo eleição to'o, quando hotu, Ita-Boot entrega ba Presidente eleito. Ida-ne'e mak ha'u-nia ponto de vista, se ita kaer fali ne'e, então naruk liu tan, ita tem que lori ba bancada sira halo reunião para haree incompatibilidade hodi decide.

Muito obrigada.

Sr. Presidente: — Obrigado, Sr.^a Deputada.

Sr. Deputado sira hotu, se ita fixa ba 01h00, 01h00 ne'e mai para eleição ona ou 10h00 ne'e mai para eleição ona. *Vakum* ida agora 6h00 to'o 10h00 ne'e la preenche ho buat ida, tanba ne'e ita atu ko'alia pedido ida dehan katak 24 h, ne'e aban, então hatún ba 10h00. Então, 10h00 ne'e, ita tama mai ne'e ba votação ona ou 01h00 mai ne'e, mai votação ona. Tanba ita preenche horas ida *vakum* ne'ebé agora 6h53 ne'e to'o 10h00 ne'e atu preenche saida? La iha discussão ida ba ne'e, ohin hussu 24 h, agora la concorda, proposta foun dehan katak 01h00 madrugada. Ne'e la'ós atu preenche agora to'o iha-ne'ebá, se ita concorda dehan 01h00, ita mai 01h00, mai para votação. Se dehan ita mai 10h00, ita mai 10h00 para votação. Ita sei la preenche horas mamuk ida-ne'e atu halo discussão sira ne'ebé la iha ligação.

Intervalo ba 10h00, mai para votação. Intervalo, mai 11h00 para votação, mai 12h00 para votação, claro.

Sr. Deputado Joaquim dos Santos, halo favor.

Sr. Joaquim dos Santos (FRETILIN): — Obrigado, Sr. Presidente.

Ha'u hanoin ita desentende malu karik, ita haree ba horas de'it, ita seidauk estende, horas liu tiha ona. Ita-nia intenção loloos estende ne'e tanba ita lakohi viola Regimento, ne'e primeiro.

Segundo, ita estende atu cumpre agenda ohin nian ne'e. Agenda ohin ne'e tem que cumpre ohin, tanba horas liu tiha tem que estende, então iha opção rua: 01h00 ou 10h00. Portanto, entre agora to'o iha 10h00 ou entre agora to'o 1h00, ne'e ita atu cumpre de'it agenda ohin ne'e, processo eleição to'o hotu, ne'e de'it. Matéria mak ne'e.

Depois, balu hussu: «Estende atu halo saida?» Halo ida-ne'e duni! Agenda ohin nian tem que cumpre ne'e.

Sr. Presidente Cessante: — Obrigado, Sr. Deputado.

Sr. Deputado sira hotu concorda ho ida horas ne'e? Katak 10h00 kalan ne'e, 12h00 kalan ne'e e 01h00 orsida madrugada.

Sr. Deputado Mari Alkatiri, halo favor.

Sr. Mari Bin Amude Alkatiri (FRETILIN): — Sr. Presidente, ita-nia diferença iha-ne'e tanba balu dehan tem que 24 h, significa tem que to'o 5h00 da tarde de amanhã, ne'e 24 horas. Maibé, ita bele interpreta 24 h significa dia seguinte, também bele iha interpretação ida hanessan ne'e. Se dia seguinte, a partir da meia-noite, 00h00 para a frente.

Agora, se ita dehan 10h00 ita fila para vota, então ita vota kedas agora ona. Tanba saida ita hein to'o 10h00?

Sr. Presidente fó razão, quando hahú debate ida-ne'e, Sr. Presidente dehan Regimento dehan ida-ne'e, maibé a Plenária é soberana, de repente soberania ita lakon, lakon, lakon, lakon tiha soberania ne'e. Ita manán tiha soberania ba tassi, mas ita lakon fali iha Parlamento ne'e.

Hamnassa hussi Deputado sira Bancada FRETILIN nian.

Sr. **Aniceto Longuinhos Monteiro Lopes** (FRETILIN): — Ne'e política halimar ho tempo.

Sr. **Mari Bin Amude Alkatiri** (FRETILIN): — Ne'e ita halimar de'it. Ita halo tempo ne'e sai fali *jam karet, jam karet*, depois nia minuto mós *karet* hotu ona, la'ós *jam* de'it.

Obrigado.

Sr. **Presidente Cessante**: — Obrigado ba Sr. Deputado Dr. Mari Alkatiri.

Ne'e 10h00 mai atu bá votação.

Iha protesto hussi Deputado balu.

Sr. Deputado Estanislau. La iha.

Sr. Deputado Natalino dos Santos, halo favor.

Sr. **Natalino dos Santos Nascimento** (CNRT): — Sr. Presidente, obrigado.

Ha'u hussu ba colega sira: se bancada ida hussu cancela tomada de posse, ita respeita; e agora daudaun bancada rua hussu de'it adia lora ida, e liuliu cumpre Regimento ne'ebé hatete katak depois de apresenta ne'e 24 h! Ita hakarak kaer ba Regimento! Se ita ko'alia honesto, honesto iha-ne'ebé?

Ne'e ha'u hakarak lembra de'it colega sira, ita iha vontade de ita hakarak hussu. Tanba ida-ne'e mak ha'u hussu ba colega sira, ita ho honesto, tem que analisa. Se hussu...

Sr. **Presidente**: —Sr. Deputado, tempo.

Sr. **Natalino dos Santos Nascimento** (CNRT): — Se hussu atu cancela to'o semana rua, ita respeita, ita compreende, tanba ita hotu nian.

Sr. **Presidente**: — Tempo, Sr. Deputado,

Sr. **Natalino dos Santos Nascimento** (CNRT): — Tanba sá mak ami hussu kaer ba Regimento e hakarak aplica Regimento...

Sr. Presidente cessante desliga tiha microfone Deputado ne'e nian.

Sr. **Presidente**: — Favor ida, Sr. Deputado sira, haree minutos ne'ebé iha ba intervenção. Ha'u hussu ajuda.

Sr. Deputado Adriano do Nascimento: ponto de ordem. Halo favor.

Sr. **Adriano do Nascimento** (PD): — Obrigado, Sr. Presidente.

Ha'u hanoin Presidente kolen liu, ne'ebe interpretação mós kolen hotu. Ita marca 10h00, 10h00 mak mai, e depois ita descansa, toba tiha. Ne'e la iha lógica. Ba 10h00 ne'e, ita atu serviço hahú agora to'o 10h00 para buat ne'e hotu, lógica ne'e iha-ne'e! La'ós marca 10h00, 10h00 mak mai, 24 h, 24 h mak mai, ne'e la loos. Ne'e primeiro.

Segundo, atu halo saida ba extensão? Atu hili Presidente, líder órgão soberano segundo nian, tanba ita precisa agora atu instala estrutura Parlamento nian.

Terceiro ponto, ha'u haree buat ida princípio maioria ne'e la iha ona. Bancada tolu lian ida de'it, bancada rua lian seluk, hussu goza. Bancada tolu mós hakarak goza para vota agora. Se bancada rua hakarak goza aban, bancada tolu hakarak goza ohin. Então, princípio maioria funciona ka lae?

Tanba ne'e mak Presidente, se bele, Presidente kolen liu, hussik tun mai ne'e para maioria decide oinsá. Maioria decide dehan katak... agora é democracia, princípio democracia é maioria mak gere. Ne'ebe, Presidente, do que Ita-Boot kolen, fó tempo ba hotu-hotu, ohin ita atu decide 10h00 mós la iha, 01h00 mós la iha, buat hotu-hotu la iha de'it.

Muito obrigado.

Sr. **Presidente Cessante**: — Obrigado, Sr. Deputado.

Ha'u la kolen ida, ha'u-nia obrigação atu halo serviço, atura situação ne'e, atura situação ne'e, tanba ne'e situação política, Sr. Deputado sira hotu.

Ha'u dehan dala ida tan ne'e discussão política. Se discussão técnica sira-ne'e, hotu tiha, mas tanba política, ita hanessan ne'e. Ne'e mak ha'u koko atu atura situação ida-ne'e, paciência uitoan, atu hussu mós Sr. Deputado sira-nia paciência atubele lori ne'e ba oin.

Foti liman barabarak, regista iha-ne'e ponto de ordem, mas se ha'u fó hotu, ne'e problema nafatin.

Iha protesto hussi Deputado Osório Florindo da Conceição Costa (FRETILIN) no Deputado balutan hussi Bancada FRETILIN nian.

Obrigado, Sr. Deputado, obrigado e obrigado.

Ne'e kala iha situação última mak hanessan ne'e, Sr. Deputado sira.

Sr. Deputado sira hotu, ha'u rona de'it hussi kraik ne'e la bele ona, ha'u rona de'it hussi kraik ne'e la hotu ona, 24 h mós la bele ona, la iha concordância, 01h00 mós la iha, mai 10h00 mós la iha. Agora 7 h liu 2 min, ita tama ona ba agenda ne'ebé iha, e ita tem que halo decisão.

Pedido de acordo ho Regimento 24 h depois de apresentação lista candidato, ne'e monu iha aban 3h00 loraik, ne'e demora, atu dehan katak 9h00 aban mós la iha. Ohin balu pronuncia, mas balu la kaer mós 9h00 ba aban dadeer, ba 01h00 madrugada mós hanessan. Agora 7h00 e 8h00 ita tama, halo votação.

La iha discussão ona, tanba ohin discussão ne'e hanessan ne'e de'it. Ita iha ona lista candidato rua, lista rua, tan ne'e mak ita hussu, de acordo ho Regimento ne'ebé dehan katak 24 h depois de apresentação, ne'e ba aban 3h00, maibé bele iha flexibilidade karik 9h00, cedo liu mak 8h00, ne'e mós la iha. La iha concordância, la iha deliberação ida iha-ne'e, e ha'u mós sei la hussu ba votação atu aprova ida-ne'e, tanba ida-ne'e Regimento la fó. Tan ne'e, Sr. Deputado sira, 8h00 ita tama ba agenda eleição nian, fó tempo ba técnico sira atu prepara buat sira-ne'e hotu to'ó 8h00.

Ita intervalo, bá to'ó 8h00 ita halo votação.

Sr. Deputado Joaquim dos Santos, halo favor.

Sr. Joaquim dos Santos (FRETILIN): — Presidente, ha'u concorda ho Ita-Boot nia decisão, só que ha'u hanoin ita tem que delibera lai ba tempo ne'e. Tuir Regimento tem que delibera, primeiro. Tem que aprova tiha duni, katak tuir loloos 6h00, mas agora tem que prolonga ba to'ó 8h00, ida-ne'e tem que delibera.

Sr. Aniceto Longinhos Guterres Lopes (FRETILIN): — To'ó 8h00 mak sira la mai karik, ne'e hanu'ussá?

Sr. Joaquim dos Santos (FRETILIN): — Segundo, ita mós tem que delibera ba mecanismo ba eleição ne'e.

Obrigado.

Sr. Presidente Cessante: — Obrigado.

Sr. Deputado sira hotu, bancada sira, la iha solução, ita tem que foti decisão ba assunto ida-ne'e, mesmo que tem que la' o la tuir ona regras ne'ebé define ona.

Discussão política desde ohin to' o agora la iha consenso ida. Ha'u buka de' it liafuan ida consenso ne'e ohin to' o agora, la iha, atu apoia malu, alternativa hotu-hotu mossu ona, la iha. Ida-ne'e mak ha'u lori mai, ita lori to' o agora 7 h liu 5 min ona.

Sr. Deputado Abel Pires, halo favor.

Sr. **Abel Pires da Silva** (PLP): — Muito obrigado, Sr. Presidente, kalan di' ak.

Ha'u-nia hanoin hanessan ne'e: erro ida-ne'ebé atu acontece iha agenda, agenda ne'e questão técnica administrativa, puramente, ida-ne'e labele sai justificação para halo violação ba fali Regimento, ne'e labele! Por amor de Deus, ida-ne'e labele!

Saida mak ita halo ona erro iha passado, tanba de' it uluk ita halo, labele sai justificação para agora ne'e ita halo erro ne'e nafatin. Ita labele usa buat sala ida uluk ne'e sai fali razão para halo sala ne'e continua, ne'e labele!

Agora, ohin ita iha opção que barak tebetebes, ita la consegue atu hamossu consenso, loos ka lae, tanba ne'e mak ita hamossu Regimento ne'e para Regimento ne'e bele sai hanessan referência única. Agora, Regimento iha ona, podia ita tuir de' it Regimento ne'e para la iha tan ona opção oioin, maibé agora ita hakarak viola tiha fali Regimento ne'e. Então, tanba ita-nia intenção atu la tuir Regimento ne'e mak ita mossu opção barabarak ne'e, karik ita tuir Regimento loos ida, la iha tan ona opção seluk, tuir de' it 24 h ne'e, sá custa ida.

Obrigado barak.

Sr. **Presidente Cessante**: — Obrigado, Sr. Deputado.

Hanessan ohin ha'u dehan ona, lista ba intervenção barak tebetebes, ha'u fó ona. Tanba votação ne'e escrutínio secreto, Sr. Deputado sira hotu, ita halo de' it agenda para depois ita tama ba votação ho tempo ne'ebé ita fixa tuir guião ne'ebé iha.

Tempo, ita seidauk estende, agora 7h00, Sr. Deputado sira hotu, mas ita estende ba 8h00, ba 10h00, atu halo saida iha situação ida-ne'e? Tanba agora ne'e, problema ne'e mak agenda única ne'ebé atu tama ba ida eleição ba candidato sira-ne'e.

Ba 8h00, Sr. Deputado sira hotu, horas ida, ba 9h00, horas rua.

Sr. Deputado sira hotu, concorda ona ida-ne'e?

Sr. Deputado sira hotu, ita intervalo, fila mai 8h00, la iha solução.

Sr.^a Deputada Josefa Pereira, halo favor.

Sr.^a **Josefa Álvares Pereira Soares** (FRETILIN): — Obrigada, Sr. Presidente e boa noite ba ita hotu iha Uma-Fukun ida-ne'e.

Ha'u hanoin, Sr. Presidente, hela de'it ona horas ida-ne'e, se dehan atu to'o 8h00, acaba primeiro o trabalho da agenda e depois é que ita bele ba uma, pronto, descansa, aban mai fali, mas halo hotu lai agenda de trabalho loron ida ohin nian.

Obrigado, Sr. Presidente.

Sr. Presidente Cessante: — Sr. Deputado sira hotu, agenda ne'ebé tuirmai ne'e mak verificação e confirmação candidato sira-nian, depois ida-ne'e ita discute tama to'o ida-ne'e quando ita concorda ona katak hahú imediatamente ou ida 24 h ne'e, opção mak rua ne'e. Tan ne'e mak ohin ita loke discussão ne'e ho ida-ne'e, hahú imediatamente atu ita tama ona ba agenda ne'ebé tuirmai ne'e: «Verificação e confirmação das candidaturas; Votação para eleição do Presidente do Parlamento Nacional; Proclamação do resultado e anúncio do nome do Presidente eleito; Passagem da cadeira presidencial...», to'o hotu. Ne'ebe, ida-ne'e mak ohin ha'u hussu ne'e. Hakarak dehan ita tama ona ba ida-ne'e, imediatamente, ou de acordo ho Regimento hanessan proposta hussi bancada rua ne'ebé dehan katak 24 h, então aban.

Mossu nafatin protesto hussi bancada tolu: FRETILIN, PD no KHUNTO.

Bancada tolu la concorda ho proposta ida-ne'e. Hussi bancada rua, maioria la concorda. Ne'e realidade! Bancada rua kaer ba Regimento hussu atubele haree questão ida-ne'e para depois bele iha consenso. Ne'e mak situação ida-ne'ebé ita hala'o hori ohin to'o agora.

Se ita tama ona ba iha discussão iha segunda parte ne'e, ne'e significa ita concorda ona ba iha imediatamente ou lae. Ba ona ida imediatamente, então ita tama ona bá, se la iha objeção, mas discussão mak la'o hela ne'e.

Sr. Deputado sira hotu, ita continua ho processo ne'e ho opção ida imediatamente, la considera ona 24 h. Maioria hatete katak lae, imediatamente tama ona. Ne'ebe, autoriza ha'u atubele tama ona, Sr. Deputado sira hotu.

Sira ne'ebé propõe 24 h bele concorda ida-ne'e, ita tama imediatamente, ou discussão ne'e bele la'o bá, ohin ha'u dehan ona ho proposta ne'ebé tama dehan katak 8h00, 9h00, 10h00 até 01h00 madrugada. Se bele foti ona dalan klaran ida-ne'e, ita decide ona. Tempo la suficiente nafatin, Sr. Deputado sira hotu, bancada proponente sira bele pronuncia buat ruma, bele ajuda situação ida-ne'e.

Ha'u hussu dala ida tan, Bancada CNRT, Bancada PLP, ba tebes de'it horas ne'ebé atu fixa. Se ha'u bele dehan Bancada FRETILIN ohin dehan ona 8h00 e até 01h00 mós iha.

Bancada CNRT, favor ida, pronuncia horas ida-ne'ebé concorda ona para bele la'o.

Sr. **Natalino dos Santos Nascimento** (CNRT): — Sr. Presidente, ha'u hakarak hussu ita hotu honesto, nu'udar legislador, ita hakarak ho início foun ne'ebé ohin Deputado sira foun dehan. Tanba ida-ne'e mak ami hakarak cumpre Regimento, artigo 16.º, ohin e ami hussu katak ba artigo ida-ne'e obrigatoriamente tem que obedece e ne'e direito ida, tanba bancada rua hussu atu halo extensão para aban mak foin ita bele halo eleição.

Se ita bele adia semana tolu liu, bele, tanbassá ami hussu de'it ba aban 9h00, labele?! Ida-ne'e Regimento mak hateten. Tanba ne'e ami hussu ba aban mak ita bele halo eleição para karik eleito mós atubele preside Parlamento ida-ne'e, tanba Parlamento ida-ne'e órgão colegial...

Sr. **Presidente Cessante**: — Tempo, Sr. Deputado.

Sr. **Natalino dos Santos Nascimento** (CNRT): — ...e tanba democracia exige mak ita apresenta mós candidato, não quer dizer aban...

Sr. **Presidente Cessante**: — Tempo, Sr. Deputado, ponto de ordem.

Sr. Presidente cessante hamate microfone Deputado ne'e nian bainhira nia sei ko'alia tanba limitação ba tempo.

Sr. Deputado, tempo, favor ida, tempo, Sr. Deputado.

Ohin ha'u hussu ona atu pronuncia horas ida-ne'ebé bele concorda, ha'u la hussu comentário seluk-seluk. Discussão hanessan ne'e começa ohin to'o kalan ona, ha'u hussu de'it atu ajuda dehan horas ida ne'ebé bele concorda.

Sr. Deputado sira hotu, ha'u foti dalan klaran: 9h00. Sr. Deputado sira hotu ha'u foti dalan klaran, 9h00 ita tama ba iha agenda ne'e.

Ha'u fó ba intervenção, mas temi de'it ida-ne'e concorda ka lae: 9h00?

Srs. Deputado Fidelis Magalhães, halo favor.

Sr. **Fidelis Manuel Leite Magalhães** (PLP): — Obrigado, Sr. Presidente.

Povo la'ós hili ita mai atu viola Regimento e leis, ne'ebe ida-ne'e ami sei la halo, e ami la concorda ho proposta. E Sr. Presidente, ho respeito tomak, ita labele halo discussão política ida wainhira discussão ne'e iha ou toca kona-ba violação explícita ba Regimento.

Obrigado, Sr. Presidente.

Sr. **Presidente**: — Obrigado, Sr. Deputado.

Sr. Deputado Antoninho Bianco, halo favor.

Sr. **Antoninho Bianco** (FRETILIN): — Presidente, agora deliberação la'ós pronuncia hussi de'it bancada, deliberação por Plenária, ne'e mak decisão! Ha'u ajuda Presidente cessante, deliberação ne'e mai la'ós Deputado ida-idak, ou hussi bancada ida-idak mai katak ninian loos ka laloos, lae, através de votação: sé mak contra, cartão seluk, sé mak a favor, cartão seluk. Ohin fó tiha ba ita halo deliberação ba constituição Comissão de Verificação, órgão ne'e mak delibera. Agora entre pró ho contra ka saida ne'e tem que liuhossi deliberação, la'ós pronuncia hussi cada Deputado ou bancada, ne'e la'ós! Tanba ne'e ha'u hussu favor ida, Presidente, buat-ne'e fácil, questão Ita-Boot mak dificulta atu hassai decisão ne'e. Buat rua ne'e tem que ema hili ida ho ida-ne'e de'it! La iha mundo ida que iha-ne'e decisão ne'e dehan ita tem que unanimidade nune'e to'o rohan, la iha! Tanba ne'e Presidente, Ita-Boot gere bá, ita bá votação, questão mak ne'e: Povo, Ita-Boot sira iha ne'ebá mós hein, dalaruma sai chateado. Tuir loos buat fácil hela, di'ak liu iha-ne'ebá ne'e, ha'u hanoin, povo maubere ida bele gere mós fácil liu, *gampang sekali*. Decisão ne'e *tinggal* foti de'it, Plenário decide.

Ha'u fó ba Presidente hanessan tulun ida, labele dificulta an.

Obrigado barak.

Sr. **Presidente Cessante**: — Obrigado, Sr. Deputado.

Tanba decisão ida hussi votação ne'e mak Regimento la fó ba ha'u, Regimento la fó ha'u ne'e tanba atu altera Regimento ne'e. Regimento hateten katak 24 h, ida-ne'e mak problema ba ha'u to'o agora. Ida-ne'e mak problema ba ha'u to'o agora. Sr. Deputado sira, se dalan ne'e iha ha'u usa dalan ida-ne'e.

To'o ohin hatete ona katak conflito de interesse mós to'o tama iha buat hotu-hotu.

Se ita halo decisão ba hodi halo aprovação ba opção rua ne'e, fácil tebetebes ho deliberação de'it ona, votação. Intervenção ohin mós refilete ona, mai bancada maioria concorda ita bá imediatamente eleição, só que tanba liga ho Regimento 24 h ne'e mak ita tama hela iha situação ida que la bele.

Ha'u compreende ho ha'u-nia situação, ha'u-nia capacidade, mas ida-ne'e mak dalan ida que halo ha'u sussar tebetebes, dalan ne'ebé halo ha'u sussar tebetebes atu toma decisão iha resto ha'u-nia horas mandato ne'e.

Sr.^a Deputada Ilda Maria, halo favor.

Sr.^a **Ilda Maria da Conceição** (FRETILIN): — Sr. Presidente, iha contradição.

Entre Regimento e guião tem que halo deliberação ida, rua ne'e ida, tem que hola ida, ne'ebe ami hussu por meio de votação. Se ida estende to'o 10h00 ou 11h00 ou to'o 01h00 liu, ita hela, se la liu, ami halo tuir, maioria vence minoria! Sr. Presidente, tanba iha contradição iha agenda ne'e mak ami

exige, tem que halo deliberação ida. Se continua hanessan ne'e, to'o aban mós ita nunca bele sai hussi ne'e, Sr. Presidente.

Obrigada.

Sr. **Presidente**: — Obrigado.

Sr.^a Deputada Carmelita, halo favor.

Sr.^a **Carmelita Caetano Moniz** (CNRT): — Obrigada, Sr. Presidente.

Se iha contradicção ka lacunas entre agenda ka guião ho Regimento, ida ne'ebé prevalece é Regimento, ne'e questão jurídica.

E ha'u hakarak hatete katak tuir ha'u-nia ponto de vista, ha'u lê, la iha contradicção entre guião ne'ebé já foi aprovado, la iha! Tanba iha guião, número 16: «O presidente em exercício organiza a eleição do Presidente do Parlamento», atu halo processo eleição hahú hussi ita hatama lista, apresentação lista de candidatura. Apresentação lista de candidatura mak tuirmai iha nia sequência eleição do Presidente do Parlamento mak ponto um kaer kedas ba iha Regimento ne'e, ida-ne'e mak ita tem que cumprir. Se horiohin mak Plenária bele delibera buat ida contraria ho Regimento, ne'e ita delibera horiohin tiha ona, ita lalika hein to'o kalan boot ida-ne'e, como labele ne'e mak ita hein to'o agora.

Ha'u bele fó solução ida: ita hussu ba DIPLIN atu sira fó sira-nia parecer jurídico, tanba ita iha-ne'e iha DIPLIN, para ita bele sai hussi questão ida-ne'e.

Obrigada, Sr. Presidente.

Sr. **Presidente Cessante**: — Obrigado, Sr.^a Deputada.

Sr. Deputado Aniceto Guterres, halo favor.

Sr. **Aniceto Longuinhos Guterres Lopes** (FRETILIN): — Obrigado, Sr. Presidente.

Ha'u tanba tama lista candidato, ne'ebe ha'u sente katak ha'u iha conflito de interesse, tanba ne'e mak desde ohin ha'u tenta atu lakohi ko'alia.

Maibé, iha opinião ka iha acusação balu ne'ebé ko'alia kona-ba honestidade, obriga ha'u atu hakarak ko'alia. Primeiro, ita ko'alia kona-ba 24 h antes, ha'u, pelo menos, iha ona Legislatura tolu iha Parlamento ne'e, tuir ona eleição ba Presidente dala tolu ona, ba Presidente do Parlamento. Iha 2007 começa lokraik 3h00, parece, ha'u sei hanoin, loraik tomada de posse hotu, candidato tama, votação hotu, loraik Presidente do Parlamento iha, ne'e quando loraik fila. Regimento ida-ne'e mak ita usa, Regimento ida-ne'e duni! Se 24 h tama antes, ne'e mak loos, então lista sira antes ne'e nulo, tanba Deputado sira seidauk hola posse, seidauk bele apresenta candidato. Lógica 24 h nian mak ne'e!

Iha 2012 mós hanessian, dadeer começa sessão, hola posse hotu tiha, elege kedas Presidente, buat ida 24 h ne'e ita la usa. Se usa, claro que ho antecedência ho 24 h antes ne'e tama tiha ona, mas quando 24 h tama, dala ida tan, ne'e nulo tanba Deputado sira seidauk hola posse. Seidauk iha poder para apresenta candidato. Iha, bainhira hatún, expulsa Presidente Vicente Guterres, ita nem hanoin tan 24 h, hatún loron ne'e, loron ne'e kedas ita bá apresenta candidato, Presidente ne'e hili kedas. Ha'u la hatene tanba saida mak agora ita kaer metin ida 24 h ne'e, depois ita acusa malu dehan ita la honesto ba malu.

Sr. Presidente, ha'u lakohi continua tan, maibé ha'u hakarak dehan 24 h ne'e durante ne'e la funciona, ita la usa, ita la kaer ida-ne'e! Agora, ne'e precedência ida, ita continua, tanba ne'e se Bancada tolu dehan hakarak continua, ne'e tanba precedência ida-ne'e. Nulo, se balu ita interpreta dehan viola Regimento, sim senhor, maibé precedência ne'e la'o tiha ona e iha razão. Bancada tolu mós iha razão, e se ida-ne'e mós sei nafatin, ita bá votação, Sr. Presidente. Votação hodi delibera continua ou la continua.

Obrigado, Sr. Presidente.

Sr. Presidente Cessante: — Obrigado, Sr. Deputado

Sr. Deputado sira hotu, iha mecanismo sira acontece iha passado, loos hanessian Sr. Deputado Aniceto hato'o ona, ita hotu iha referência ida-ne'e. Iha situação ne'ebé la iha objeção ba processo ne'e mak ita hakat liu, mas se iha objeção tanba ne'e mak agora ne'e acontece objeção ba mecanismo ida-ne'e, e tanba ne'e mak ita halo discussão.

Ha'u hussu de'it, Sr. Deputado sira bele fó solução ida ba ne'e. Se ita bá ona ida-ne'e, ita bá votação, la iha ona solução seluk, insiste ita tem que bá votação. Kaer ba precedência ne'ebé iha kotuk, maski dalaruma mós la loos tanba iha tempo ne'ebá la iha objeção hussi parte ruma, ne'e maka situação ne'ebé ita la'o hela to'o agora.

Ohin iha pedido ida sobre explicação técnica e jurídica hussi técnico sira DIPLIN hussi Deputada Carmelita, se la iha objeção ha'u bele hussu técnico sira halo explicação, mas ne'e la iha dalan, ita hatene ida-ne'e, la iha prática ida-ne'e iha-ne'e, iha comissão bele, mas iha Plenária la iha ida-ne'e, ha'u hatene ida-ne'e e ha'u sei la autoriza ida-ne'e.

Sr. Deputado sira hotu, situação ne'e la iha solução, ita tama ona ba iha discussão ba candidatura ne'ebé tama ona. La iha solução ba ne'e, la iha consenso ida, la iha entendimento ida, para depois bele fó mai Mesa solução ida claro, e discussão começa ohin to'o agora. Ita tama ona ba iha verificação e confirmação de candidatos e sira tuirmai.

De acordo ho intervenção sira ne'ebé bancada sira hato'o, ita to'o ona ba iha nível ida-ne'e, tanba la iha concordância, qualquer opção seluk, 24 h ou horas saida-saida de'it.

Ohin ha'u temi tan 8h00, 9h00, 10h00 mós nafatin la iha, hotu-hotu koko atu la kaer ida-ne'e, la'ós hotu-hotu, desculpa, mas bancada sira ne'ebé hussu atu estende.

Sr. Deputado sira hotu, concorda ona ho ida-ne'e ita tama ona ba iha processo atu finaliza agenda ohin nian ba eleição.

Sr. Deputado sira hotu, discussão la iha rohan, la fó solução ida, ita continua de'it ona agenda ne'e to'o eleição e to'o encerramento.

Sr. Deputado sira, bancada sira hotu iha-ne'e, ha'u haree iha mesa balu iha hela, Sr. Deputado sira balu iha karik, la iha deliberação ruma ba opção ne'e, iha de'it mak maioria bancada concorda ho opção primeira atu tama imediatamente ba candidatura. Iha de'it mak realidade ida-ne'e. Sr. Deputado sira hotu, iha de'it mak realidade ida-ne'e katak bancada maioria hakarak tama kedas ona ba agenda ba eleição nian, verificação até eleição.

Sr. Deputado sira hotu, ita tama ba ne'e ona.

Ponto de ordem: Sr. Deputado Rigoberto. Halo favor.

Sr. Jacinto Rigoberto Gomes de Deus (CNRT): — Sr. Presidente, ohin iha opção 01h00, 10h00, depois Ita-Boot foti decisão ba klaran, 9h00, e iha-ne'e la iha comentário barak ba horas ne'ebé Ita-Boot foti ba 9h00, agora dehan continua fali ona, ne'ebe ida-ne'e ami confuso uitoan. Ne'e duni, hussi CNRT ami propõe para se bele mantém nafatin decisão ne'ebé Ita-Boot foti ba 9h00 e 10h00 nian.

Obrigado.

Sr. Presidente Cessante: — Sr. Deputado sira, ha'u hein hela situação ida-ne'e. Ohin ha'u soe dehan horas ida-ne'e, horas ida-ne'e, maibé la iha intervenção ida mak hatete katak ida-ne'ebé.

Sr. Joaquim dos Santos (FRETILIN): — Tem que delibera!

Sr. Presidente Cessante: — Sr. Deputado sira hotu, agora 7h30, e 9h00 ita tama ba ne'e, 9h00! 09h00, Sr. Deputado sira, ita tama ba agenda ne'e, ne'e decisão ne'ebé tem que halo ona tanba selae ita halimar demais ona.

Ita usa tempo máximo possível atu buka consenso ida, regras iha duni, Regimento iha duni, mas tem que halo solução ba assunto ida-ne'e, e 9h00 ita mai ho agenda ida-ne'e.

Horas ida comprometido hussi discussão naruk ba 24 h to'o sira-ne'e hotu ha'u foti ida 9h00 ne'e.

Sr. Deputado sira, concorda ida-ne'e? Iha 9h00 ita mai tama kedas ba assunto ida-ne'e ona.

Sr. Deputado sira, concorda ho ida-ne'e, 09h00? Falta horas ida ho balun.

Sr. Deputado David Ximenes iha ponto de ordem. Halo favor.

Sr. **David Dias Ximenes** (FRETILIN): — Ohin kedas ha'u hussu, mas nunca haree.

Ami-nia proposta, iha nação democrática quando iha diferença hanessian ne'e, delibera! Tan saida mak ita hanessian joga fali malu iha-ne'e?

Foin daudauk Ita-Boot dehan atu halo, depois Sr. Rigoberto tama, Ita-Boot decide fali kedas oin seluk, tan saida? Ne'e labele! Delibera kedas! Tan saida mak labele delibera? Ne'e *perbedaan* ou diferença ne'e é normal, normal! Ita lalika ba fali hirus malu tan buat ruma. Ita mak sei hamutuk iha-ne'e, foti de'it cartão ne'e todan ka? La todan ida. Hakarak foti hotu tolu ne'e dala ida.

Hamnassa hussi Deputado sira.

Ne'e todan buat saida be Ita-Boot sira ta'uk kedas hanessian ne'e?! Lalika ta'uk ida. Funu karik imi la ta'uk, agora ida-ne'e imi ta'uk ona. Sá ta'uk ida mak hanessian ne'e. Vá em frente, homem!

Sr. **Presidente Cessante**: — Sr. Deputado sira hotu, 9h00, falta horas ida ho balun, falta horas ida ho balun, Sr. Deputado sira. Lista hakerek hela iha-ne'e barak loos, Sr. Deputado sira, ha'u hussu se bele to'o ida-ne'e ona, 09h00 ita mai.

Mossu tan protesto hussi bancada tolu:FRETILIN, PD no KHUNTO.

Ohin, dehan katak Presidente bele delibera, bele decide ona ne'e mak ha'u foti dalan klaran ne'e, favor ida. Ne'e mak ha'u dehan katak 9h00 ita tama ona ba agenda ne'e atu halo eleição, Sr. Deputado sira.

Lista barak hela ba pedido ba intervenção, lae ita la hotu. Ne'ebé, ita tama ona ba ne'e, hela horas ida ho balun, 09h00 ita tama ona ba eleição ne'e. La iha ona objeção ba medidas ida-ne'e.

Sr. Deputado Adriano do Nascimento, halo favor.

Sr. **Adriano do Nascimento** (PD): — Presidente, ami la aceita ho Ita-Boot nia decisão tanba ne'e mak fó fali mai ami para vota, para Plenária mak decide.

Agora, Presidente rona ida-idak depois Presidente mak decide, ami la aceita ne'e. Ne'ebe, di'ak liu hanessian ne'e: ita ohin ne'e *break* atu lobi, lobi para hetan consenso, consenso la iha ona, mecanismo seluk mak votação.

Agora, Sr. Presidente mak oferece mai de'it halo ami *yes*, não! Ne'ebe, se diferente ona, mai ona Plenária, Plenária mak decide, labele Presidente. Bancada tolu la aceita, Bancada rua seluk, Presidente messak tan, problema liután. Ne'ebe, di'ak liu haruka mai Plenária, Plenária decide, vota, para ida-ne'e, lae.

Sr. **Presidente Cessante**: — Sr. Deputado, discussão ba ida-ne'e naruk tiha ona, tan ne'e mak ha'u foti dalan klaran ne'e, 09h00, e fó tempo ba técnico sira prepara hotu, ita mai halo votação.

Atu votação ne'e la iha dalan, Sr. Deputado sira hotu. Votação ba deliberação ne'e la iha dalan e ha'u mós la barani atu comete ida-ne'e. Regimento! Ha'u la barani comete ida-ne'e, tan ne'e mak ha'u hussu 09h00 ne'e, Sr. Deputado sira hotu. Falta horas ida ho balun.

Sr. Deputado sira hotu, la iha objeção ba ida-ne'e, ha'u-nia decisão mak ida-ne'e, 09h00, e fó tempo ba técnico sira prepara hotu, ita mai tama diretamente ba verificação lista sira hotu e ita tama ba votação.

Atu fó tempo ba intervenção ne'e barak hela, Sr. Deputado sira hotu, la hotu, la iha solução, ha'u fó ona dalan klaran 09h00.

Encerra, Sr. Deputado sira hotu, ita intervalo. 09h00 iha-ne'e atu ita continua ba votação. Loos ona, resolve ba ida pedido 24 h ne'e la iha ona, to'o 01h00 madrugada la iha ona, mak 09h00.

Nune'e, Sr. Deputado sira hotu, intervalo, 9h00 ita continua ho votação ba lista candidato sira.

Obrigado barak ba paciência, obrigado barak ba compreensão, ba medidas ne'ebé ha'u gere Plenária ida-ne'e.

Intervalo iha tuku 7 liu minuto 36 kalan no retoma fali sessão plenária ne'e iha tuku 9 liu minuto 34 kalan no Presidente Cessante mak continua preside.

Excelências, distinta no distinto Deputado sira hotu, boa noite.

Ita continua ita-nia sessão ho agenda ne'ebé acerta ona ba sessão última, apresentação de candidatura ne'ebé ohin apresenta ona lista rua: verificação ho confirmação das candidaturas hussi DIPLÉN hotu ona.

Agora, ita tama ba fase votação para eleição do Presidente do Parlamento Nacional, DIPLÉN sira prepara hela modelo boletim de voto de acordo ho lista ne'ebé apresenta ba candidatura ba cargo Presidente do Parlamento Nacional: Deputado Aniceto Guterres e Deputado Adérito Hugo da Costa.

Tuir sequência apresentação iha boletim de voto, candidatura Dr. Aniceto Longuinhos Guterres Lopes iha primeira coluna, candidato Dr. Adérito Hugo da Costa iha segunda coluna. Karik cópia iha Sr. Deputado sira-nia liman karik? La iha.

Modelo boletim de voto mak ida-ne'e.

Sr. Presidente cessante hatudu exemplar hussi boletim de voto ba Deputado sira.

Dala ida tan, coluna primeira ida iha leten ne'e candidato Dr. Aniceto Longuinhos Guterres Lopes

e coluna segunda iha kraik mak Adérito Hugo da Costa.

Iha observação ruma, Sr. Deputado sira, antes ita tama ba processo votação?

Técnico sira prepara hela urna iha oin. Técnico sira, halo favor.

Ponto de ordem: Sr. Deputado Joaquim dos Santos.

Sr. Joaquim dos Santos (FRETILIN): — Sr. Presidente, hussu esclarecimento de'it, iha boletim de voto iha coluna ne'e iha número ka lae? Número 1 e 2. Depois *box* de visto iha ka lae?

Obrigado.

Sr. Presidente Cessante: — Saida mak iha, DIPLIN prepara naran ho coluna mamuk atu risca ou tuu ou tau X. La tau número. Ne'e mak modelo ne'ebé DIPLIN prepara.

Ponto de ordem: Sr.^a Ilda Maria da Conceição. Halo favor

Sr.^a Ilda Maria da Conceição (FRETILIN):— Obrigada, Sr. Presidente.

Boa noite ba ita hotu.

Sr. Presidente, ami atu hussu de'it tanba lista de candidaturas ne'ebé tama ami tem que hatene mós tanba tuir guião ne'ebé iha, apoiantes é no mínimo 10 e máximo 20, tem que fó sai ida-ne'e para ami mós hatene, tama duni iha requisito sira atu ita vota ka lae? Ne'ebe, ami precisa informação sira-ne'e, Sr. Presidente.

Obrigada.

Sr. Presidente Cessante: — Sr. Deputado sira hotu, ba completa molok to'o processo halo votação nian, ha'u hussu Sr.^a Secretária da Mesa atu halo leitura ba proposta candidato ne'ebé apresenta hussi Bancada ou hussi Deputado sira hotu.

Sr.^a Secretária da Mesa, halo favor.

Sr.^a Secretária da Mesa em Exercício (Maria Fernanda Lay): — Muito obrigada, Sr. Presidente. Excelências, Sr.^{as} e Srs. Deputados no assistente tomak, muito boa noite.

«A Sua Excelência Sr. Presidente do Parlamento Nacional,
Adérito Hugo da Costa.

Apresentação de Candidatura ao Cargo de Presidente do Parlamento Nacional
Excelência,

Nos termos do n.º 1 do artigo 16.º do Regimento do Parlamento Nacional, os Deputados abaixo subscritos apresentam a candidatura do Sr. Deputado Adérito Hugo da Costa ao cargo de Presidente

do Parlamento Nacional.

Os Deputados Proponentes: Natalino dos Santos Nascimento, Merício Juvenal dos Reis, Rosalina Ximenes, Abel Pires da Silva, Demétrio de Amaral de Carvalho, Carmelita Caetano Moniz, Patrocínio dos Reis, Ricardo Baptista, Virgínia Ana Belo, Albina M. Freitas, Maria Fernanda Lay, Eduardo de Deus Barreto «Du-Sae», Duarte Nunes, Maria Terezinha Viegas, Virgílio Pereira, Leandro Lobato, Brígida A. Correia, Júlio Tomás Pinto, Francisco da Costa Guterres e Jacinto Rigoberto.».

«Sua Excelência Sr. Presidente do Parlamento Nacional,

Dr. Adérito Hugo da Costa.

Assunto: Apresentação de candidato para o cargo de Presidente do Parlamento Nacional, período 2017-2022.

Ao abrigo da alínea (1) do artigo 15.º e 16.º do Regimento do Parlamento Nacional n.º 1/2016, de 11 de maio, os Deputados abaixo-assinados apresentam o candidato Deputado Aniceto Longuinhas Guterres Lopes para o cargo de Presidente do Parlamento Nacional, período 2017-2022.

Sem mais outro assunto de momento, aceite Vossa Excelência os nossos melhores cumprimentos.

Díli, 5 de setembro de 2017.

Os Deputados Proponentes: Mari Bin Amude Alkatiri, Francisco Kalbuady Lay, Mariano Assanami Sabino, António da Conceição, Armanda Berta dos Santos, José Agostinho da Silva, Estanislau da Conceição Aleixo Maria da Silva, Francisco Miranda Branco, Fausto Freitas da Silva, António dos Santos, Silvino Adolfo Morais, David «Mandati» A. Ximenes, Ilda Maria da Conceição, Florentina da Conceição Pereira Martins Smith, Angélica da Costa, Dário Madeira, Domingos S. C. Ribeiro, Gabriela Alvares, Cidália Mesquita Ximenes e Antoninho Bianco.».

Sr. Presidente Cessante: — Obrigado, Sr.^a Secretária da Mesa.

Sr. Deputado sira hotu, atu confirma de'it katak lista proponente ba Sr. Deputado Aniceto Longuinhas Guterres Lopes nian preenche número máximo proponente 20. Sr. Deputado Adérito Hugo da Costa mós hanessan, preenche requisito máximo 20 proponentes.

Sr. Deputado sira, ne'e mak confirmação ba requisito sira hussi candidato ne'ebé apresenta, sira foti número máximo hussi Regimento hatete, mínimo apresenta 10 e máximo 20.

Iha observação ruma, Sr. Deputado sira? La iha ona? Dala ida tan, modelo boletim de voto mak ne'e.

Sr. Presidente cessante foti no hatudu boletim de voto ne'e ba Deputado sira hotu.

Ne'ebe, orsida Secretária da Mesa sei lê, bolu naran Sr. Deputado sira nian, no foti formulário iha técnico sira iha mesa para depois bá vota.

Sr. Deputado Arão Noé: ponto de ordem. Halo favor.

Sr. Arão Noé de Jesus Amaral (CNRT): — Obrigado, Sr. Presidente.

Boa noite, Sr. Presidente, hussu atu Sr. Presidente bele explica uitoan kona-ba oinsá maneira atu fó votação atu nune'e hotu-hotu bele entende, bá labele vota sala.

Ha'u hanoin ida-ne'e de'it mak ha'u hussu informação.

Obrigado.

Sr. Presidente Cessante: — Obrigado, Sr. Deputado.

Srs. Deputado sira hotu, dala ida tan boletim de voto mak ne'e.

Sr. Presidente foti boletim de votos ne'e no hatudu ba Deputado sira hodi explica maneira oinsá atu vota.

Iha ida leten la tau número, tau de'it candidato Dr. Aniceto Longuinhos Guterres iha kedas leten, depois candidato Adérito Hugo da Costa iha kraik. Atu vota karik tau X iha coluna ida-ne'ebé Sr. Deputado sira prefere, visto mós hanessan de'it, X mós di'ak, visto ne'e iha de'it sinal ida para hatete katak ita vota ba sé.

Precisa tan clarificação ruma, Sr. Deputado sira hotu? Se la vota, halo mamuk de'it, nulo. Se vota sala, la vale. Se tuu rua hotu mós la vale.

Loos ona, Sr. Deputado sira, iha observação ruma?

Técnico sira iha-ne'e sei loke urna ne'e antes de votação, para verifica caixa ne'e mamuk, ba Excelência sira hotu bele haree.

Técnico hussi DIPLEN loke urna no hatudu ba Deputado sira.

Ponto de ordem: Sr.^a Deputada Ilda Maria da Conceição.

Sr.^a Ilda Maria da Conceição (FRETILIN): — Obrigado, Sr. Presidente.

Sr. Presidente tanba kalan ona, dalaruma ami bele haree sala, se vota sala oinsá? Ida-ne'e mós tem que explica.

Obrigada.

Sr. **Presidente Cessante**: — Obrigado, Sr.^a Deputada.

Sr. Deputado sira, ida-ne'e importante tanba eleição liubá, votos nulos ne'e 11 mil.

Hamnassa hussi Deputado sira.

Ne'ebe, ha'u hanoin katak educação votantes ne'e importante ba tinan lima mai karik, tanba votos nulos iha eleição liubá ne'e 11 mil e tal. La hatene tanba saida. Sira la hatene lê ou la hatene saida, mas situação hanessan ne'e realidade.

Sr. Presidente foti boletim de voto no hatudu ba Deputado sira hodi explica.

Ida leten ne'e Deputado Aniceto, ida kraik ne'e Deputado Hugo. La tau fotografia, iha laran iha de'it naran tebetebes. Se hakarak hussu ami na'in-rua hamriik hotu iha oin, bele.

Sr. Deputado sira hotu mak ne'e ona, ita hahú processo votação. Hotu-hotu bele entende ona modelo boletim de voto.

Ho nune'e, ha'u hussu Sr.^a Secretária da Mesa atu halo leitura ba naran Sr. Deputado sira nian. Halo favor.

Sr.^a Secretária da Mesa em exercício (Maria Fernanda Lay) halo chamada ba Deputado ida-idak nia naran hodi bá hala'o votação liuhossi escrutínio secreto.

Sr. **Presidente Cessante**: — Sr. Deputado sira hotu, confirmado 65 Deputados presentes participa iha votação.

Para processo tuirmai, ha'u convida testemunha ida hussi Bancada PLP ho testemunha ida hussi Bancada FRETILIN atu mai acompanha processo contagem. Hussi Bancada FRETILIN, karik Sr.^a Deputada Angélica da Costa, e hussi Bancada PLP, Sr.^a Deputada Signi Verdial.

Técnico sira, halo favor!

Técnico sira hussi DIPLIN halo contagem de votos ba eleição liuhossi escrutínio secreto ne'ebé realiza ona no bainhira finaliza hetan aplauso hussi Deputado sira no assistente tomak.

Sr. **Presidente Cessante**: — Sr. Deputado sira hotu, assistência tomak, hanessan ohin ha'u dehan tiha ona, 65 Deputados presentes participa hotu eleição, ho ninia resultado:

Sr. Deputado Aniceto Louquinhos Guterres Lopes ho 33 votos, Sr. Deputado Adérito Hugo da Costa ho 32 votos, votos em branco zero, votos nulos zero, total boletim de voto 65. Ho nune'e,

Parlamento Nacional, IV Legislatura, elege ona Presidente do Parlamento Nacional ba IV Legislatura nian, Sr. Deputado Dr. Aniceto Louquinhos Guterres Lopes.

Bassa lima geral hussi Deputado sira no assistente tomak.

Sr. Deputado sira hotu, ho resultado ne'ebé fó vitória ba Sr. Deputado Dr. Aniceto Louquinhos Guterres, ha'u convida Sr. Presidente do Parlamento Nacional, Dr. Aniceto Guterres atu mai hola fatin.

Sr. Deputado ho assistente sira bassa liman no Sr. Presidente eleito, Aniceto Longuinhos Guterres Lopes hakat sa'e ba Mesa Plenário nian hodi cumprimenta malu ho Sr. Presidente cessante, Adérito Hugo da Costa.

Sr. **Presidente Eleito** (Aniceto Louquinhos Guterres Lopes): — Srs. Deputados e Sr.^{as} Deputadas, tuir guião ita passa ba discurso do Presidente eleito. Nune'e, ha'u sei halo ha'u-nia discurso iha fatin ne'ebá.

Sr. Presidente ko'alia hodi hatudu ba pódio iha nia sorin kuanan.

Fila fali mai, ita la'o tuir nafatin guião.

Sr. **Mari Bin Amude Alkatiri** (FRETILIN): — Sr. Presidente, desculpe, não vamos cantar o hino primeiro?

Sr. **Presidente**: — Sr. Deputado, só para encerrar.

Sr. **Mari Bin Amude Alkatiri** (FRETILIN): — Só para encerrar.

Sr. **Presidente**: Sr. Deputados e Sr.^{as} Deputadas e Povo Timor-Leste tomak.

Excelências,

Sábio conselho ida hussi líder boot Churchill, hatete: «*De improviso, não convém dizer senão "bom dia"*». Tanba receio ba emoções, ha'u prefere tuir conselho ida-ne'e, hodi prepara kedas ona antes ha'u-nia discurso, maski seidauk iha certeza atu sai eleito ba cargo Presidente do Parlamento Nacional.

Ha'u hakarak hahú hodi agradece, ho emoção tomak, ba confiança ne'ebé hatudu mai ha'u, liuhossi votação secreta, atu exerce função nu'udar Presidente do Parlamento Nacional, titular hussi segundo órgão de soberania iha ita-nia Rain.

Ha'u tenta atu compreende kona-ba significado hussi confiança ida-ne'e, nune'e, ha'u interpreta confiança ida-ne'e significa responsabilidade, dala ida tan, responsabilidade, mai ha'u próprio, no ba ha'u-nia geração, ka geração foun.

Ha'u sei kaer metin responsabilidade ida-ne'e. Loos duni, ha'u Deputado ida hussi Partido FRETILIN, partido ne'ebé ha'u hadomi no ha'u sei hakohak metin. Biar nune'e, ha'u promete atu sai duni Presidente ba Parlamento tomak, la'ós presidente ba bancada ka grupo parlamentar ruma, muito menos ba coligação ruma, iha Uma-Fukun ida-ne'e. Ne'e duni, ha'u sei hala'o ho digno mandato ne'ebé ha'u simu, tuir Constituição da República no Regimento Parlamento Nacional nian, no ho independência perante bancada parlamentar hotu-hotu.

Parlamento Nacional, hussi ninia natureza própria, mak nu'udar órgão de soberania representativo cidadão tomak Timor-Leste nian, feto ka mane, hela iha território nacional ka espalhado iha rai-li'ur, sira hotu ne'ebé sai hanessan ita-nia orgulho.

Antes assume responsabilidade todan iha presidência hussi Uma-Fukun ida-ne'e nian, uluknanain ha'u hato'o ho haraik an tebes ha'u-nia saudação ba Povo Timor-Leste tomak, ne'ebé hili ona Deputada no Deputado sira atu exerce mandato ida-ne'e, liuhossi eleição livre ho sira ida-idak nia livre opção, nu'udar compromisso ida ba sira atu hala'o ha'u-nia knaar ho dedicação, no ho cuidado ba interesse nacional, no atu serviço barak liu ba povo nia hakarak.

La haluha atu hato'o mós saudação especial tebes ba Partido FRETILIN nu'udar partido mais votado iha eleição legislativa 2017, ho nia liderança no estrutura nacionais no sub-nacionais, quadros, militantes no simpatizantes sira hotu ne'ebé hatudu duni sira-nia colaboração no participação ativa hodi halo sucesso eleição ida-ne'e.

Imi hotu nia matenek no maturidade constitui orgulho boot povo no nação Timor-Leste nian iha mundo.

Ha'u-nia saudação ba Ita-Boot sira, Sr.^{as} Deputadas e Srs. Deputados, titulares legítimos mandato democrático ne'ebé exprime liberdade nação Timor, e tanba ne'e hetan consideração boot tebes, ne'e duni ha'u-nia homenagem pessoal ba Ita-Boot sira. Ha'u hakarak serbissu hamutuk ho membro Parlamento sira, ho maneira hanessan ba hotu-hotu, ho transparência, no ho cordialidade.

La haluha atu saúda ha'u-nia ilustre antecessor sira iha fatin aas Presidência Parlamento ida-ne'e nian, hahú kedas hussi Presidente Francisco Guterres «Lú-Olo», ne'ebé anteriormente hanessan Presidente Assembleia Constituinte, Saudoso Presidente Fernando «La-Sama», Presidente Vicente Guterres no Adérito Hugo da Costa. Sira hotu, ho sira-nia personalidade forte nu'udar ema, intelectual no político, marca ona duni função ne'ebé sei labele haluha tan, nune'e haboot liután sira-nia prestígio

iha âmbito nacional no internacional. Ha'u sei fó honra nafatin ba buat hotu ne'ebé di'ak, ne'ebé sira hussik hela nu'udar herança murak ba Legislatura ne'e, no ba futuro.

Ha'u hakarak cumprimenta funcionário hotu hussi Secretariado-Geral Parlamento nian no funcionário sira hussi bancadas parlamentares, iha categoria ka escalão no qualificação oioin. Ha'u aprecia tebes imi hotu nia competência no dedicação, ha'u hein imi hotu nia entusiasmo foun ba superação profissional constante halo tuir padrão ne'ebé loloos no di'ak liu.

Ha'u cumprimenta mós representante sira hussi órgão comunicação social: jornal, rádio, televisão, nune'e mós fotógrafo no operador câmara sira hotu. Imi-nia knaar jornalística iha nia significação ida kle'an tebes ba informação no opinião pública, ho liberdade no responsabilidade, kona-ba serbissu Parlamento nian. Ha'u sei assegura disponibilidade no abertura ba imi, ba buat hotu ne'ebé ha'u bele, tuir kbiit ka poder ne'ebé ha'u iha.

Hanessan iha lian português hatete «*os últimos são os primeiros*», nune'e ha'u-nia saudação ikus dirige ba Sr. Presidente da República, Sr. Primeiro-Ministro ho nia membro do Governo sira hotu, Tribunais ho ida-idak nia Magistratura, Administração Pública tomak, FALINTIL-Força de Defesa de Timor-Leste, Polícia Nacional de Timor-Leste, Universidade sira, Igreja Católica no confissão religiosa sira seluk, no instituição sira seluk tan iha sociedade timorense. Ho entidade sira-ne'e hotu, lori Parlamento Nacional nia naran ha'u hakarak mantém diálogo no cooperação. Nune'e mós ho órgão soberania sira ne'ebé temi ona, ha'u promete ha'u-nia respeito no solidariedade.

Sr.^{as} Deputadas e Srs. Deputados,

Excelências,

Ita hotu iha-ne'e, tuir natureza nu'udar Deputado, katak ita representa Povo Timor-Leste, povo ida-ne'ebé aspira no merece duni atu hetan moris di'ak.

Durante legislatura tolu, liuhossi I Governo to'o VI Governo, Estado halo ona esforço tomak atu alcança povo nia mehi ida-ne'e duni, maibé ita-nia Rain sei nafatin hassoru problema kiak no munit, exclusão social, falta de emprego, dependência ba importações, no problema seluk-seluk tan.

Portanto, exige Estado ida-ne'e atu halo barak liu no di'ak liután. Estado tem que lori desenvolvimento barak liután, atubele alcança dalan ba progresso no solidariedade nian, atu supera kiak no munit, no projeta Timor-Leste iha mundo moderno. Maibé atu hetan resultado di'ak, Estado labele serbissu messak, precisa participação no parceria hussi parte hotu-hotu atu hatán ba desafio ne'e... Iha âmbito ida-ne'e, Parlamento Nacional, nu'udar órgão Estado, no órgão representativo povo tomak nian, tem que assume ninia papel importante ida atu oinsá hamutuk ho Governo harii parceria boot ida atu hassoru desafio boot iha ita-nia oin.

Cabe ba ita hotu atu mobiliza no organiza forças vivas iha sociedade nia laran, Estado, Igreja Católica, confissão religiosa sira seluk, sociedade civil, no cidadão sira hotu, atu fó liman ba malu,

hadi'a ita-nia sistema educação, sistema saúde, hadi'a ita-nia economia no haburas desenvolvimento iha setor hotu-hotu.

La iha dúvida katak atu hassoru desafio hirak-ne'e, no atu fó esperança ba povo, Timor-Leste precisa liu Governo ida ne'ebé forte no governação ida estável.

Precisa Governo ida ne'ebé iha capacidade atu halo sassán ho calma, nune'e bele halo di'ak liu, no iha capacidade atu dialoga ninia política no programa mai iha Parlamento Nacional no ba parceiro social sira.

Precisa Governo ida ne'ebé halo Timor-Leste iha lian forte no afirmativa iha instituições internacionais, hodi hatán ba desafio sira kona-ba definição fronteiras no afirmação kona-ba soberania Estado nian.

Governo sei sai forte bainhira hetan apoio hossi Parlamento ida ne'ebé forte, katak Parlamento ida ne'ebé sólido no bele coopera ho Governo, Parlamento ida-ne'ebé iha capacidade atu hametin Governo liuhossi fiscalização política ho rigor, no halo lei sira ho qualidade. Governação sei la'o di'ak no estável bainhira iha duni garantia estabilidade governativa hussi Parlamento Nacional. Ne'e maka lógica, tuir sistema semipresidencialista ne'ebé hatuur ona iha Constituição da República.

Sr.^{as} e Srs. Deputados,

Iha tinan lima foin liu daudaun ne'e, ho política entendimento kle'an entre partido político sira ne'ebé hetan representação iha Parlamento Nacional, Timor-Leste nia situação política hetan melhoria boot, hodi reforça paz no estabilidade, ne'ebé harii ona condição importante atu hahú dalan ba desenvolvimento nacional. Ne'e hotu acontece tanba base apoio parlamentar ba V no VI Governo Constitucional metin duni, no tanba postura política foun ne'ebé FRETILIN hahú.

Ne'e duni, Legislatura ne'ebé foin liu daudaun ne'e hussik hela mai ita cultura política ida furak tebes, ne'ebé hamutuk buka consenso nacional liuhossi diálogo no comunicação entre partido político sira. Bancada Parlamentar sira hossi oposição ho Bancada sira hussi Governo nian consegue hetan entendimento no acordo incidência parlamentar, no mós garante estabilidade governativa durante período ne'e.

Agora, cabe ba IV Legislatura ne'e atu oinsá assegura continuidade política ida-ne'e, ne'ebé sei relevante duni enquanto ita iha período ida decisivo tebes, ne'ebé exige ita hotu nia contribuição atu consolida Estado de Direito Democrático, atu hametin transição geracional no atu harii políticas nacionais estruturantes ba ita-nia Rain.

Nune'e, ha'u-nia apelo ba distinto Deputado sira, biar ita ida-idak hussi partido ketak-ketak, mai ita tau hamutuk ita-nia hanoin, ka ita-nia matenek hodi buka solução ba problemas nacionais, atu nune'e ita hamutuk ultrapassa problema hirak-ne'e, no hamutuk ita aproveita oportunidade próxima década nian.

Nu'udar Presidente do Parlamento Nacional, ha'u promete atu promove diálogo permanente atu buka entendimento kle'an, no hetan consenso no máximo possível entre partido político sira, sem hamate sentido crítico Deputado ida-idak nian. Ha'u sei halo buat hotu atu Uma-Fukun povo nian ida-ne'e sai nu'udar fatin ba concertação de ideias no políticas oioin, iha nia ação legislativa, sobretudo ba questões estruturantes no assuntos interesse nacional nian.

Sr.^{as} Deputadas e Srs. Deputados, Excelências,

Permite ha'u atu hatete claro ohin kedas katak ha'u mai la'ós, simplesmente, atu ocupa de'it cargo ida, maibé ha'u lori mós agenda balu ba Parlamento ne'e atu cumpre iha ha'u-nia presidência, ne'ebé resumidamente ha'u fó sai, mak atu promove melhoria qualidade serviço Parlamento iha nia knaar legislação no iha fiscalização.

Ha'u hatete sai agenda ne'e ho cuidado no haraik an tebes, tanba ne'e la'ós ema ida de'it, nem sequer Presidente do Parlamento messamessak bele hala'o ida-ne'e. Agenda ne'e exige compromisso no empenho hotu-hotu nian. Presidente do Parlamento Nacional sei sai de'it hanessan dinamizador ida.

Ha'u prefere aponta ba objetivos limitados no realistas do que sai de'it hanessan discurso furak, tanba reforma iha Parlamento no reforma ba próprio sistema político, reforma hirak ne'ebé certamente prioritária duni iha Legislatura ida-ne'e, maibé buat sira-ne'e hotu sei la'o ho iniciativa hossi partido político sira iha-ne'e.

Ha'u hakarak hatete katak reforma hirak-ne'e importante tebes, tanba ohin loron iha ita-nia sociedade, cidadão sira-nia confiança menos ba beibeik ba ita-nia política no ba ita-nia instituições democráticas, no nia responsável sira. Ho reforma ne'e mak ita hakarak inverte tendência ida-ne'e, nune'e mós melhora qualidade ita-nia democracia.

Atu halo melhoria qualidade serviço nian, ha'u aponta kedas ba serviço elaboração lei nian nu'udar prerrogativa aas liu Parlamento nian. Ha'u hanoin, ita-nia Rain iha ona lei barak tebes, maibé lei sira-ne'e balu até ita bele dehan demasiado ka desnecessário, no lei balu mós desatualizado. Nune'e ita precisa halo harmonização, no revogação ba lei hirak-ne'ebé la vale ona, no halo simplificação ba lei sira ne'ebé nia conteúdo complexo liu. Precisa promove mós codificação legislativa atu halakon legislação dispersa.

Maibé, atu hadi'a qualidade legislação, iniciativas legislativas hotu hossi Parlamento ka hussi Governo tem que iha uluk estudo profundo, atu nune'e bele garante conteúdo no justificação ida loloos ba alteração ne'ebé ita hakarak. Iha âmbito ida-ne'e, importante tebes Parlamento Nacional tuur hamutuk ho Governo atu haree mecanismo de planeamento no coordenação atividade legislativa, liuliu atu define prioridade legislativa no calendarização atividade elaboração lei iha próprio Parlamento nian.

Hossi parte acompanhamento no fiscalização ba atividade Governo no administração nian, ita bele introduz novidade balu. Ha'u hanoin ita tem que halo, urgentemente, revisão ba Regimento, ne'ebé aponta ba necessidade atu halo Parlamento Nacional sai centro ba debate político no debate público.

Di'ak tebes wainhira membro Governo sira participa iha reunião sira iha Parlamento. Primeiro-Ministro no Ministro sira tuir loloos mai, regularmente, iha Parlamento atu hatán ba pergunta oioin. Ha'u sei hussu ba Primeiro-Ministro foun, wainhira atu halo anúncio ruma kona-ba medidas políticas ba execução programa Governo, ka atu hatán ba problemas da atualidade, bele mai hato'o perante Parlamento iha sessão plenária, ka iha reunião comissões especializadas relevantes nian. Ne'e hotu, hanessan forma atu estimula no atu garante qualidade ação governativa.

Hussi comissões especializadas, ha'u hakarak exige barak liu. Iha Parlamento ne'ebé de'it, serbissu comissão especializada sira fundamental tebes. Tanba ne'e, tem que iha meios, materiais, sobretudo recursos humanos suficientes, nune'e comissão sira iha condição atu serviço no ikusmai bele hetan resultado ho qualidade.

Ha'u sei estimula iniciativa comissão especializada hotu atu acompanha no lida ho problema oioin ne'ebé ita-nia Rain atravessa em cada altura, em vez de limita an iha atitude passiva, ka tuur hein iha *Kobe house* sira iha Parlamento laran hodi aprecia de'it diplomas legislativos. Ha'u deseja ba Parlamento ne'e, liuliu comissão especializada sira, atu assume papel ida ativo liu perante sociedade timorense, hodi hatudu loloos katak mandato ne'ebé Deputada no Deputado sira hetan iha eleição parlamentar iha duni valor ka iha utilidade.

Ita intende, portanto, Parlamento mós tem que loke an liután ba contacto ho entidades sociais no contacto ho cidadão no cidadã sira, em vez de sulan an iha Uma-Fukun laran, ou em vez de halo viagem estudos comparativos ba rai-li'ur durante recesso.

Odamatan Parlamento tem que hussik nakloke ba cidadão sira hato'o petição, ba organização não-governamental, Igreja Católica ka confissão religiosa sira, partidos políticos sem assento parlamentar, no ba ema ruma ne'ebé hakarak fô nia contributo valioso mai ita, iha ita-nia exercício competências constitucionais.

Deputado sira tem que tun ba iha ida-idak nia fatin, hassoru cidadão sira iha base, hodi fó fiar kona-ba interesse Parlamento no nia progresso, no atu haree no sente rassik problemas no dificuldades oioin iha sociedade timorense.

Ha'u encoraja Deputada no Deputado sira, mai ita intensifica visitas fiscalização iha rai-laran, no visita contacto ho eleitores iha fim de semana, nune'e mós contacto ho eleitores iha período recesso.

Sr.^{as} Deputadas e Srs. Deputados,

Tempo ohin loron, hanessan ita hotu hatene, buat ida imagem ne'e importante tebes. Ita hotu mak sei halo imagem Parlamento ida-ne'e. Tanba ne'e, imagem Parlamento mak imagem ne'ebé ita hotu hakarak. La iha dúvida katak ita hotu hakarak cidadão sira considera Parlamento Nacional mak

instituição ida ne'ebé Deputado no funcionário sira halo serviço loloos, serviço maka'as no ho qualidade, no serviço iha ambiente convivência plural no respeito mútuo iha serviço patriótico ba interesse Timor-Leste nian. Saida mak ita ida-idak, concretamente, hakarak halo iha sentido ne'e, ida-ne'e mak sei marca duni Legislatura ne'ebé ohin hahú daudaun.

Ita-nia serviço iha Parlamento sempre hetan cobertura hussi mídia, liuliu jornais no televisão, no dalaruma sessão plenária hetan transmissão direta hussi televisão. Ne'e di'ak atu forma imagem positiva Parlamento nian, no oferece informação ba ita-nia eleitores. Nune'e, saida mak ita ko'alia ka halo iha Parlamento ne'e, ou até ita la ko'alia ka la halo mós hetan observação, criticamente, hussi timoroan sira liuhossi emissão televisiva.

Desde início III Legislatura, nu'udar Chefe da Bancada FRETILIN ha'u exige beibeik ona, nune'e ohin daudaun ha'u hakarak introduz agenda ida ne'ebé precisa hetan apoio hussi colega Deputado sira kona-ba transmissão direta televisiva ba sessão plenária hotu no sessão importante balu comissão especializada sira. Liuhossi transmissão direta ne'e duni, ita hakarak povo ne'ebé hili ona ita acompanha diretamente Deputado ida-idak nia intervenção, nia atitude no comportamento, no ida-idak nia desempenho. Nune'e mós atu haklaken oinsá Parlamento hala'o nia knaar nu'udar legislador no fiscalizador ba atividade Governo nian. Maibé, ne'e precisa consistência Deputado hotu-hotu nian, selae transmissão direta bele sai fali contraproducente ba imagem Parlamento nian.

Tanba ne'e, ha'u apela ba hotu-hotu atu dedica nia colaboração, atu respeita rigorosamente pontualidade, atu cumpre regras kona-ba assiduidade, no regras kona-ba quórum de funcionamento no quórum de deliberação. Ha'u apela mós atu evita informalidade excessiva, tanba Parlamento ida certamente tem que iha solenidade própria, hanessan respeito ida ba mandato ne'ebé solenemente povo Timor-Leste fó mai ita ida-idak iha eleições livres.

Distintos Deputados e Deputadas, Excelências,

Ita hotu nia hakarak mak ne'e, katak Legislatura ne'ebé ohin ita hahú daudaun ne'e sai Legislatura ida diferente, melhor e mais bela ka furak liu hussi Legislatura tolu ne'ebé liu tiha ona. Ha'u hatene, mais de um terço hussi Deputados antigos hussi III Legislatura nian mak ohin duni hamutuk iha-ne'e hahú hikas sira-nia mandato foun. Biar sira antigo, maibé hafoin intenso contacto ho povo iha campanha eleitoral, sira fila mai nakonu ho energia, ho firme desejo atu fó satisfação ba aspiração no exigências mai hussi cidadão sira hotu iha território Timor-Leste.

Ita hotu, Deputada no Deputado sira, ne'ebé eleitos hussi nação atu fó an tomak iha serviço ida ho ressonância patriótica, serviço ne'ebé ninia peso no dignidade ita ida-idak tem que sente iha ita-nia kabaas, hussi loron ba loron, katak ita tem que serviço barak no sério liután atu serbí povo ne'ebé hili ona ita.

Desafio boot ida ne'ebé estimula duni ita, atu hala'o serviço ida todan iha ita-nia desempenho poderes constitucionais, mak ne'e: ema 583.956 (rihun atus lima ualunulu-ressin-tolu atus sia

limanulu-ressin-noon), feto no mane, ferik no katuas, jovem ka menos jovem, rico no kiak, iha território nacional no iha estrangeiro, sira hotu ne'ebé iha loron ruanulu-ressin-rua fulan julho liubá sai hussi sira-nia hela-fatin, no bá duni deposita boletim de voto iha urna sira, ho livre expressão, tuir sira ida-idak nia vontade, hodi fó conteúdo dala ida tan ba democracia, liberdade no soberania ita-nia comunidade nacional.

Tanba mandato ne'ebé expressa ona hussi povo Timor-Leste, ne'e duni mak ita hotu iha-ne'e atu fó ita-nia contributo ba continuidade projeto coletivo ida atu harii no hametin Timor-Leste.

Mak ne'e de'it, obrigado.

Bassa liman geral hussi Deputado sira no público assistente sira. Depois de remata discurso, Sr. Presidente hola fatin iha Mesa presidência hodi continua sessão ne'e.

Tuirmai ita bá canta hino nacional *Pátria*. Ha'u convida Deputado no Deputada sira mai ita hotu hamriik hodi hananu hino nacional.

Execução hino nacional Pátria.

Colegas Deputados bele hola fali fatin.

Excelências, Srs. Deputados e Sr.^{as} Deputadas, ita to'o ona rohan ba primeira reunião da IV Legislatura, ohin dia 5 de setembro de 2017, agenda única ohin ba eleição Presidente Parlamento Nacional nian hotu ona, maibé tuir Regimento Plenário Parlamento Nacional tem que hili mós membro da Mesa sira seluk, Vice-Presidentes ho Secretário ho Vice-Secretárias.

Tanba haree mós ba tempo, la iha dalan seluk, ita tem que adia ba aban. Mas, ha'u hanoin, tanba agora ita kalan boot ona, karik aban ita marca ba 3h00 loraik, atu nune'e aban dadeer fó tempo ba partido político sira bele consulta malu, iha contacto entre partido político sira, atu apresenta lista candidatura ba membros da Mesa, Vice-Presidentes, ho Secretário no Vice-Secretária sira.

Ho ida-ne'e, Srs. Deputados, Sr.^{as} Deputadas, ita hassoru malu aban.

Nune'e ha'u declara encerra sessão plenária, primeira reunião da IV Legislatura, ohin dia 5 de setembro de 2017.

Ita hassoru malu fali aban 3h00 iha fatin ida-ne'e atu continua ita-nia sessão plenária para completa Mesa Parlamento Nacional nian.

Obrigado ba Srs. Deputados, Sr.^{as} Deputadas, ba imi hotu nia colaboração, ba imi hotu nia participação, agradece mós mídia ka comunicação social, famílias Deputados no assistente sira ne'ebé desde ohin dadeer acompanha sessão plenária ida-ne'e to'o ohin kalan boot. Dala ida tan obrigado ba imi hotu nia paciência.

Boa noite, ita hassoru malu fali aban dadeer.

Bassa liman geral

Horas hatudu tuku 10 liu minuto 50 kalan.

DIVISÃO DE REDAÇÃO, AUDIOVISUAL, TRANSCRIÇÃO E DOCUMENTAÇÃO.